



光緒三十一年十二月二十五日發行

售例

- 一 本雜誌零售每册大洋銀二角五分預定全年十二册大洋銀二圓伍角本埠外埠外國一律
 - 二 郵局新章見第二期本雜誌文選類加增報紙寄費輪船火車直達之處為口岸如購一册郵費伍分全年伍角日本同輪船火車未能直達之處為腹地郵局新定章程如行駛小輪之處每購一册郵費壹角伍分全年壹圓伍角外國同至未通郵政之處民局寄費閱者自給
 - 三 凡至總發行所定購者務請將費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折拾份者八折
 - 六 在總發行所定購者如遷徙他處務託安人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報費核算如一千份者六折即每份以大洋壹圓五角核算也惟郵費分文不扣
 - 一 代售處收到費即寄總發行所如定購者不將費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新政書局 總派
報處 漢口 商務印書分館 江左漢記 廣東開新書報公司 聖教書樓 英文書莊 南昌廣智書莊 南
京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

東方雜誌第十一期目錄

圖畫

田使法國大臣孫公寶琦

出使北國大臣楊公兆奎

前日本駐俄公使栗野慎一郎

前駐日本俄公使羅善

俄將普魯巴金率衆臨陣圖

俄兵旅順破臺觀敵圖

俄將斯他率兵渡貝加爾湖圖

俄國貝加爾哥薩克兵隊渡冰圖

英故首相沙士勃利侯爵

英前首相羅士勃利侯爵

社說

選論附

退化論 谷音

駁退化論 谷音

論慈善事業中外之不同 錄八月十二日時報

論中國人才之自然退化 錄八月二十三日警鐘報

論救中國之真業傑 錄八月二十日時報

論近日民變之多 錄八月二十六日中外日報

目錄

諭旨

九月十九日至十月初六日

中央集權之預言 錄八月二十七日中外日報
論朝局將有變動 錄九月十三日警鐘報
論全國人對外之意見 錄十月初四日時報

時評

西憲不能設行省

義和團又將出現

論今日新黨之利用新名詞

內地志士與上海志士之評判

官紳之權不及婦女

沙夫報效學費

變學果竟成爲風氣耶

讓設海外招商輪船局

法人要索滬紹航路

法人暗奪蘆漢鐵路之商務

黑奴亦欲欺我華人耶

韓國漢城至元山之鐵路

俄國貴族之消耗

波羅的海艦隊之進退

內務

論近日設官裁官之無當 錄九月初八日時報

論東撫請設網足禁令事 錄九月初十日中外日報

政務處奏覆稟撫請禁漢人陋俗摺

政務處奏遵議裁併內務府司員差缺摺

直隸總督袁奏議裁地方河工鹽務各官缺摺

山西巡撫張奏五原廳移設治所片

兩湖總督飭洋務局改設六科札文

直隸總督袁奏酌裁教職官缺摺

各省內務彙誌

軍事

德俄人於中亞屯兵事 錄九月十四日時報

兩廣總督岑電奏粵西各路剿匪情形摺

出使美國大臣梁奏擬請聯約各國仿設紅十字會摺

袁咨允紅十字公約聯約條款

奉國國家紅十字會現行章程

各省軍事紀要

廣西軍事紀要

廣西防剿主客各軍表 九月分

日俄戰事紀要

外交

論美國在中國之舉動 錄八月十六日時報

論豫定滿洲政策 錄甲辰二十七號外交報日本

明治三十年十月一日大勳報

中韓新定邊界防邊約章

中外交涉彙誌

各國交涉彙誌

教育

論日報與社會之關係 錄九月初三日時報

論教育之不能普及 錄九月二十八日時報

日本教育家伊澤修二君傳畧 現為上海商務印書館編譯所編譯教科書顧問

前兩江總督魏奏江南格致書院改為實業學堂摺

四川學政鄭奏新生提履解深請以教官兼任學堂總理以期考試學務兩有裨益摺

政務處奏遵議各省武備學堂委員教習保獎章程摺

酌改各學堂保獎新章摺片

山西學政賈奏給生童履小學堂教習文憑片

湖北幼稚園開辦章程

日本學校總數表 明治三十五年調查

舊日本學校總數表後

各省教育彙誌

財政

論民財之將竭 錄十月十三日時報

論政府宜急謀理財之法 錄十月十六日時報

戶部奏北洋常備軍兩鎮餉需按月籌撥摺

江南道監察御史王奏陝西鹽政官運害巨利微亟宜罷停另籌摺

黑龍江將軍達等會奏推廣貨釐木稅派員設局試辦摺

河南巡撫陳奏豫省銀錢荒現擬設局開鑄銅圓以資補救摺

兩江總督魏奏籌擬兩淮鹽法量予變通試辦情形摺

兩湖總督張奏由湖北指款抵補鹽釐摺

目錄

兩湖總督張奏請留審捐溢股之款添補鄂廠摺

江蘇推行鈔票章程

津海關領口單證照章程

各省財政彙誌

各國財政彙誌

交通

論今日宜急保內河航路權 錄十月初三日時報

中葡廣漢鐵路合同

各省鐵路彙誌

各省航路彙誌

各省郵政彙誌

商務

商部奏請各省商務局員酌充議員摺

商部覆奏查核鐵路公司將餘地招商設廠情形摺

三

甲辰

目錄

兩江總督魏照復張修撰咨設立輪船局請給予
版權文

出使俄國大臣胡考求中國出口土貨公文

商部接見商會董事章程

商部議派各省商務議員章程

兩廣鹽務有限公司章程

各省商務彙誌

各國商業彙誌

各國賽會彙誌

僑民商業誌要

宗教

論釋臣之迷信神權 錄九月初四日廣東日報

論中國教案之原因 錄九月十八日特種報

讀某君孔子生日演說稿書後 錄九月初三日特種報

請郵奏通曉各督撫請加各種封號頒給匾額均請毋
庸置議摺

四

山西教案善後章程

各省款務彙誌

小說

叢談

十一

出使法國大臣孫公寶琦



出使比國大臣楊公兆盞



前駐俄日本公使羅善




前駐日本俄公使栗野愼一





俄將苦魯巴金率衆臨陣圖



俄兵旅順破臺禦敵圖

俄將斯他率兵渡貝加爾湖圖



俄國貝加爾哥薩克兵隊渡冰圖



英 故 首 相 沙 士 勃 利 侯 爵



英 前 首 相 羅 士 勃 利 侯 爵



社說 選論附

退化論 本社撰稿

谷音

有客持一家言奔走海內舌敝耳聾叫喚不醒廢然獨返曰嗟乎天下事不可為矣夫以泱泱大國峙於地球上者積數千年其人民足跡滿天下一旦與言亡國之禍滅種之慘世且目為狂夫而詆之為聾雖然有端倪焉是曰退化悲夫悲夫我國自中古以來政治退化學術退化風俗退化而種智亦相與日下濫觴江河匪自今始吾獨謂近今之退化尤可畏朝廷之上或且懵然於理亂之大原冒清議有所不避進化與退化與吾不敢深論吾徒朝夕居草野知民間事較詳權而論之要有數端一民人生活程度之日下也大者遠者吾姑弗論耳之所聞目之所觸與夫吾身之所交游一年以來挾贊營貿易者殆無不喪賞而返至以筆札為生活之徒則又等而愈下聚十人於此叩其經濟問題大都竭蹶支離不能自保昔日已成之局經幾多辛苦扶持至於今日者以經濟故鄰於解散者屢矣夫常人為境遇所窮僅而得衣食或且不足又望分其餘力以支持公局考其原因則曠昔卓卓者流願奮身以殉社會者察其職業則編譯者耳教師耳新聞記者耳初無一畝之植中人之產質而名之是曰文丐故其貧富緩急實與社會為轉移夫以社會之力并此區區數十人而

社說

二百五十七

甲辰

不能徧給。則社會之財力固已不言而喻。此猶一部分之現象耳。所最異者。方今生計雖艱。難終未至凶荒旱潦。人人不得衣食。而隱觀各地情形。則大抵有不可終日違恤。我後之意。富者愈壟斷。貧者愈作僞。於此而語以國家思想。人民公德。徒見其大言無當而已矣。夫以若斯現象。雖自昔已然。究不至如今之甚。此非退化之一證與。一對外思想之薄弱也。庚子大創以後。奉外人如神明。牛馬僕妾。惟恐不當。意固無論矣。美洲之虐禁。非洲之苛例。要爲人類所難堪。而吾國民無貧富貴賤趨之若鶩。蹈死如飴。一。二有心人。徒以疾痛慘怛之聲呼號於數萬里外。而吾人無尺寸憑藉。相與撫髀太息。莫之能救。夫我民對外之歷史。大約可分爲三級。始而玩忽。繼而滅裂。終而呼籲。夫吾民至出於呼籲之一途。實爲鼯鼠技窮。退無可退之日。蓋其初與外人相遇。必曰是腥羶者何足畏。泊夫主權墮落。喧賓奪坐。又不能較量彼此。徒逞其一朝之忿。鹵莽無識者。又從而利用之一唱十和。貽禍至不可收拾。外人遂得以囊括席卷之威。置吾民於水火草薶禽獮。嚴法峻刑。吾民相與忍辱含垢。坐以待死。充其伎倆。惟數輩書生。述慘毒痛苦於文字間。冀流傳於萬一。而我民對外之術。實終於此。嗟乎。不圖我海外僑民。乃亦退而出此一策也。不然。我民之商於其地者。往往挾貲數百萬。而母國路礦之權。方爲外人所集視。朝廷之上。草野之內。相與喘汗奔走。謀有以抵制之。

求。資。本。不。可。得。徒。以。空。言。坐。失。機。會。我。民。而。果。有。進。步。也。則。富。者。輸。財。貧。者。效。力。何。事。不。可。爲。又。何。至。側。身。嗟。歎。無。托。足。之。地。哉。至。若。自。命。爲。志。士。者。積。數。年。苦。學。一。旦。歸。國。僥。倖。進。身。會。不。聞。有。所。建。白。爲。國。民。謀。絲。毫。之。利。當。其。寄。身。域。外。傲。睨。今。古。抵。掌。論。國。家。事。未。嘗。不。太。息。慷。慨。指。天。自。明。推。其。氣。節。泱。泱。乎。中。國。之。赤。子。矣。顧。乃。一。入。都。門。踰。淮。成。枳。其。間。以。鑽。營。狎。游。聞。者。實。繁。有。徒。嗚。呼。曾。幾。何。時。退。化。又。何。其。速。也。又。如。各。地。學。者。昔。曾。跳。踉。於。風。氣。之。間。人。人。以。拿。破。崙。自。命。今。亦。寂。然。無。稱。身。心。俱。死。此。又。初。料。所。萬。不。能。及。者。矣。抑。吾。更。有。說。者。江。浙。之。地。處。文。明。流。域。以。開。通。負。海。內。重。望。而。無。知。之。徒。乃。以。一。家。私。怨。至。舉。地。方。命。脈。之。學。校。而。亦。焚。毀。之。斯。直。野。蠻。無。人。理。傾。長。江。之。水。不。足。以。洒。其。恥。者。矣。嗚。呼。大。地。如。塵。羣。生。如。睡。我。其。如。斯。民。何。哉。歸。休。乎。君。請。與。田。夫。野。老。游。不。復。與。聞。天。下。事。

駁退化論

主人譁然辭而闢之曰。是安得此不祥之言。少安無躁。行且以片言破子之惑。夫事不深求。其所以然之故。沾沾然守一孔之見。挾斯須客氣。信口談興衰之迹。輿會所至。大言炎炎。釀海水以爲酒。一旦小拂意。又嗒然自喪。日夕慨歎於交游之前。曰。天下事不可爲。天下事不可爲。夫估人子操一業。殷勤辛苦。易升斗之粟。不幸構患難。猶且謀所以改良之術。鑿而

弗舍士人束髮受書被二帝三王之遺教生息長養於母國相與謀天下之存亡談何容易而動以歎歎太息出之則夫子猶有蓬之心也夫錫金毀學之案固大地之駭聞爲民族污點雖以談天雕龍之辨不能稍爲諱飾然吾則有說以處之夫我國民智萌芽未幾普及教育汨焉無稱蚩蚩者流原不能以過高之論求全責備蓋我民積習畏捐輸如酖毒實以提倡成例積弊滋生民脂民膏一入捐者之手不復能問其如何銷耗是捐輸之欺誠不如以錢投水則吾民之反對也固宜雖今之學校以民間貲財養地方人物然吾民第知向來之捐納而已設將來民智大開學校成績卓然可觀吾民於以知所捐納者竟能爲地方造無窮幸福而後爽然於學校捐貲不啻爲地方增私產夫人非顛癩不知名物未有舉其私產而拉雜摧燒之以供途人之擄掠者今何時乎徒咎吾民之野蠻鄙惡萬口同聲肆其攻擊曾無殷勤督厲之辭破其狂惑不教而誅清議又何能盡信乎抑吾又有說者錫金之民雖狂悖未必如義和團之甚庚辛之間論時局者方且低徊惋惜謂塞之爲野蠻排外通之爲獨立精神吾於錫金之案亦然謂塞之則成爲毀學頑民通之亦未始非權利思想語雖創聞然至理實存乎其中矣此其一至如近今學風雖宗泊無所觀此亦事變之常無足深異夫一年以往無老幼智愚突蹄叫呼不可一世識者早知其不終而社會經此刺激人心亦

相與進化。知欲謀國家大計。非可以一時之叫囂勝也。於是科學之說稍稍萌芽。其賢者人趨於實際。而不肖者流無所附會。遂覺太清一空。不聞人跡。概之退化。或亦皮相之論矣。吾又有說者。今人論中國民族。每稱其爲永靜性。吾則謂我民之短不在靜。而不動而在善動。無恒。蓋我民穎秀出於天然。又生長於詩書文物之邦。稍稍爲外界激刺。必多情而易感。易感故善動。然以國家之方針。初無定向。外人勢力日長。方朝不謀夕。果循何道。足以挽回國難。雖聖人復生。未易爲之。斷定掛一漏萬。無所適從。放舟中流。與波旋轉。朝而工矣。暮而商矣。始而兵矣。繼而礦矣。心與勢戰。理與慾衡。昔爲國民。今爲祿蠹。俯攻實學。仰望科舉。所謂過渡時代之變相也。今學風亦既靜闕矣。吾恐未幾時將復因循。生厭爲曩者之叫號。而後歸於鄭重。旋起旋伏。忽揚忽抑。將進將退。轉虛轉實。所爭者最後之一著耳。此其二。非美僑民。雖空言無所施設。然抵制禁例之演說。非洲苛例之報告。要不聞於庚辛以前。夫人第患不知痛苦耳。既深知確見於非我族類。其心必異。外人文明不利於我。則民族團結之精神如疾風怒濤。不可遏抑矣。況有我二萬萬方里富饒之地。爲之故宅。四萬萬之同胞。爲之後勁哉。且路礦問題。數年前無人過問。故不肖無人心者。得以發賣如意。社會無一言爲之督責。癸卯以還。浙人首發其端。沮意商之約。而皖人繼之。而湘粵同人以鐵道故起。而詰問

社說

二百六十二

十一月

外人已有收回利權之勢。此又庚辛以前所必無之事也。謂之進化。誰曰不宜。社會經濟。雖曰艱難。然今之有心人。猶得而恃無恐者。賴有不動之天產。未經發現耳。語曰。窮則變。變則通。社會果不能自存。必思有以保此天然產。而發明之。操權自我。絲毫不容外溢。而種種事業。同時並舉。謂社會貧乏。如今日者。吾未之信也。語有之曰。飢者甘食。渴者甘飲。民之憔悴。亦云至矣。振刷而出之。鼓舞以導之。歐美之隆。反掌間事耳。嗟乎。嗟乎。吾祖若父子。若孫受國之厚恩。榮辱與俱。死生與共。胼吾手。胝吾足。敝吾舌。絞吾腦。報國民之深恩於萬一。其濟國之靈也。不濟則以身名殉之。殆所謂落落大丈夫矣。不然。時無可爲。山林長往。國家治亂。付之蒼蒼。又何貴乎吾民哉。何以見祖宗於地下哉。

論慈善事業中外之不同

錄八月十二日時報

慈善事業之不可一日輟於天下。是固理論家之所同認者也。而施之於中國。爲尤切。欲救今日之中國。必自改良風俗始。必自增進民德始。必自聯合人羣始。而是數者。皆非以慈善事業誘掖而將助之。則終無以立其基礎。然而慈善之事業。歐美諸國今日行之。而中國亦自古有之。且中國人所以營營於慈善事業者。其熱誠。或較他國人爲殷。其擴充此事業之範圍。或較他國爲尤廣。願以其收效之結果。相提並論。則其影響社會。乃有相背而馳者。蓋

西人之慈善事業。皆有以裨助其文明。而中國之慈善事業。乃每與文明之進步。顯不相容。而加以無窮之阻力。證據昭然。良不可諱。故近日憤世嫉俗之徒。嘗發爲善書。有害於天下之說。而其集矢於時俗所爲慈善事業者。尤非一端。雖然中國之慈善事業。無益於社會。而有害於文明。大略如是矣。願以平情論之。則其無益也。其有害也。皆其所以號稱慈善者。性質悠殊。而非其宗旨之謬也。必謂慈善之宗旨爲謬。則彼西人之爲此事業者。何以又能裨助文明。是則因噎廢食之談。終不可垂爲定說也。竊嘗以慈善之事業。合中外而察之。其不同之端。略有可言者。一則用心之不侔也。中國之創爲慈善事業者。類多由於迷信禍福之深。然西人之慈善團體。亦大半沿於教會。其於因果之念。要莫能免。所以異者。則中國人先有一禍福之見存。而慈善之事業。實緣此禍福之心而起。故其爲慈善之行也。恆以禍福爲本位。而慈善之事業。乃不啻爲此禍福之芻狗焉。其慈善心之所發者。既有不同。即其慈善之實施者。亦相牴牾。不問可知矣。今爲設其比例。譬有一公積金於此。甲欲以用之於學堂。乙欲以投之於廟會。則將乙勝焉。丙欲移之於工程。丁欲施之於塔捐。則將丁勝焉。至於提科舉之費。以遊學。藉修志之款。以藏書。雖其事無與於報施。而衆情之向背。尤將有以迥異。推其原理。則罔不由禍福之一念。以生其歧視之心。一若以某事爲可避禍而得福者。又若

以某事不能消災而致祥者。而其所以自爲去就者。乃於是卜之。則雖以解衣推食之所爲。而持較傳芭會巫祝之行。何所擇哉。是慈善之本旨。不西人若矣。一則志趣之不博也。西人之有慈善事業。其名目至爲不一。然要皆以善待同類。高尚人格之二語。以爲用心。而視爲凡人所當盡之義務。其瑣瑣之事。姑勿具陳。而其著爲美談者。則莫若英人之東倫敦善會焉。東倫敦者。英國貧民之藪也。其俗之汚。地之陋。有不待言者。乃英之世閱婦女。不憚其煩。至有結爲專會。投身以入此貧民之窟宅。而爲之整理。助其治生者。蓋非有利益之實名譽之見。而始爲之。直以爲人之待人固當若是而已矣。而卒使貧民絕其所以致貧之因。生計漸立。教育漸進。不至爲全國社會之累。則善會博愛之功也。故說者謂舉英國一切之事。一應之物。皆不足爲倫敦之花。而惟此扶助貧民之實。庶足以當之。其爲慈善事業。抑亦偉矣。而我中國之爲慈善事業者。曾足以語此宏識否乎。吾恐其於善待同類。高尚人格之二語。未必有所會也。是慈善之懷抱。又不西人若矣。一則辦法之懸絕也。彼西人之以慈善待人也。匪惟衣之食之。煦之哺之而已。蓋凡人之所以致此貧困者。不自天災。不由鬼禍。而實人事之闕憾。有以使之然也。故慈善家之用心。以爲不絕其貧困之由。則其貧困終莫得而掇。而慈善之責任。於是爲未盡焉。夫所賴以絕其貧困之由者。將何道之從。母亦爲之各籌其

生計使皆有以自存而不至終於徒手待食已耳於是愚昧者施以相當之教育遊惰者授以適用之勞工其視中國爲善者之養而亡教予之食而不任以事者孰能持久不問可知矣。爲倫理學家之言者謂人當艱苦之餘若一聽其身心腐敗則必至背戾道德其毒害且不止於一身而終爲世蠹故必當其腐敗之初加以合格之救濟則被救濟者得以再立於人羣而社會上不啻多一有用之良民則受者與者交得其益無異環而相報也而所謂合格之救濟者匪曰餼糧匪曰繪帛亦惟俾之職業進以學問而已矣。爲此說者驟聽之或訝其迂遠難行非如是則終不能獲澄源塞流之效而貧困之由不可絕則慈善之事業且無盡期尤不若此法之較捷也而我中國之爲慈善事業者則何嘗深慮及此是條理不西人若矣。一則器量之相殊也凡人植於天地之中儕於社會之列圓其顛方其趾以含生負氣而棲息於此人種之間固當一例平等視之不能以一己所居之地位對待於他人所居之地位而有所高下軒輊於其間也彼爲慈善事業之人與就養於慈善事業之人雖有教人與待教之分而其爲人類之種則一而已。夫尊敬人羣之說或不能盡語於常人而彼號曰慈善家者則豈有不明此意以善體之者乃觀於吾國之爲善者則若有稍異此者焉。蓋中國之流品本有高下之相懸故不能去其軒輊之見而教人者與待教者遂亦若以此而判

其高下。於是嗔蹴之與。嗟來之食。皆在不獲免之例矣。況如第一說之所云。中國之爲慈善者。皆先以禍福之酬報爲心。而慈善之事業。實爲此禍福之芻狗者也。爲善之本源若此。則救人者。其視此待救之人。無異供其求福之一物。蓋與世俗徼福於鬼神之冥具。品無別。其視西人之以救人爲天職爲義務。而其對於被救者。溫辭異色。曾無自矜之意。相遜又何如耶。此所以慈善事業。雖溢於國中。而於合人羣。固團體諸大端。終未有受其影響者。也是風氣不西人若矣。綜上數者。雜然舉之。於其不同之源。固多未盡也。以慈善事業之有裨於天下也。若此。而施之今日之中國。爲尤切。則雖以其無意識。無精神之所爲。亦何可過爲高論。以相繩而沮其爲善之初心。墮其爲善之盛德。雖然。所貴乎慈善事業者。以其有改良風俗。增進道德。高尚人格之厚望也。乃若所舉之數說。以求之不將有背道而馳之慮。而幾幾爲阻遏進步之象乎。作者之爲是篇。泛論世風。非有專指。惟願聞者。有則改焉。

論中國人才之自然退化

錄八月二十三日警鐘報

嗚呼。環視東西各國。其人才之盛。莫不蓬蓬勃勃。日趨於進化之機。而內顧中國。人才消乏。已呈一自然退化之現象。

夫吾中國之所謂人才者。吾知之矣。在所聞世所傳聞。世皆沈溺於攷據詞章八股之中。以

升官發財爲希望。以田園產業爲目的。殆不知人世間有所謂社會國家事也。

在所見世則國勢日弱。疆土日促。財用日匱。外人之相逼而來。優勝劣敗已呈顯狀。於是全國人才約分四等。而其等差約以年歲爲之限。

其少者受外界之激刺。瞻內象之顛危。推厥原因。咎在政府。由是不得不謀推倒舊府而更立一新府。血氣發越。橫決四溢。遂起而日倡革命。此種人才約在二十歲時代。其壯者亦知舊法之不足以圖存也。舊政府不足以爲治也。心醉東西。各國之強由於憲法之成立。於是不揣其本而齊其末。遂汲汲以謀立憲爲事。此種人才約在四十左右。其老者以老成持重自命。事事必率由舊章。指談革命者爲亂黨。號謀立憲者爲狂徒。一切新法新政均視之如仇敵。而保守其頑固之政策以爲不二法門。如是者其年恒在六十左右。其尤老者位更高。祿更厚。尸居餘氣。日以保全殘命爲宗旨。唾罵之而不知羞。悚怒之而不爲動。無以名之名之曰涼血動物。如是則其年約已八十矣。

然以上所言皆就目前之人才而分以等差也。吾特恐自今以往。人羣愈散。時趨愈下。胥中國之人才而一無能力。則今之主張革命者不幾時而主張立憲矣。立憲不成不幾時而變爲頑固矣。由頑固而變涼血勢甚易。其退化若此。而又若有一定經歷之階級。則可胥中

國之人才而斷之曰二十而革命四十而立憲六十而頑固八十而成一涼血動物嗚呼以一人之身由少而壯由壯而老所經歷所變遷所成就如是如是是一人如是胥中國之人亦如是於此而猶欲其土地之不亡種類之不滅得乎

論救中國之真豪傑

錄八月二十日時報

名士才子豪傑皆美名也而名士至晉才子至明豪傑至今日則皆失其美名焉此何故歟晉明往矣可無論矣獨以今日中國國勢瀕危內部之患如肉之腐爛日見消潰外界之迫如火之煎膏日見憔悴丁于此時天生多豪傑風雲龍虎共濟時艱此正吾所拭目以望企踵以待者也歲月荏苒不數年間英材輩出竟能如願以償發源於三島蔓延於滬濱花間酒座水次林邊舉目皆是平等獨立革命流血之言洋洋盈耳至其見之於實行者則其自由乃侵人之自由損人而益己其破壞乃推倒學堂停閉報館於是向之禱祀者今則望而避向之企望者今則蹙然悲向則患豪傑之少今則患豪傑之多矣嗟乎豈真患豪傑之多哉患無真豪傑耳然則懸一格以求之必何者始為真豪傑誠如華盛頓拿破崙克林威爾俾斯麥克輩始謂之真豪傑乎曰華盛頓者救美國之真豪傑拿破崙者救法國之真豪傑克林威爾俾斯麥克為救英德之真豪傑然使彼等生於今日卒然以今日之中國授之其

能救與否亦正在未定之天。何則社會情形之不同也。社會情形不同則風俗不同思想不同。習慣不同嗜好不同。譬之西藥初服者往往而不驗。譬之西菜初食者或投箸而起。廉頗入魏思用趙卒職是之故。故吾甚望有救中國之真豪傑也。至豪傑之情狀雖種種不同。然大致可分為兩類。一為世界之豪傑。一為一國之豪傑。二者得一國其有瘳。

<p>世界之豪傑</p> <p>以救國為入世之一事</p> <p>綜合古今中外之教理斟酌其宜以施教育</p> <p>收聚一世之英材而教育之</p> <p>有教無類視人皆可為善</p> <p>驚醒全國之迷夢於酣嬉歌舞之時代</p> <p>言人所不敢言為人所不敢為能造就時世</p>	<p>一國之豪傑</p> <p>專以救國為目的</p> <p>深通歷史精省國勢一切政治法律外交皆了然於心胸而見諸施行</p> <p>網羅全國之英俊而聽其指策</p> <p>知人善任因材施教</p> <p>深於閱歷練達世情凡國內各種社會情狀均能透澈故所遇無阻</p> <p>料事於幾先任重而不疑能實成事業</p>
---	---

社說

社說

二百七十

十一月

嗚呼。如此者。乃可謂之真豪傑。吾中國有之否乎。難者曰。十年以前。士大夫以登龍虎榜。入鳳皇池。為入世之一大事故。每以三更燈火五更雞。正是男兒立志時等語。為教科之格言。當此舉國夢夢之際。一二有志之士。痛心時局。聲言救國。得不謂之豪傑乎。曰。吾固謂豪傑者。不拘一格。以地異。以時異。時至今日。則斷非號稱有志。徒託空言。而毫無實際者。所可蒙其虛名也。豪傑豪傑。正目前救時之要藥。殆如夏日之冰。冬日之炭。饑時之糧。渴時之水。有之則可救無之則必不救。願吾國之豪傑。思之思之。

論近日民變之多
錄八月二十六日中外日報

民變一事。千里萬緣。非久居其地。目擊其事。恐不能確知其原委。必不能以理想決之也。然就數年以來之已事。參伍而求其據。亦未嘗無公例之可言。案近年民變之由來。有二。一曰抗捐。一曰鬧教。兵亦民也。而兵變之原。有一夫曰捐。曰教者。皆國家所行之實事也。曰抗。曰鬧者。皆文牘所加之惡名也。欲辯為抗。為鬧之為何如情。當先明為捐。為教之為何如事。攷今之所謂捐。與今之所謂教。此二事者。皆我國歷史之所無。古人一切政書。亦無有一言及者。而此一二十年間。始持以牧令至嚴之考績。一切舊政。除辦差外。其功罪均莫能與此二者相較。焉而至求二者之由來。則均非民由之。而皆自上開之。捐者上之人。無方略。無武備。

不詢之民而輕啓大釁爲人所勒令而乃以此取諸無辜之人者也教者爲淵。敲魚爲叢。敲。爵使吾民不必信教而自奉教者也故此二者之起致之者有三類人焉曰政府曰督撫曰州縣二者之害受之者有一類人焉曰民二者之利受之者有一類人焉曰外人當捐之行也一盞燈一斤肉一瓶酒無不有稅墨吏劣紳從而把持之既以釐捐之故使百物騰貴人困於無聊至此再直接以稅之夫可有可不有之物民可因其貴而不用也若夫煙酒肉則爲生人所日用之類而亦使之不可得民始怨矣然其怨以賣此物者爲尤甚而買此物者稍次之無他買者尙可堅忍而不買而賣者則業爲之敗也至於教禍其事尤可傷州縣所畏者督撫督撫所畏者朝廷朝廷所畏者外國朝廷既畏外國則畏朝廷者自不必言而教士者外國所保護也教民者又教士所保護也今日之局幾幾一教民即可代表一外國以我無政府之一民而忽然遇一外國有不受其姦淫虜掠者幾何也故此三者均以切己之怨憤而迫於極重之壓力蘊之既久無有不發及其既發則議者不論其本而治其標一則曰幾同化外一則曰目無三尺若剿之惟恐不速者吾不知此王化與三尺者固爲何物平日果否持此以致力於民而真有見於民之梗頑而不從之耶抑亦無諸己而責諸人也本報之爲此言非謂抗捐鬧教皆爲應爲之事第念天下何以有此捐何以有此教皆

爲政府失職之故。已實致之。而又不善其所爲。及一有事。則以大礮從其後。此非惟天理所不容。其爲謀亦已疏矣。本報深望以後。朝廷於抗捐鬧教爲首之人。固不能不從重懲辦。而於此致民抗捐鬧教之官。則其罪必加於辦事者一等。此固非上策。然亦可謂不得已而思其次者矣。

中央集權之預言 錄八月二十七日中外日報

權者利器也。當其散於各處也。則聚之不易。及其聚之一處也。則散之亦不易。然與其聚而不可復散。則毋甯散而未嘗聚。散而未嘗聚。不過無集權之利而已。而權之實力則固隱於各處。而不憂其有所耗滅也。故識者慎焉。若夫已集之後。則不然。已集而後散。則崩潰隨之矣。今者忽有中央集權四字。出現於此。已衰已弊之老大帝國。而此老大帝國。於他言不之信。而於此四字。若或信之。政府信之矣。而吾黨中人。亦有以爲然者。間嘗爲之深思之。此中央集權之本意。既與我國不適。而此中央集權之作用。亦與社會有疑。既不適於實際。而又可動天下以浮言。在政府亦何所樂而用之。其義已盡。本報日前之論矣。然而隱微之際。本所難言。利害之先。尤無定論。若固執中央集權。卽爲中國前途至凶惡之事。必將以反對中央集權爲中國前途至吉祥之事。夫非中央集權之爲吉祥。則又非本報之所喻也。彼以非

中央集權爲吉祥者將以中央不集權則吾民可以實行其革命遂滿之謀耶夫漢人之言逐滿與滿人之言不准漢人作三品以上官其正負相反而其程度正相同皆同出於一種不更事之少年欲以史書之芻狗例人事之萬變耳其事必不可行其謀必不能遂稍有閱歷者皆知之可決其必不吉祥也以中央不集權則可擁各督撫以自王耶極目神州萬方一概今之督撫誰足以當此謀者享爰居以鐘鼓吾知其必無幸矣更可決其不吉祥也既以非中央集權爲未必有幸豈轉將以中央集權爲至當不易耶得毋與前之所言相違反然不患其違反者蓋非中央集權誠未見其爲利而中央集權亦有不勝其害者言不可以一端而盡也今使中央集權而爲第二之義和團使中央集權而爲第二之海軍衙門此固可謂之害然其害由於僞中央集權耳而非真中央集權也若真中央集權則其爲利害也更大蓋權者利器也一聚之後不可復散而此主權之人即爲國家之所託命生死禍福無不隨之設此主權之人聰明壽考得以行其所志本報亦深知中央集權之後其局面必較勝於今日惟其中有二弊焉一則人生修短本不可知設其人經營未已而中道已殂則勢將以一庸庸者代之以據其利器其害一也一則權之所在即怨之所歸設有人焉爲快意當前之舉則權臣去而國命隨之其害二也此二者吾國之歷史多有之而揆以今日情

社說

二百七十三

甲辰

勢亦深。有合者。夫古之論世者。於事至無可如何之處。則歸之於天。則夫今日之事。之利害。不歸之天。而誰歸哉。

社說

二百七十四

十一月

論朝局將有變動 錄九月十三日時報

朝廷近日注意練兵一事。其堅毅勇決。為向來所無論者。或以為朝廷將認真變法。然以觀他事。如教育。外交。財政。諸要政。其廢弛依然如故。或且加甚焉。則又何哉。竊謂於此。可證政府之權之分。而朝局亦將有變動也。考練兵一事。其主動之力。似不在政府。而在政府以外之人。而此人者。其權勢魄力。轉足驅使政府。又所建之策。極契上意。故悍然以令天下。而不疑所謀之事。與主謀之人。皆儼然與政府不相屬矣。與政府不相屬。而其所謀之事。又必假政府之手。以令天下。則政府之失位。可想而知。其事既終。不能與政府相離。而關係之鉅。頭緒之繁。又終不能與不諳此道者。遞演遞推。因果相生。而朝局之波瀾。必起矣。夫中國政府。固常為政黨內閣之形。同列雖有多人。其中必有領袖者。主持一切。同列皆聽命於下。而公卿之據要津者。又必為此領袖。或同列之私人。焉行一政策。皆有徒黨附和。儼如外國之政黨。然特其攀附之迹。不於顯而於隱耳。故領袖一易。前之徒黨。除宗旨素同。或工於詔附者外。其餘多致失權。若領袖者。抱特別之宗旨。推排異己。而其力又足廣置私人。則

多取舊時朝列。鋤而去之。而其餘亦有相從風靡之勢。數百年來。其事之見於私家紀載。野老遺聞者。不可勝數。最近之事。如翁同龢。榮祿。卽其例也。自庚子後。政府乃無主權之人。雖執政之中。慶邸實爲領袖。然慶邸秉政。本不由於特簡。且其辦事。又無特別之宗旨。不足以顯其權。於是政府之權。遂濫溢旁出。而爲他人所掠取矣。夫今日朝廷辦事之宗旨。果在何點。雖不可得而知。然朝廷既有勵精圖治之心。則凡嘉猷嘉謨。其有裨時艱者。宜爲當之所取。以朝廷辦事之心。與政府不辦事之心。不期而遇。則朝廷之於政府。固已不能釋然。況其徒黨亦不以辦事爲心。則政府雖有勉力圖報之忱。亦必不能成一事。而此時有能辦事者。出其聲望。其才調。其徒黨皆遠出政府上。而其辦事之宗旨。又最爲朝廷之所樂聞。則其契合之深。倚任之切。駕政府而上。夫豈待言。此權力消長之機。所爲至今而益露也。夫辦事實權。向必寄之政府。今政府既放棄其權利。失位之誚。已無可逃。況所辦之事。與平日宗旨。既不相侔。則雖敷衍施行。欲其上契宸衷。必不可得。若是乎更易變革。必將從是而起矣。天下一事之來。必具無數之因。亦必生無數之果。如欲研究此種波瀾。由何方面而起。及其事之爲利爲害。尙須視所辦之事。宗旨若何。不得專恃理想爲之推證也。惟朝局變動於時。局實有攸關中國往。往愈當亂。世朝局之變動愈多。則以迫於救亡。而又無一

定之方針故卒至輕舉妄動。如唐末命相最多。明莊烈一代。易相數十。其成效何若。識者皆知本館之意。固深願朝局轉移。急新治績。特其事關係頗鉅。萬一不慎。再蹈前年之覆轍。吾國前途之運命。豈堪再付之兒戲哉。心所謂危。不敢不告。故推測其隱曲。聊著於篇。若夫練兵之宗旨。中央集權之問題。論者已多。不觀縷也。

論全國人對外之意見

錄十月初四日時報

今日之世界。由民族主義而進於民族帝國主義之時也。故視國者必視其人民智識之高卑。社會羣體之進退。以定其國之強弱。廢興與否。而不鯁焉。執一事一策。以爲衡。且任舉何事。皆將具此數者發表之現象。卽現象以深求其故。則國民全體之象現焉。此其事於我中國今日尤易見之。今朝廷上下所最苦者。非外患乎。然外患之來。非伊朝夕。其所以造成此果者。大抵關乎人民智識。社會羣體之不足。與外人抗而因應折衝之失策。尙屬其餘。如民族之勢力果堅。則對外之事。政府卽屬無用。而有國民以監督其後。亦不致貽誤多方。惟國民平素一聽命於政府。於政府所爲。從不加察。其聰明才力。又不足判斷。其是非得失。一切漫然聽之。於是對外之事。乃無與於國民矣。積漸既久。而民族之實力。又不足爲政府之後援。雖有善者無從設法。於是政府之誤者益誤。國民之愚者益愚。甚且政府有一二合例。

之爲而多數國民反不能共喻。列國外交之事多經政府商辦有時國民亦莫名其妙然此事與彼正爲反比蓋一以見人才之傑出一以見民智之昏蒙耳起視社會之現象乃奇形怪狀橫見側出而不可思議矣。今考中國對外之意見合四萬萬人計之大約可爲四派。一曰混沌派。坐井觀天看朱成碧耳目蒙昧如處夢中凡內地之士農工商及全國之婦女半歸此類。凡此於世界之情勢固不及知卽己國之爲何形狀殆亦未曉對外之思想更無自而萌芽其胸中祇有洋鬼子夷人數字彷彿遇之梨園扮演豆棚閒話而已。其一曰奴隸派。凡通商口岸之農工商中下等人皆屬此派。凡此於世界之情勢儘有未知而大英大法大德等國名則素所諳悉受外人之顧則榮若遷官奉洋東之命令有逾於忠僕而其於本國人也則欺辱之踐踏之不復有同國同胞之誼焉。一曰傀儡派。凡全國之官多屬此類。凡此者由貪財而戀位由戀位而媚外不必指爲何事別爲何人凡在外人皆在當媚之列既無所不用其媚則惟有聽其號令以博歡心順其指揮以求無事而已。若知彼知己之語因物付物之方皆非所當悉。蓋遇交涉繁雜之地官吏幾無絲毫主權焉。一曰清明派。凡稍開通之官及自命新黨者皆是。若是者其識見不必盡卑而學問每多不足。然於對外之事頗具熱心於是講文明排外焉論外交手段焉。然其說不根原於學理既不能以之實行而此輩者往往不諳內情又無條議措施之實力故於對外無效力焉。

然以之開通風氣則善矣。凡此四者我國之人略具於此。大凡混沌派之人最多。奴隸派次之。傀儡派又次之。而清明派且不及十分之一焉。夫對外思想者民族思想之代表也。今全國之人乃以混沌奴隸爲多數。其民族思想之薄弱亦復可知。何以與外人相抗。尤可懼者。察吾民情形。大半才出混沌。卽入爲奴隸。而官又兼混沌與奴隸二者。是吾民之性質將永無獨立自尊之一日。卽推之吾國。永無獨立自主之一日。夫至民智民德沈淪若此。而猶冀其振興奮起。不得謂非本館之奢望矣。故國者民之積也。全國人民意向所趨。卽其國勢隨之而變。今混沌之狀。能望其悉開通乎。奴隸之性。能望其悉改易乎。有一不能。吾國將無以自立。混沌傀儡則聽人分割。奴隸則願人分割而已矣。雖有一二清明之人。豈能轉移全國之風氣。今日外患可謂亟矣。外侮可謂盛矣。試問吾國動何感情。有何志意。吾不敢爲國人諱。恐愛國之士亦不免有外人可懼。無法抵制之想乎。若是則國民心中之傾向可見矣。夫民族思想愛國之本源也。乃全國之意見一至於此。魚爛之歎能不悚然。願我國民幸自省察而補救焉。

諭旨 九月十九日至十月初六日

官廩生文厚著以文職用恩臨着以侍衛用江南道監察御史著伊凌額補授截取戶部郎中陳寶璿刑部郎中王國鏞俱照例用特旨陝西補用道姚福同著照例用俸滿湖南安化縣關補湘鄉縣知縣顧玉成著回任分發江蘇道梁登仕浙江道劉永演湖南道馮作舟江蘇知府宋康復張景祐山西知府傅秉鑒浙江知府段慶熙江蘇知府張熙鏞直隸同知許常齡浙江同知趙增格四川同知馬師周河南同知李端祐江西同知崔廷潤江蘇直隸州知州金容鏡山東直隸州知州李葆良江西知州許鳳藻湖北知州吳勤修江蘇知州黎明山東知州殷有濟山西知州王勳貴州知州孫琳直隸通判崔蓮珍山東通判濮賢聰湖北通判瑞珊湖南通判汪朝宗雲南通判鄧德淹兩浙鹽運判邊嘉培江蘇直隸州州同周嘉琛奉天知縣宋葆元直隸知縣雷其源安徽知縣張輝劉振超山西知縣俞安之河南知縣陸兆奎褚輝祖陝西知縣李漢源浙江知縣徐璧華江西知縣譚鴻基湖北知縣夏祖絡楊其昌俱照例發往欽此 諭旨本日引見之知府用前山西解州直隸州知州沈士鏞著發往山西以知府補用欽此 九月十九日

官分發廣東知縣池仲祐奉天知縣王荷直隸知縣饒福臣江蘇知縣朱振鏞方在鋪糧家祥安徽知縣曾毓驥喻兆鳳楊壇山東知縣何恩錫山西知縣寶宗瑛張文瀚河南知縣許長椿武培元劉仁駿潘祖恩陝西知縣武紹元浙江知縣郭士瑞蔡煥熙江西知縣邵啓賢楊壽春洪恩綸涂輝坤賀錫蕃福建知縣王志廉湖南知縣沈秉樞黃希仲金鴻鏞張祖華四川知縣楊鍾漢王振聲廣東知縣孫元蘭袁可羣貴州知縣劉華瓊俱照例發往廩生聯昌著以文員用擬補內閣中書鄧邦彥着准其補授黑龍江墨爾根城倉官員缺著擬正之喜山補授東陵工部員外郎著潤璋補授盛京戶部

諭旨

七十一

甲辰

主事著桂香補授戶部漢字堂主事著賜恩補授吏部司務著榮光補授擬補盛京戶部筆帖式善繼莊浪城守尉衙門筆帖式不振俱准其補授保舉陝西補用道楊崇伊著照例捐復前順天宛平縣知縣趙炳文著准其捐復原官照例用欽此二十日

上諭此次考試開散宗室馬步箭五枝之壽彭等二十五員均著賞給三等侍衛中步箭四枝並中馬箭一枝之善懋等十員均著賞給四等侍衛其餘中步箭四枝均著賞給大綬一疋銀十兩中步箭三枝者均著賞給五兩欽此二十二日

上諭山東巡撫著胡廷幹署理未到任以前著向其亨暫行護理欽此 上諭兩江總督著周馥署理迅速赴任未到任以前著端方暫行署理江蘇巡撫著效曾暫行護理欽此 上諭陳龍奏黃河新降安瀾一摺本年大汛期內黃河水勢浩大兩岸各所掃壩時有刷整仰賴河神默佑打護不穩獲慶安瀾實深寅以著發去大藏香十枝交陳龍龍祇領河

神廟恭代祀謝用答神麻所有辦理河工出力之河南布政使瑞良著賞給頭品頂戴開歸陳許道曹福元河北道馮光元江蘇試用道袁照黎均著交部從優議敘開封府知府石庚著賞給三品銜餘著照所請辦理該部知道欽此二十三日

上諭署理兩江總督江西巡撫李興銳持躬廉正練達老成由請生從事以幕擢升知府薦陟封圻歷任江西廣東閩浙等省均能整躬率屬勤政愛民朝廷深資倚畀本年調署兩江總督到任未及兩月遽爾溘逝軫惜殊深李興銳著加恩

照總督例賜卹任內處分悉予開復應得卹典該衙門查例具奏賞銀一千兩喪由江甯藩庫給發靈柩回籍時沿途地方官妥為照料該署督子孫幾人著端方查明具奏候旨施恩用示篤念蓋臣之意欽此二十四日

旨商卓特巴策丹汪由彭錯汪熱著補授噶布倫欽此 旨羅桑增墜甲錯著補授扎什倫布扎薩克喇嗎欽此二十五日

上諭馬亮奏領隊大臣因病懇請休致一摺錫伯營領隊大臣色袍西賢著准其開缺以原品休致欽此二十六日

上諭安徽安慶府知府員缺緊要著該撫於通省知府內揀員調補所遺員缺著恩鎮補授欽此 旨希賢著賞給二等侍衛作為伊整錫伯營領隊大臣照例馳驛前往欽此二十七日

上諭湖南學政吳慶坻因病懇請開去差使一摺吳慶坻著准其開去差使欽此 上諭江蘇江安糧備道員缺著裁缺湖北督糧道譚啓宇補授欽此二十八日

上諭湖南學政著支恒榮去欽此 上諭十一月十六日冬至大祀 天於 園邸朕親詣行禮四從壇遣延康錫明麟黃永安各分獻欽此 上諭順天府奏請撥王恕園等處粥廠賑米一摺所有通州王恕園等處粥廠並煖廠樓流所清真寺回民粥廠加恩著賞給米一千五百石以惠窮民欽此二十九日

上諭陝西陝安道員缺著張筠補授欽此 上諭陝西西安府知府員缺緊要著該撫於通省知府內揀員調補所遺員缺著劉思恭補授欽此 諭旨十月初九初十一日均著推班欽此十月初一日

旨江西安福縣著黃爾甌補授山西定襄縣著李盛東補授陝西扶風縣知縣著譚紹興補授山西榮河縣知縣著朱琨補授四川南充縣知縣著郭長年補授浙江雲和縣知縣著朱起琇補授廣東吳川縣知縣著鄭受康補授截取舉人林森琳著以知縣用胡秉章著以教職用何祖濂著以知縣用邱桂喬著以教職用霍崇範著以知縣用賈汝誠著以教職用唐光煦著以知縣用李鴻年著以知縣用邵伯棠著以教職用林鳳韶著以知縣用楊彬著以知縣用馬繼尤著以知縣用顧儼基著以教職用董濤著以教職用葛肅銓著以知縣用吏部筆帖式著隆惠補授禮科筆帖式著隆森補授翰林院筆帖式著岡瑤補授吏部筆帖式著啓貞補授吏科筆帖式著延齡補授廩生國棟著以文職用溥祐著以七品筆帖式用鴻臚寺少卿著那晉補授截取掌山東道監察御史李灼堯著照例用年滿熱河辦事司員刑部員外郎鄭德基

諭旨

七十三

甲辰

著以郎中用奏留吏部七品小京官石雲星准其留部吉林三姓倉官著全毓補授保舉山東候補知縣劉日壽蔣茲陳錦琦吳鎮濤河南候補知縣王元瑞湖北候補知縣李章鈔俱照例用補授直隸永清縣知縣余受祿著准其補授開復前黑龍江呼蘭廳理事同知銘琦著准其開復原官仍發原省照例用開復花翎運同銜在任候補直隸州前直隸威縣知縣張聯恩著准其開復原官升階銜翎仍留直隸補用開復前浙江候補知縣秦國鈞著准其開復原官仍發原省照例用欽此 上諭裕德著授為大學士世續以吏部尚書為協辦大學士欽此初三日

上諭成都將軍著綽哈布爾補清銳著補授荆州將軍欽此 上諭兵部尚書著長庚補授欽此 上諭都察院左都御史著溥頤補授未到任以前著溥良兼署欽此 上諭現在天氣漸寒所有京師當差之八旗綠步各營官兵均著加恩賞給半月錢糧以示體恤欽此 上諭現在天氣漸寒所有食餉之閑散宗室覺羅人等著加恩賞給一月錢糧其餘於恩賞錢糧外有加賞半月錢糧者著照例賞給以示體恤欽此初四日

上諭裕德著授為體仁閣大學士欽此 上諭盛京戶部侍郎著廷杰兼署欽此 上諭署戶部尚書趙爾巽兵部尚書長庚刑部尚書葛寶華外務部右侍郎伍廷芳刑部左侍郎崇勳加恩均著在紫禁城內騎馬欽此 上諭內務府大臣戶部右侍郎增崇加恩著在紫禁城內騎馬欽此初五日

上諭春滿奏領隊大臣懇請休致等語塔爾巴哈台領隊大臣圖瓦強阿著准其原品休致加恩賞給半俸欽此初六日

時評

西藏不能設行省

近人謀西藏善後者。多有設爲行省之說。而政府諸公謂藏地遼闊。且苦寒。民情悍悍。若設行省。恐不易治。當派一將軍鎮以重兵。足以管轄等語。按政府處理西藏之事。不能實行。向者對於保護國之權利。反紛紛焉。擬設行省。所謂治絲愈紛也。夫我國自撫定西藏以來。已換有外交兵政之權利矣。所歎者不過貨幣而已。今因不能實行此權利。外人得據而奪之。乃欲建設行省。無論其宗教語言文字之大相逕庭也。即幸而與我漸習而同化焉。然以我國行政區域之糾紛。其與新疆置省之利相去及幾何哉。

義和團又將出現

近聞彰德大名有義和團餘黨妖言惑衆之事。而東阿縣又有賈某者。託言王擲老師下壇。令人喫齋閉門。即能避槍。日本報亦載其事。聞各國公使於此均甚注意。已向外務部再三詰問。雖然尋常之官固以敷衍爲事者也。入而衆怒。而逢迎且日。以得免過失爲幸。即使亂事已萌。而官樣文章。不過以風聞謠傳等語搪塞。又安肯作釜底抽薪計耶。嗚呼。俄日戰事。今尙未結。各國伺隙而動者。日甚一日。設直隸東豫間再起拳亂。不必其如庚子之甚。吾已不審其時何如矣。

今日新黨之利用新名詞

自庚子以後。譯事日興。於是吾國青年各拾數種之新名詞。以爲營私文好之具。慮事不固。率意輕舉。逞其一時之興。棄信用而不顧。苟有責之。則曰冒險也。此可利用者。一學問。寡陋志趣卑污。不見齒於通人。達士不得已。日與二三無賴。

時評

七十六

十一月

四。五。流。氓。相。徵。逐。苟。有。責。之。則。曰。運。動。下。等。社。會。也。又。曰。人。類。平。等。也。此。可。利。用。者。二。趁。一。時。之。風。潮。慷。慨。激。烈。不。辨。真。偽。然。若。與。自。居。於。冷。血。動。物。苟。有。責。之。則。曰。手。段。平。和。也。此。可。利。用。者。三。熱。心。利。祿。諂。事。朝。貴。氣。節。不。講。廉。恥。無。有。有。責。之。則。曰。運。動。官。場。也。此。可。利。用。者。四。倫。紀。不。修。天。性。刻。薄。作。色。於。父。敢。為。忤。逆。苟。有。責。之。則。曰。家。庭。革。命。也。此。可。利。用。者。五。酣。歌。恒。舞。時。謂。巫。風。鄭。樂。秦。聲。詎。稱。同。調。而。彼。則。廢。棄。百。事。日。流。連。於。劇。場。以。為。看。戲。亦。吾。黨。之。要。事。顏。不。稍。作。苟。有。責。之。則。曰。謀。戲。曲。之。改。良。音。樂。之。改。良。也。此。可。利。用。者。六。豐。衣。美。食。大。廈。安。居。身。本。貧。賤。乃。獨。不。行。其。素。偶。茹。小。苦。藥。之。若。洩。苟。有。責。之。則。曰。不。適。於。衛。生。也。此。可。利。用。者。七。千。年。禮。法。辨。別。男。女。今。也。潰。隄。決。防。各。思。逞。其。獸。行。文。明。事。均。不。暇。及。首。議。結。婚。苟。有。責。之。則。曰。婚。姻。自。由。也。此。可。利。用。者。八。欺。寡。凌。弱。暴。戾。恣。肆。利。己。損。人。恬。然。不。愧。苟。有。責。之。則。曰。強。權。也。天。演。優。勝。之。公。例。也。此。可。利。用。者。九。凡。斯。之。類。不。勝。枚。舉。吾。國。未。有。新。學。以。前。國。中。士。夫。雖。黑。暗。雖。腐。敗。雖。無。道。德。猶。存。也。即。有。敗。類。要。其。舉。動。猶。有。顧。忌。自。此。種。新。名。詞。出。於。是。前。此。之。顧。忌。諱。飾。而。為。之。者。今。則。堂。然。皇。然。有。恃。無。恐。是。則。未。有。新。學。猶。有。舊。之。可。守。既。有。新。學。并。此。幾。微。之。舊。而。蕩。亡。之。矣。孰。謂。近。來。風。氣。之。有。進。步。耶。羅。蘭。夫。人。曰。自。由。自。由。天。下。許。多。罪。惡。假。汝。之。名。以。行。嗚。呼。可。假。而。行。者。甯。只。自。由。已。乎。

內地志士與上海志士之評判

比年以來上海新事業。雖無甚可觀。然自蘇報風潮以後。內地文人頗有受此激盪而頑夢。因以大蘇於是內地有所謂志士者。日以加多。然因身受報紙新書之教育。故內地志士。恒崇拜上海之所謂志士者。上海之所謂志士者。因身處四通之地。眼界自廣。而更事亦多。積歲既久。閱歷亦深。則其聲音笑貌。自呈出一種老練之形狀。而內地初開化之少年。若與之較。所遜遠矣。顧吾恆怪吾國近來愈開通之人。或開通愈早之人。其熱心其道德。恒遠遜於彼。初開化者。萬萬大抵

初。開。化。者。其。舉。動。必。力。求。合。於。文。明。而。對。於。社。會。必。力。求。盡。力。而。不。已。而。開。進。愈。早。者。至。是。反。淡。然。頽。然。忘。於。世。事。甚。且。橫。暴。恣。肆。無。所。忌。憚。推。其。心。事。無。非。以。爲。頑。固。者。既。不。足。以。責。我。彼。內。地。初。開。化。之。少。年。方。且。崇。拜。吾。輩。之。不。暇。安。敢。有。所。警。於。是。舉。國。皆。可。以。欺。矣。於。是。而。內。地。青。年。轉。其。崇。拜。之。心。而。互。相。做。傲。矣。不。久。而。內。地。之。志。士。亦。變。成。上。海。之。志。士。矣。夫。崇。拜。做。傲。美。德。也。惜。吾。國。無。英。雄。尤。惜。吾。國。之。上。海。無。英。雄。耳。不。然。幾。何。不。盡。率。全。國。青。年。而。爲。建。國。之。傑。耶。吁。可。憐。吁。可。憐。

官紳之權不及婦女

廣東大埔明達紳士前有倡破除神權改廢寺廟之議。迨邑侯查大令將萬壽宮諸神偶像毀去。滿城婦女如喪考妣。亟思立廟專祀。乃發簿募捐。頃刻集事。即於萬壽宮後。興工建築。官紳不敢過問。且有某紳者。以前時擬建小學堂。購買灰料甚多。現已無力興築。只合建廟之用。請於查大令估價與之。大令即准如所請云。嗚呼。官欲廢之。紳欲廢之。而彼獨與之。婦女之權力不其大乎。其大也。其愚也。即其所以賤而輕也。

沙夫報効學費

廣東番禺沙灣傍江鄉。近由紳董羅伯雅等創設尋常小學堂。始雖集款無多。而紳董等極力支持。并經學務處及縣令厚次實力保護。鄉人爲之觀感奮起。嘖嘖稱善。頃聞該鄉之沙夫古富邦羅潘魁等三十餘人。慷慨仗義。願將自己看守沙田工食之贏餘。提出七成。報効學堂常年經費。該款每年約有千金。吾觀於順德之有沙田局。香山之有護沙局。每年入款各五六萬金。其餘兩番等處沙田所入。亦屬不貲。而絕未聞有一沙局。提抽沙款。以助縣學經費者。不圖今反得之於傍江鄉之沙夫。自願以工食贏餘。報効學堂。常費毀家助學。好義哉。若人。尙德哉。若人。彼皇皇局紳。徒知計較。斗量坐。

擁脂膏夫亦可以愧死矣

時評

七十八

十一月

毀學果竟成爲風氣耶

自無錫毀學之事起。四川江西。旋亦有毀學之事。今則廣東毀學之事。又見矣。考其原因。無非爲抽捐而起。夫以地方之財。辦地方之事。文明各國。莫不如是。何吾國人。獨昧之。雖然。此固不能爲愚民責也。平日困於官吏之追呼。不能一洩其怨毒。今僅乃於毀學之舉。以鳴其積不能平之心。彼蓋以爲捐一也。捐於學堂。與捐於官吏。均爲剝膚之痛。捐於官吏。於吾民爲無益。則捐於學堂。於吾民亦爲無益。可知矣。然則前之受官吏追呼而不得一逞者。以力不敵也。今則易官吏爲紳士。則以吾儕之力。與紳士抗。易耳。此毀學之事。所由起也。故按其原因。則知愚民之毀學。固非有意與學堂爲難。實由平昔官府之敲扑過甚。故藉此而一洩其忿焉。然則毀學。縱爲暴舉。究其罪之所在。吾固不能爲近日之官吏恕矣。甲辰以前。中國鬧學毀學之事。見於學生甲辰以後。中國鬧學毀學之事。見於愚民。學生毀學。其咎雖不全在學生。究不可謂之無罪。愚民毀學。其咎則全在於官吏。嗚呼。彼官吏者。吾又何暇責之也。

議設海外招商輪船局

福建廈門。爲南洋各埠之門戶。每日開往中國各口。不計外。如英之噴叻。孟買。泗里末。新加坡。檳羅巴。仰光。緬甸。香港。法之西貢。安南。美之非律賓。小呂宋。荷蘭之三寶壠。日本之臺北。臺南。各外埠。終日往來。輪船如織。計共商船三百數十餘艘。皆各埠華商所有。現均掛英法美各國之旗。由各洋行代爲經理。此項利權。終年核計。溢於外人之手者。不下數百兆。前與泉永道延少山觀察。曾建議創設外洋招商輪船局於廈門。專走南洋各埠。以圖收回利權。而補上海招商局之不足。所獲之利。卽以之購備兵船。遊歷外洋各埠。以爲保護商民之用。惜延觀察不久去任。未獲實行。現陳京卿子顯決意

北土。稟陳商部。創辦此。蓋外洋。大富商。皆與京師。至交。若開外洋招商局。開辦則三百數十艘商輪。掛英德美各國旗。往來者。必能相率歸來也。夫吾國人以善商聞天下。故日之所出。沒皆有華人足跡。近雖為白人。所妬。設苛例以禁其入。境。然自來。散處於各埠者。實不下數百萬。人。此來彼往。仍不絕於道。而以吾國向無殖民之政。故不特未聞派一兵一輪。前往保護。即求得一。本國商船。自行載運。亦不可得。於是不得已。而乘外國船。則受人虐待。曾。音類之不。若此。曾遊外洋者。所同切齒痛心。而深憾吾同胞。能力薄弱。竟并此一航海業。而亦不能舉也。此舉善矣。勗哉陳君。

法人要索滬紹航路

法人要索滬紹航路一案。浙撫對付法總領事之要求。無一不與。近日政府之辦理。藏事相類。無論法商莫尼諾之經營。滬紹輪船公司。已非一朝一夕之故。浙撫不應一無所聞。即法總領事與浙撫交涉以來。往返電商。已及三月。先事既毫無布置。臨事又不能分別。其事之輕重緩急。而徒以電詢該公司之宗旨。官辦法及飭海關查覆。為敷衍搪塞之舉。以養成法人騎虎之勢。是無異政府之坐視英人與西藏直接交涉。遷延一年。有餘。絕不顧問。及英藏新約。傳布中外。猶日。望有泰之電報。而不設一謀也。以堂堂巡撫。不能御一洋商航路之要求。而諉其責於位卑權輕之許道。是無異以堂堂外部。不與英使直接談判。藏約而諉其責於位卑權輕之唐紹儀也。至法人要索航路。而商及上海之稅司。則又百思而不得其故。者許道此事。難阻之電。本館早料其必然。豈惟本館。即浙撫之致電許道。亦未嘗不知此舉之必無可望。不過以此時多一曲折。則將來奏報上多一材料而已。此殆吾國外交家之成法也。此殆吾膠州旅大威海東三省之所以去也。嗚呼。噫。嗚。吾惜往事。吾悲前途。

法人暗奪蘆漢鐵路之商務

時評

七十九

甲辰

蘆漢鐵路已成之處。火車均已開行。一切利權。盡爲俄法人所奪。車站處所開洋行。及運卸客棧。名爲個人。實皆鐵路參贊。柯道真賢。暗與法人合股。將來商務。不堪設想。夫蘆漢鐵路。名雖比人承辦。而實則俄法人資本。夫人皆知。初以爲其權利。只及於運輸而已。不意其車站處所。所有洋行及運卸客棧。皆從而壟斷焉。將來土貨之滯銷。與暢銷。皆足以制我死命。人爲資本家。我爲勞働家。雖歷萬劫。不復轉輪矣。前車之覆。後車之鑒。願吾粵漢鐵路。慎毋蹈此故轍也。

黑奴亦欲欺我華人耶

某日廣東某地有一黑種人。手攜雞數頭。由佛山搭火車來省。買三等位票。強登二等車。收票之華人。已任其坐下。伊又招一同伴之華人偕坐。收票人逐之。開車後。該黑人屢以穢語侵收票人。又手執其髮辮。稱爲狗尾。收票人終不敢與較。同車又有一鹹水妹。攜同一僕婦在座。該黑人向之調笑。鹹水妹亦畏而避之。同車之人。皆大爲不平。欲將該黑人痛毆。乃喧嚷未竟。卽已停車。各人遂聯同訴諸管工。西人立將該黑人拿落。各人始散。吾聞之。吾友謝君言。地球五種民族。我黃人爲金色。種白人爲銀色。種紅人爲銅色。種黑人爲鐵色。種棕色人爲鉛色。種五種中。實以我黃人爲最貴。然則我黃人固天之驕子。而非其他種族之所能及也。何物黑奴。乃以極劣陋之種族。而欲與最尊貴之黃人相抗。甯非不自量耶。敬告我黃族。毋自餒。毋自棄。彼強盛如銀色種。猶不免怵於黃禍之說。况藐茲黑奴。其足供我之鞭箠乎。嗚呼。收票人何其懦也。

韓國漢城至元山之鐵路

韓國某報云。漢城至元山之鐵路。須俟明年歲底。方能完工。按日本政府經營韓國之政策。既迅且辣。可謂無復遺憾。乃民間猶以爲未足。而立是會。以促政府執行進取之手段。推其用意。必欲韓國今日。爲日本領土。而後已。其急進爲何如。

夫。

俄國貴族之消耗

俄國腐敗在於專制。夫人而知之矣。而皇族人等。實盡傷其元氣。查俄皇有男親屬三十六人。每人每年給糧銀五十萬。年中已費三十六兆。另每給以五千方英里地。計占歐洲俄境四十分之一。彼等藉此不勞之獲。便為無限之消。統計親屬中其華美之宮殿。三百二十五座。侍奉者二萬人。然彼等犯法。差不能拘。官不能審。每事必派員審辦。奉委者無不阿意曲從。民冤日深。且彼等無學無能。而承之軍元戎。官弁。彼等實柄其大權。觀此情形。俄人勝敵之望亦安在哉。

波羅的海艦隊之進退

自日俄開戰以來。波羅的海艦隊。航來遠東之說。時有所聞。然莫獲確耗。刻有就此事而論者曰。夫該艦隊之航來遠東。其目的在於恢復俄國制海之權。而維其遠東之勢力也。然現時日本陸軍。連戰連捷。其勢力行將侵入西伯利亞內地。故總令該艦隊航來遠東。恐亦未易維持。該國海軍之勢力。而況航來之日。尚無定乎。聞該艦隊由船艦等四十艘編成。而運糧運煤之船。居其半數。皆係裝載糧食煤炭。以供該艦隊之需用者。蓋一經發航。途中絕無取給糧煤之所。不得不豫為之備也。或謂該艦隊若經卑察達及基普濟。並西貢海防廣州灣等處。而航來遠東。其航經廣州灣及海防也。法國官員。竊行供給煤炭。或得由之。而航來遠東。然法國果能為之接濟。則國際公法上。得無起一大騷擾乎。法國甯能遽爾出此要之該艦隊之航來遠東。其目的在聯絡旅順逃出之俄艦。以及海參崴艦隊。而維其遠東海軍之勢力。然海關天遙途中需時頗久。而旅順之陷。則迫於朝夕。若一旦旅順為日本攻陷。則該艦隊之航來遠東。勢必暫入海參崴港。然該港每年結冰。最早。吾恐該艦隊易於入港。而未易出港也。即欲開戰。必待明春融冰之際。得無有緩不濟急之憾。然則


時評

八十一

甲辰

期一十第誌編勞東

該。處。除。經。行。來。結。東。其。處。無。全。於。遠。東。戰。局。不。待。智。者。而。知。矣。



八十二

十二月

內務

論近日設官裁官之無當 錄九月初八日時報

中國之改變官制。自庚子而後。數見不鮮。其事顯明。似亦無足深論。然政府辦事。向來立於被動之地位。凡有舉動。非必出於政府本意。而時勢輻湊。則亦或斷然行之。特政府之意。實以爲如此舉動。乃由時勢使然。於國家本計。實不相關。故凡辦一事。待既辦之後。則應付此時勢之責任。已終至於有無成效。及宗旨如何。皆非所計。以是之故。凡政府所辦事。因何發起。蛛絲馬迹。皆有可尋。倘卽所辦之事。而研究之。則政府因物付物之方。大可瞭然而內部之真形。不難揭出。此本館所以樂爲推論也。按新設之官。始於庚子之政務處。其時榮祿秉政。兩宮駐蹕西安。欲假變法之名。以謝各國。故設此以辦新政。然其開辦條例。已多可議。識者早知其難恃。夫充政務處之成效。倘能爲樞府之監督。或顧問。如列國之樞密院。然諮謀大事。以補樞府所不及。豈不甚善。乃當事各員。皆仰承樞府鼻息。所議者。不過一二小事。有若贅癭。沿至於今。更復無事可辦。而大臣總辦提調。袞袞諸公。依然充位。揆諸初意。夫豈宜然。此固事之可怪者也。其次則爲改設外務部。外務部本稱總理各國事務衙門。改名之後。更置管部大臣一。會辦大臣一。尙書一。侍郎二。丞參各兩缺。列位在六部之上。專辦外交。

內務

一百四十一

甲辰

事。宜。沿。襲。舊。規。本。無。可。議。所。異。者。官。制。層。累。有。若。重。臺。夫。以。外。交。靈。捷。而。論。已。無。取。乎。堂。官。之。多。就。幹。辦。職。務。而。言。既。有。司。員。則。丞。參。何。必。添。設。此。亦。機。關。之。未。當。者。也。其。次。則。立。商。部。商。部。本。屬。要。圖。在。今。日。尤。須。亟。設。乃。官。制。之。層。累。弊。亦。同。前。而。所。辦。保。商。興。學。諸。端。一。時。亦。無。明。驗。且。設。立。以。後。路。礦。失。權。之。事。層。見。疊。出。訛。言。蜂。起。或。且。集。矢。於。某。貝。子。以。爲。受。賕。盜。賣。使。然。謂。商。部。不。啻。爲。轉。輸。之。樞。紐。雖。不。根。之。論。未。可。依。據。然。務。張。皇。而。少。實。際。已。可。見。其。一。斑。再。次。則。爲。財。政。處。附。於。戶。部。夫。戶。部。筭。轄。全。國。財。政。人。所。共。知。今。乃。別。出。駢。枝。以。爲。特。別。振。興。之。一。據。已。屬。可。哂。乃。時。經。累。月。於。鑄。金。幣。設。銀。行。各。事。依。然。毫。無。眉。目。而。且。未。聞。畫。一。策。發。一。令。爲。全。國。財。政。稍。圖。改。良。近。且。影。滅。聲。消。勢。同。虛。設。是。財。政。處。之。無。實。際。又。可。見。矣。最。近。者。則。爲。設。練。兵。處。其。注。意。在。歛。各。省。兵。權。歸。於。京。師。以。收。楚。齊。畫。一。之。效。而。以。各。省。財。政。供。其。撥。用。練。兵。固。爲。近。今。要。政。之。一。端。然。新。政。要。不。得。以。此。爲。首。務。此。其。事。各。報。已。多。論。之。卽。就。練。兵。而。言。欲。挾。雷。霆。萬。鈞。之。力。督。責。各。行。省。事。已。萬。難。況。不。追。返。本。原。徒。欲。搜。括。民。財。以。供。揮。霍。卽。使。勝。兵。百。萬。而。天。下。先。已。騷。然。矧。竭。南。方。財。力。以。佐。北。方。事。理。尤。爲。不。順。耶。此。其。事。之。不。當。更。無。待。論。矣。凡。此。數。者。皆。國。家。近。日。所。行。新。政。當。軸。之。意。豈。不。曰。規。模。式。廓。成。效。可。期。歟。而。其。實。情。不。過。如。此。本。館。推。當。軸。設。施。之。意。知。其。於。政。治。原。理。毫。未。有。知。遇。

有事來於全局。未嘗通籌。而但爲頭痛醫頭。脚痛醫脚。之計。故前後矛盾者。有之。重複無謂者。有之。不然。政務何不併入軍機外部。何必多立堂屬。商部何不歸入工部。而設農商務省。又舍戶部。而設財政處。舍兵部。而設練兵處。如謂舊者無用。則舊者應裁。如謂新政必行。又何須另設。蓋當軸旣不欲身爲怨府。而又欲居變法之名。故情景離奇。成此結果。又近日各省。因節省經費。紛議裁官。其見明文者。如直隸閩浙兩粵江蘇皖贛湘鄂。皆已次第舉行。夫官誠當裁。則不待節省之時。早應撤併。如謂因節省而裁官。則縉紳一部。何莫非糜太倉之粟。耗水衡之錢者。卽應一切盡裁。而不必分別其當裁與否。蓋官吏之應裁與否。全爲政治上問題。而非財政上問題。如屬至要機關。則雖用款極多。不能議撤。如本屬無用。則雖庫款充裕。亦豈可令其虛糜。今以節流之計。而議及裁官。竊以爲當道之宗旨大誤矣。綜而論之。近日設官裁官兩事。皆由他事推演。牽率致然。故當局籌維。全不以改革官制爲本位。夫至所辦之事。與其本事。漠不相關。則其方針之誤。豈待言哉。中國官制。應改革者。亦正多端。如行政機關之不完。及統轄組織之未當。皆宜速行整理。不此之務。徒鯁鯁然於一官之設。一缺之裁。雖閱千年。於事奚補。由此聯想諸大老。於其他要政。如軍事外交等。皆將沿此謬見。捫籥妄行。及其末流。或且別涉他端。更生弊害。隱憂方大。豈徒一時一事而已哉。輒因設官

內務

一百四十三

甲辰

裁官之事而論之如此。

內務

論東撫請設纏足禁令事 錄九月初十日中外日報

前者東撫周中丞有籌畫駐防旗人生計之摺。兼及嚴禁漢人纏足陋俗事。近經政務處議覆。略謂律設大法。禮順人情。現今風氣開通。況經明詔宣示。因勢利導。便而易行。似不必嚴定禁令。溯自欽奉懿旨。中外感頌。縉紳之家。已多遵奉。該撫所云奉行不過百分之一。諒係指偏隅編戶而言。習俗視貴族為轉移。人情以便利為趨向。此後應由地方隨時善為勸導。自能逐漸感化。無庸多設科條云云。按政務處此等議論。實為大而無當。浮而不實。宜為津報所譏。惟周中丞因欲嚴禁纏足陋習之故。欲特立禁令。以為之助。似亦未為扼要之策。則政務處駁之。亦未可厚非也。何以言之。蓋禁令二字。實含有二義。一為防其未然。一為禁其已然。纏足之事。當屬於已然之一類。然而禁令之設。亦有不能為力者。蓋天下害人之事。使其自起。始至今。為日尚淺。則猶易禁。若已經千餘年之久。而且成為風俗。則即難禁。一也。又使犯此弊者。居於少數。則猶易禁。若人人皆然。且久而不自知其非。則即難禁。二也。又使其害為人人所共知。特為眾所牽制。不能改革。則猶易禁。若人人並不知其害。方且以是為美觀。則即難禁。三也。

按近日中國亦漸知纏足之為害矣。然合全國之人而計之。則知者猶居少數。

又中國所定之禁令。率施於

以。人。害。人。之。一。類。若。夫。纏。足。之。害。乃。出。於。自。爲。之。而。自。受。之。卽。斷。非。禁。令。所。能。施。四。也。具。此。四。者。故。欲。特。設。一。科。條。以。禁。人。之。纏。足。實。爲。未。必。有。益。之。事。可。斷。言。矣。竊。謂。今。日。有。心。之。士。痛。乎。纏。足。之。爲。害。欲。思。掃。除。而。更。張。之。第。一。當。明。乎。纏。足。之。所。由。盛。而。後。乃。有。下。手。之。方。第。二。必。當。設。法。使。人。人。知。纏。足。之。爲。害。而。後。纏。足。之。俗。乃。可。漸。改。第。三。亦。當。持。之。以。恒。貞。之。以。漸。已。纏。足。者。姑。置。勿。論。惟。未。纏。足。之。女。子。必。設。法。使。之。不。纏。足。一。時。雖。未。必。見。效。而。百。年。之。後。可。使。遍。中。國。無。纏。足。之。婦。女。竊。謂。除。害。之。法。殆。無。逾。於。此。矣。何。以。明。其。然。也。按。纏。足。之。俗。約。由。唐。宋。之。間。富。貴。之。家。例。蓄。有。家。妓。始。彼。時。爲。妓。者。例。必。習。舞。習。舞。則。必。纏。足。久。之。其。家。之。婦。女。濡。染。已。久。遂。亦。效。其。所。爲。競。相。纏。足。此。實。爲。纏。足。之。所。由。始。而。猶。未。沿。及。中。下。社。會。也。然。而。婦。人。例。好。妝。飾。而。妝。飾。之。法。例。必。取。則。於。富。貴。之。家。於。是。而。纏。足。之。風。遂。益。盛。試。觀。各。行。省。中。其。纏。足。最。盛。之。處。實。爲。從。前。曾。經。建。都。之。地。否。則。爲。貴。族。豪。家。聚。居。之。地。甚。或。爲。自。昔。至。今。妓。女。最。繁。盛。之。地。其。故。亦。概。可。知。矣。故。今。日。勸。戒。纏。足。之。法。當。從。仕。宦。之。家。爲。始。但。使。一。地。之。中。有。一。二。家。以。爲。之。倡。則。由。親。及。親。由。友。及。友。互。相。勸。戒。終。有。化。行。成。俗。之。時。彼。夫。中。資。以。下。之。家。見。夫。富。貴。家。之。婦。女。已。不。復。纏。足。如。彼。也。則。又。何。樂。而。爲。之。此。固。非。禁。令。所。能。爲。力。而。當。責。諸。提。倡。風。氣。之。人。者。也。惟。是。人。情。習。於。自。然。憚。於。改。革。彼。富。貴。家。之。婦。

內 務

一 百 四 十 五

甲 辰

女。自。其。有。生。以。來。目。中。所。見。無。一。非。纏。足。之。女。子。若。驟。以。不。纏。足。之。說。進。非。特。詫。為。異。聞。抑。且。不。敢。違。衆。而。獨。斷。故。惟。有。由。倡。首。之。人。滙。聚。纏。足。之。弊。害。違。人。而。教。告。之。但。使。有。一。人。能。聽。從。則。其。一。家。之。婦。女。已。為。所。勸。化。矣。再。有。十。人。能。聽。從。則。其。十。家。之。婦。女。已。為。所。勸。化。矣。推。而。廣。之。其。道。豈。能。外。是。而。要。必。使。有。女。子。之。家。咸。怵。乎。纏。足。之。為。害。而。後。其。效。乃。可。漸。致。此。演。說。之。所。以。不。容。或。緩。也。至。周。中。丞。所。以。請。嚴。定。禁。令。者。蓋。為。求。速。效。計。也。不。知。一。國。之。風。俗。成。之。者。幾。何。年。則。廢。之。者。亦。必。以。幾。何。年。其。始。因。何。而。成。其。後。亦。必。因。何。而。廢。皆。有。一。定。之。比。例。非。可。一。蹴。而。幾。亦。非。可。無。因。而。致。故。今。日。有。志。之。士。若。力。持。不。纏。足。之。議。宜。當。如。傳。教。之。士。引。此。事。為。己。任。終。日。達。人。勸。說。強。聒。不。舍。久。而。久。之。必。有。達。其。目。的。之。一。日。較。之。特。立。科。條。者。其。收。效。雖。遲。而。其。益。則。實。大。矣。此。固。就。理。以。決。之。者。也。至。於。正。本。清。源。之。策。則。尤。宜。廣。設。女。學。提。倡。女。教。使。世。之。為。女。子。者。知。己。身。之。職。業。並。不。亞。於。男。子。亦。並。不。必。恃。男。子。以。為。生。活。而。後。自。重。之。念。因。以。漸。增。則。其。自。待。亦。必。與。男。子。等。必。不。肯。戕。賊。肢。骸。以。取。媚。於。男。子。而。纏。足。之。弊。自。不。禁。而。自。絕。較。之。僅。言。戒。纏。足。者。其。效。固。有。進。矣。

政務處奏覆東撫請禁漢人陋俗摺

七月二十八日軍機處鈔交山東巡撫周馥 奏籌畫駐防旗人生計並嚴禁漢人陋俗一

摺奉 硃批政務處議奏欽此原奏內稱青州德州兩處駐防情形困苦現飭省城高等學堂師範學堂青州中小學堂蠶桑學堂皆選旗人肄業將來學堂及格概予出身擬將官山荒地應招墾者酌撥認墾其離駐防窳遠之地亦准地方官酌給凡有志讀書務農者照行並准隨處貿易不分畛域如有事犯由所在地方官審理應得罪名仍照旗人本例辦理並請令各省酌量仿辦各等語查八旗生齒日繁生計日絀疊經臣工條奏多以屯墾爲言每因道遠費鉅人情不便款項不繼屢議輒止今該撫擬在山東駐防就近撥地認墾並准隨在貿易其有志讀書者選入各學堂令其教養有資導以四民之業輕而易舉近而易行籌慮甚爲周妥應請准其試辦並將辦理情形隨時咨報以備考覈各處駐防不甚懸殊如能一律仿辦實於旗人生計大有裨益擬由臣處通咨有駐防省分各督撫會同各將軍都統體察情形妥籌舉辦至原奏所稱事犯由地方官審理罪名仍照旗人本例一節向來旗民交涉案件例由理事廳審理軍流徒均折枷笞杖鞭責道光五年協辦大學士英和等會籌旗人疏通勸懲奏內請許旗人在外居住即經申明所有笞杖徒流軍各例應照旗人一體辦理查屯居旗人原有照民人問擬之例自應查照成案無庸分別旗漢致涉紛歧又原奏內稱漢人婦女纏足敝俗相沿應嚴定禁令擬將此後命士以上其家有未經纏足再行纏

者即以違 制論由部定例通行各省出示諭禁各等語竊謂律設大法禮順人情現今風氣開通況經 明詔宣示因勢利導便而易行似不必嚴定禁令溯自欽奉 懿旨中外感頌摺紳之家已多遵奉該撫所云奉行不過百分之一諒係指偏隅編戶而言習俗視貴族爲轉移人情以便利爲趨向此後應由地方官隨時善爲勸導自能逐漸感化無庸多設科條謹 奏奉 旨依議欽此

政務處奏遵議裁併內務府司員差缺摺

五月初八日內閣奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨方今時局岌危百端待理內務府司員太多應如何裁汰歸併著政務處會同內務府大臣妥議具奏其餘內外各衙門亦即仿照核辦次第推行等因欽此仰見 聖朝躬行節儉力杜浮糜法始自近伏讀之下欽悚莫名伏查內務府差務較繁額設司員亦因之較多現經奉 旨裁汰歸併自應欽遵辦理臣等詳加察核內務府所屬各處司員分別差務繁簡酌量裁併現擬裁撤員外郎十員委署主事十四員六品司庫六員六品庫掌四員六品司俎官一員共裁撤三十五員又 上駟院擬裁撤委署主事三員阿敦侍衛六員牧長三員武備院擬裁撤各項固山達三員委署固山達八品催總各一員 奉宸苑擬裁撤委

署主事二員 圓明園擬裁撤委署主事六品庫掌六品苑丞七品庫掌七品苑副各一員
又八品苑副二員委署苑副三員 頤和園擬裁撤六品苑丞七品苑丞各二員八品苑副
委署苑副各四員共裁撤四十一員二共裁撤七十六員又內務府所屬 咸安宮官學學
生前經奏准歸入學堂肄業其專管學務之大臣及派充總管之司員等擬一併裁撤該處
遇有應辦事宜即歸併內務府辦理熱河正副總管事亦較簡亦擬裁撤所管各該處事務
並所屬官兵併歸熱河都統管理內務府堂上原設有督催所事務本簡擬一併裁撤所有
擬裁撤之缺及各項差使謹繕清單恭呈 御覽如蒙 俞允應俟 命下即由政務處恭
錄通咨內外各衙門懍遵原奉 諭旨仿照核辦次第推行不得觀望遲延以副 聖明綜
核名實整飭官常之至意至內務府裁撤各缺應自奉 旨之日起遇有缺出即行裁撤如
升補到班仍照選章揀選升補如所出之缺非應裁之缺即以應裁之員調補又查內務府
遇近十數年來保獎捐輸兩途較之實缺員數不啻倍蓰既經裁併以後所有實缺應升及
候補兩項勢必壅滯如何設法疏通應由吏部詳酌核辦謹 奏奉 旨依議欽此
謹將內務府所屬各處司員差缺分別裁併繕具清單恭呈 御覽 查內務府原設郎中
二十八員除歷年分撥裁撤外現僅二十四員分隸十三處查郎中爲司員表率差務較繁

每處原係三員曾經裁撤一員今擬毋庸再裁又查原設員外郎六十員歷年撥補添裁現共設六十一員分隸十五處惟各司處差使繁簡不同今擬於會計司裁一員掌儀司裁二員慶豐司裁一員慎刑司裁四員營造司裁二員共裁十員又查原設主事十三員分隸十二處歷年並無增裁堂主事僅二員各司處主事每處僅一員今擬毋庸裁撤又查原設委署主事十四員分隸十三處雍正十二年吏部奏准各部院衙門停其委署主事至乾隆二十二年由內務府奏明復設查委署主事差使較簡今擬全行裁撤又查廣儲司六庫額設六品司庫共十二員查六品司庫係每庫二員差務較簡今擬每庫裁撤一員又查原設造辦處六品庫掌十員於雍正年間原設六員嘉慶年間增設四員今擬裁撤四員又查掌儀司現設六品司俎官五員順治年間原設四員康熙年間增設一員今擬裁撤一員查內務府所屬 咸安宮官學額設官學生一百十名前經奏准歸入學堂肄業其漢教習均照期滿例帶領引 見錄用尙有弓箭及清文教習四員擬俟出缺即行裁汰其專管學務大臣及派充總管之司員等擬請一律裁撤該處原設筆帖式一員暨領催蘇拉等仍擬酌留看守官學房間及庫存書籍該學印信一顆擬封交廣儲司銀庫收存嗣後該處遇有應辦事宜即歸併內務府辦理內務府堂上原設立督催所專爲督催各司處奏銷文移及核計功

過等事差務較簡擬將該處事務歸併堂上辦理督催所即可裁撤查內務府三旗額設內管領三十員副內管領三十員查近年內務府生齒日繁戶口增多該管領等管理本甲喇旗務有添裁稽核人丁戶口承辦官兵俸餉之責差務繁要擬毋庸裁撤又查張家口牛羊羣值年委署主事一員查該處值年僅只委署主事一員筆帖式一員擬仍其舊內務府所屬熱河總管二缺向於郎中員外郎內 特旨簡放查熱河設有苑丞苑副千總等官專司看守 園庭及外廟等處差使正總管雖有兼管喇嘛額魯特事務之責事亦較簡擬請將熱河正總管副總管二缺裁撤所有 園庭及各該處事務並所屬官兵等統歸熱河都統管轄以期簡易 上駟院擬裁委署主事三員阿敦侍衛六員牧長三員武備院擬裁弓匠固山達一員委署弓匠固山達一員備箭固山達一員委署備箭固山達一員亮鐵作八品催總一員 奉宸苑擬裁 奉宸苑委署主事一員 南苑委署主事一員 圓明園擬裁委署主事一員六品庫掌一員六品苑丞一員七品庫掌一員七品苑副一員八品苑副二員委署苑副三員 頤和園擬裁六品苑丞二員六品苑丞銜七品苑丞二員八品苑副四員委署苑副四員

直隸總督袁奏議裁地方河工鹽務各官缺摺

內務

光緒三十年五月初八日 上諭朕欽奉

慈禧端佑康頤昭豫莊誠壽恭

欽獻崇熙皇太后懿旨方今時局阨危百端待理內務府司員太多應如何裁汰歸併著政務處會同內務府大臣妥議具奏其餘內外各衙門亦即仿照核辦次第推行等因欽此又伏讀光緒三十年五月二十七日 上諭朕欽奉

慈禧端佑康頤昭豫莊誠壽恭欽

獻崇熙皇太后懿旨現在物力艱難自應力除冗濫用資整頓前已迭降諭旨飭裁冗員浮費而內外因循瞻顧未能實力奉行茲特嚴申告誡樹之風聲所有粵海關淮安關兩監督著即行裁撤其粵海關一切事務著歸兩廣總督管理江甯蘇州兩織造同在一省著即將江甯織造裁撤凡京外各項差缺有應行裁汰歸併者著各部院堂官及各省將軍督撫破除情面認真釐剔奏明裁併等因欽此仰見 宮廷力戒浮糜躬行節儉立法自近因時制宜 垂訓諄詳莫名欽悚伏查臣於光緒二十八年間因南漕運京改用火車已將漕運通判等文武十三缺奏明裁汰在案此次裁併官缺 詔旨嚴切尤當認真遵辦當經督飭司道通盤籌畫盡汰閒冗期裁一缺即爲國家少一糜費爲民間免一供億且當時局艱難帑藏匱乏苟非確有專責豈容尸位其間現經悉心體察所屬地方自巡道以下並河工鹽務佐貳雜職各員不論原設額設繁簡候補候選但考其現在職守無甚重要或與該府州縣

同城及閒散無關治理防守或雖不同城而相離非遠州縣可以兼顧及各缺中無事可辦無政可稽者即在議裁之列統計議裁巡道一缺理事同知二缺地方同知三缺河工同知二缺理事通判一缺地方通判三缺布理問一缺直隸州州同二缺直隸州判五缺地方州判一缺河工州判五缺地方縣丞四缺河工縣丞十缺地方主簿二缺河工主簿十缺地方巡檢二缺河工巡檢三缺府倉大使一缺縣倉大使一缺開官二缺鹽大使一缺鹽知事一缺以上共六十三缺請卽一併裁撤內霸昌道一缺管轄西南北三廳並無審轉案件應歸併通水道管轄臣與府尹臣往返函商意見相同該道穆特賀係簡放之員今將該缺裁去應請旨另行簡放俾免向隅又請裁之保定府理事同知永平府理事同知通州理事通判均係簡用之缺查直隸理事同知尙有一缺未裁理事通判尙有二缺未裁應俟遇有缺出或他省缺出由部先儘裁缺之員請旨簡用又請裁之山海關通判經管駐防兵米應就近歸併臨榆縣管理又請裁之蘆台海防撫民通判應辦事宜應歸併蘆台巡檢管理其餘裁缺各員應辦事宜均歸當境地方官管理內惟河工各員有廳官未裁汛官已裁該汛應辦河工有距州縣遠而距廳官近者應歸併廳官管理裁缺鹽員應辦事宜歸併附近鹽員管理至裁缺各員歸於裁缺卽用班內遇有缺出先儘此項人員請補其有缺已裁

內務

一百五十三

甲辰

盡者准以對品之缺借補惟地方通判直隸州州同直隸州州判三項州縣征收不在此列
永定河現正籌辦大工如有可裁之缺俟合龍後另行奏保此外未盡事宜由臣督飭司道
隨時籌議核辦謹 奏 謹將順直應裁理事地方河工鹽務各缺繕具清單恭呈 御覽
計開巡道一缺霸昌道理事同知二缺保定府理事同知永平府理事同知地方同知三缺
廣平府同知正定府同知順德府同知河工同知二缺保定府管河鹽捕同知河間府河捕
同知理事通判一缺通州理事通判地方通判三缺保定府通判蘆台海防撫民通判山海
關通判布理問一缺布政司理問直隸州州同二缺易州直隸州州同定州直隸州州同直
隸州州判五缺遵化州直隸州州判易州直隸州州判冀州直隸州州判趙州直隸州州判
深州直隸州州判地方州判一缺涿州州判河工州判五缺灤州管河州判安州管河州判
滄州管河州判景州管河州判通州滹邑州判地方縣丞四缺萬全縣管糧縣丞南宮縣縣
丞房山縣縣丞良鄉縣縣丞河工縣丞十缺大城縣管河縣丞滿完管河縣丞新雄管河縣
丞天津縣管河縣丞任邱縣管河縣丞故城縣管河縣丞吳橋縣管河縣丞清河縣管河縣
丞武清縣楊村縣丞大名縣衛河縣丞地方主簿二缺獻縣主簿元城縣兼河主簿河工主
簿十缺霸保管河主簿文大管河主簿河西務主簿香河縣管河主簿文安縣主簿靜海縣

管河主簿青縣管河主簿南皮縣管河主簿交河縣管河主簿東光縣管河主簿地方巡檢
二缺延慶州永甯城巡檢懷安縣柴溝堡巡檢河工巡檢三缺薊州移設大城縣子牙河巡
檢青縣興濟鎮巡檢青滄減河巡檢府倉大使一缺保定府廣盈倉大使縣倉大使一缺天
津縣北倉大使開官二缺通州通流閘開官大興縣慶豐閘開官鹽大使一缺歸化場大使
鹽知事一缺長蘆鹽知事

直隸總督袁奏酌裁教職官缺摺

竊臣欽奉 諭旨飭裁冗員已將應裁地方河工鹽務官缺另摺奏報茲查教職一項經營
文廟學田及生童考試各事職務本極清閒現在武場停試科舉遞減學堂備立司鐸一
官漸至無所事事惟是 國家振興文教首重師儒自應分別裁留以維體制現臣悉心
核擬以學額之多寡定學官正副之去留其學額在十五名以外者裁訓導留教授學正教
諭一缺十五名以內者裁學正教諭留訓導一缺其向止一缺者免裁順天府學兼大興宛
平兩學及安州蔚州大名三屬均有鄉學密雲縣延慶州均有衛學應均免裁統計請裁學
正一缺教諭四十四缺訓導八十四缺共一百二十九缺其應辦事宜即歸裁贖之員經理
裁缺之員俟本班缺出由部先儘選用臣與學臣往返函商意見相同所有請裁教職各缺

內 務

一百五十五

甲辰

內 務

一 百 五 十 六

十 一 月

謹繕清單恭呈 御覽謹 奏

謹將順直應裁教職各缺繕具清單恭呈 御覽計開學正一缺昌平州學正教諭四十四
缺良鄉縣教諭永清縣教諭東安縣教諭三河縣教諭寶坻縣教諭甯河縣教諭房山縣教
諭平谷縣教諭滿城縣教諭定興縣教諭唐縣教諭望都縣教諭容城縣教諭完縣教諭涿
水縣教諭廣昌縣教諭肅甯縣教諭青縣教諭赤城縣教諭南皮縣教諭慶雲縣教諭井陘
縣教諭欒城縣教諭行唐縣教諭靈壽縣教諭平山縣教諭元氏縣教諭贊皇縣教諭無極
縣教諭新樂縣教諭新河縣教諭柏鄉縣教諭高邑縣教諭臨城縣教諭武強縣教諭曲陽
縣教諭深澤縣教諭沙河縣教諭鉅鹿縣教諭唐山縣教諭內邱縣教諭雞澤縣教諭廣平
縣教諭威縣教諭訓導八十四缺固安縣訓導通州訓導武清縣訓導涿州訓導霸州訓導
文安縣訓導大城縣訓導薊州訓導遵化州訓導玉田縣訓導豐潤縣訓導保定府訓導清
苑縣訓導安肅縣訓導新城縣訓導博野縣訓導蠡縣訓導雄縣訓導祁州訓導束鹿縣訓
導高陽縣訓導易州訓導永平府訓導盧龍縣訓導遷安縣訓導撫甯縣訓導昌黎縣訓導
灤州訓導樂亭縣訓導臨榆縣訓導河間府訓導河間縣訓導獻縣訓導阜城縣訓導任邱
縣訓導交河縣訓導甯津縣訓導景州訓導吳橋縣訓導故城縣訓導東光縣訓導天津府

訓導天津縣訓導靜海縣訓導滄州訓導鹽山縣訓導正定府訓導正定縣訓導鉅鹿縣訓導晉州訓導藁城縣訓導冀州訓導南宮縣訓導棗強縣訓導武邑縣訓導衡水縣訓導趙州訓導隆平縣訓導甯晉縣訓導深州訓導饒陽縣訓導安平縣訓導定州訓導順德府訓導邢臺縣訓導南和縣訓導平鄉縣訓導廣宗縣訓導任縣訓導廣平府訓導永年縣訓導曲周縣訓導肥鄉縣訓導邯鄲縣訓導成安縣訓導清河縣訓導磁州訓導大名府訓導元城縣訓導南樂縣訓導清豐縣訓導東明縣訓導開州訓導長垣縣訓導

山西巡撫張奏五原廳移設治所片

再口外新設五原廳原議以大余太爲治所經前護撫臣於 奏設新廳摺內聲明在案前據歸綏道樸壽轉據署五原廳同知姚學鏡稟稱廳境東西縣互幾及千里大余太地處東偏與所轄後套過遠前次馬賊滋事亦由鞭長莫及防範難周且口外以包頭爲重鎮自後套東來水陸兩路皆不可不由大余太直抵包鎮而後山要隘又在大余太之西是其地勢不當衝要設立廳治不足以資控馭查有迤西之興盛旺地方北枕邯山南臨黃河東接大余太西界烏拉河渠港環繞水土和甘實爲河套適中之地現在開辦墾務客民四集日形繁盛請將廳治移設該處以資鎮攝等情經臣飭由藩臬兩司復加核議會詳請奏前來臣查

內 務

一百五十七

甲辰

邊廳治所必須於扼要之處擇地建立興盛旺地居河套之中又爲墾戶聚集之所自應將廳治移設建署置獄一切應辦事宜責令切實經理於彈壓墾民控制邊境均屬相宜謹奏奉 硃批該部知道欽此

兩湖總督飭洋務局改設六科札文

照得湖北鐵政洋務局前經本部堂札飭分設四所一曰交涉所二曰鐵路所三曰學堂所四曰製造所遴委各員分別辦理在案茲查學堂事務現已專設學務處總理全省學務洋務局學堂所應即裁撤其製造事宜之關繫軍備者專歸駐省槍礮總局經理至洋務譯書局昨經札飭歸併學務處辦理茲查學務處事務殷繁未便兼顧且該處屋宇無多并無餘地可爲藏書及編譯各員辦公之所應仍歸入洋務局列作一科茲將原設四所改爲六科一曰交涉科凡關華洋交涉若公法條約游歷傳教租界等事皆隸焉二曰編譯科凡編譯洋務各書及繙譯各國報章之事皆隸焉三曰鐵路科凡關鐵路鐵廠及向來鐵政之事皆隸焉四曰礦務科即以歸併礦務局之事隸焉五曰實業科凡通省講求新法或種植或製造或貿易或設立公司或修理運道馬頭或延聘外國工師匠目有關繫中國民生計財用之事皆隸焉六曰商稅科凡各國近年所議通商行船條約及免釐加稅銷場稅等事隸焉

該局原稱鐵政洋務局現應專稱為洋務局將鐵政字樣刪去其局內並設之槍礮局應改名為駐省兵工總局另為一事應仍其舊此札

各省內務彙誌

京師 外務部電咨各省著於候補班中挑選熟習交涉之員咨送來京茲聞直督袁宮保已咨送四員內有前曾留學美國卒業者二員擬俟各省送齊再行考取 工部議裁料估所歸入營繕司裁督催所歸入司務廳裁歸子庫硝礮庫歸入虞衡司 王侍御條陳六部裁革書吏原以整頓部務而清弊端自兵部裁革以後公事稍形棘手亦無多遺憾吏戶禮刑工五部各存觀望今仍未辦反令書吏有所藉口請 飭下該五部堂官和衷集議務須從速議裁以歸一律等語內務軍機大臣面奉 諭旨各部院衙門著照兵部辦理其一切胥吏書手人等俱著即行裁汰欽此 進士館前出牌示進士館之部員仍回各原衙門行走以便學習部務另訂聽講章程作為外班如有部員願作內班任事者著於五日內報明註 云云茲悉管學大臣近因各處住費不足進士學員津貼不敷開銷且各部學員多不服從教習投業人多勢衆殊難管理故於日前具摺奏明仍著部員回各衙門學習部務等情已奉 旨依議云 政務處會議改良北京警察擬照日本警察之制辦理每段警部置一巡警指揮監督聞已具摺入奏 順天府沈大京兆與少京兆會議具奏將順天四路廳同知四缺一併裁去大興縣署遷至黃村宛平縣署遷至盧溝橋因北京地面有五城管理一切詞訟工巡局兼理故擬遷移聞已奉 旨依議

奉天 日本占領遼陽時華人即自立自治之機關以為保持公共之安甯計其所設立者在遼陽城內設立巡警總局及巡警局兩所又在城外設巡警局一所總局長為遼陽知州鮮春英巡警局長為杜秀山王仲三劉清蘭三人用巡勇

內務

內 務

一 百 六 十

十 一 月

四百三十人掌理地方行政之警察事務總局長兼警務部長及裁判所長之職巡警局長則奉總局長之命以指揮監督其部下之巡勇巡勇則照上官之命巡邏轄境

江蘇 蘇州清道局向由藩司委派候補佐職四員分設東南西北四局辦理茲因庫款支絀特行裁撤清道事務即歸併警察局經辦 蘇省警察局已歸併糧道兼辦現端中丞以警察章程未妥已飭陸觀察重為改訂稟呈核奪 長洲縣屬吳塔鎮富紳俞文輝近自伊父逝世後所遺家資田產甚多茲特提出遺田數百畝擬設長常兩邑鄉平備義倉凡附近貧民遇有青黃不接時可向倉借貸俟秋收繳還若遇災荒即平價出糶以濟貧戶近已擬訂章程稟請長洲縣立案給示以備開辦云 吳江縣荒蕪田畝久為消書刁戶互相朦混現由張步青大令查悉情形稟請設局委員往丈揚州調查戶口一事近又改歸江甘團練局承辦由江甘兩大令分界刷給門牌委派司事分段調查其姓名年歲籍貫執業人口均須填明牌上又編成五等官署公局為仁字紳士公館為義字廟宇祠堂為禮字舖戶居民為智字烟燈客棧為信字各做成洋鐵小牌釘於門首以便識認 徒陽通泰等州縣所轄之太平洲上憲擬移設廳治經常鎮道郭觀察札飭各州縣查明里數田畝及應完錢糧額數稟復核辦在案茲觀察復奉蘇甯兩藩司會咨以該處既設撫民同知所有命盜各案均歸訊辦必須兼設司獄現值裁官之際萬難再議添設祇有將就近佐雜移駐兼管究竟何員可以移駐自應併案查辦又該處人民繁庶應有秀出之士向來是否赴各該州縣應試人數若干每屆歲科試約可取進若干現在應否仍循其舊抑須專設應舉酌擬學額幾名應請一併議復 鎮江復辦警察因經費難於籌措章程尚未定故至今尚未開辦茲經關道郭觀察會同府憲詳太守悉心酌擬係就沿江一帶及租界毗連各要處先行試辦暫招巡吳六十四人分班站街俟有成效再行擴充

浙江 省垣之警務詳察牙釐軍需等局向各有候補道二員爲督辦總辦會辦幫辦近因公款短絀各差分別裁撤惟洋務警察二項殊關時要故特酌留一員辦公并須按日到局 山陰縣丞向本開散應在裁撤之列茲由山會二縣稟府詳省謂所屬臨浦鎮市廛繁盛應以縣丞移駐分防當奉大憲允准咨部立案

湖北 鄂省衛田礦務兩局均奉鄂督張宮保繳飭裁撤以衛田局歸藩司兼辦礦務局歸臬司兼辦又洋務局向有總會辦十四員現擬酌留四員餘悉裁汰

雲南 雲南許直刺角珊之夫人約楊紫林李茂芝都敬曾劉昌廷弓子猷楊西亭許湘南劉鼎彝黃子俊許率修諸君之夫人與設一放足公社許夫人登座演說窮源竟委各婦女均感動是日均即放足各處亦接踵而起矣

蒙古 俄人覬覦蒙古蓄謀已久如烏梁海南北喀魯倫河東西業已受其牢籠下牌鄂博皆同虛設近有旅員致書某大臣言蒙古之地若不速派大臣隨帶曉習邊事文武數員周歷各盟體查土謝圖汗等部情形曉以利害開其智慧恐

俄人狡焉思逞所有各盟將不免蠶食之虞故政府決計將西北諸藩改建行省前科布多錫恆召見時太后諭以到任後著即相度各城形勢以便建設省城等語近又經軍機王大臣寄信與蒙旗鑒務大臣熱河都統等令察勘地勢以備改設行省而建郡縣

西藏 政府已另簡達賴喇嘛以繼大禪喇嘛之任

內 務

內 容



一 百 六 十 二

十 二 月

軍事

論俄人於中亞屯兵事 錄九月十四日時報

日前本報紀俄人於中亞塔什干及某某二處駐有重兵。土民頗不安靜。云云。嗚呼。此中國今日絕大之警聞。未知政府其亦知之否也。俄人窺伺西域。逾數十年。本報前者嘗論俄人如不得志於遠東。必將逞志於中亞。此不過臆測之語。本不敢據爲定評。及英藏約成。已知俄必生心西域之問題。將自此起矣。然猶謂英俄因此必生衝突。禍機之至。猶可懸歷少時。及觀英某大臣對俄法律家買登司之言。知英人之意。已不啻認西域爲俄人勢力範圍。則知俄人於英人西藏所爲。不加阻止者。固已默許。而預期酬報。此後之援例辦理。正將層出不窮。而西域危殆之機。乃迫於眉睫矣。攷西域一帶。沿葱嶺以及天山南路。皆俄人所極垂涎。而帕米爾四國交界之區。尤爲俄人所注意。徒以界約久定。又懼英人之躡其後。不能有所要求。何幸天假之緣。得英藏事端爲之藉口。而又邀英人默許。棄猜忌而共提攜。是中亞政策之實施。不久將償其素志矣。斯事之起。實由東三省西藏兩事相逼而成。有日俄相持而後。英人可得利。由英人得利而後。許俄人以擅權一髮所牽。全局俱動。夫俄於藏事。

軍事

四百十三

甲辰

本不能忘情。中亞諸區。又與英人向有交涉。西藏。如有變局。必引起俄人。之中亞問題。此其故。政府甯不知之。乃誤。至於今。尙僅僅注意於西藏之一隅。作亡羊補牢之舉。而於西域關係之重要。仍置若罔聞。記者嘗謂。我政府之辦外交。皆以對付爲上策。無論若何要事。苟非外人先行發難。從不預爲圖維。故及其事成。半已不可收拾。及其不可收拾。又從而顛倒。因應之方針。一誤。愈走愈迷。此外交之事。所以多離奇淪況也。西域之事。本與東三省西藏互爲牽率。然此時則當分別輕重。扼要以圖。竊謂東三省事。前車已矣。西藏之事。亦未必卽能挽回。所望政府。移其於東三省設總督。設將軍之精神。於西域之事。急爲措意。西藏之事。如萬一尙可設法。則宜一面處置藏事。一面籌備西域。互爲呼應。無再泄泄沓沓。待北兵從天而下。然後急圖。則悔之晚矣。政府之視西域。雖不致如西藏之輕。然相距遙遙。情形隔闕。若不預爲籌備。則回民愚下。使節孤懸。危險情形。與藏地亦何以異。夫西域情勢。布置一切。究竟易於西藏。惟財政艱窘。地方遼闊。守險不易。持久尤難。非由政府急行設法。不可。俄人經營中亞。累年於茲。近復駐有重兵。則其方略。必已有成竹。我國此時急圖抵制。尙恐不及。若再遲緩。則藏事卽其前車。豈堪再誤乎。竊謂朝廷但有籌備西域之心。則先聲奪人。已可稍紓邊患。應卽於其間。迅速布置。毋甯以練兵處經費。悉以輸之西域。爲養兵購械。及地方

行政之需。左文襄西征一役。用款萬萬。代價決不爲輕。今欲保固回疆。所用不過十分之一。亦事之至允協者也。所幸者。日俄戰事方酣。俄謀雖深。未必即能西顧。事機縱迫。尙可苟延旦夕。以爲籌備之需。或者布置周密。俄竟無隙可窺。而彼遠東之兵威。亦一蹶不振。則事機稍緩。危局可紓。即我中國前途之幸福矣。

兩廣總督岑電奏粵西各路剿匪情形摺

梅寨餘匪竄出三防并籌剿四十八峒股匪疏通右江河道情形昨經分電陳請代奏查四十八峒附近歸洪匪村甚多先派道員王芝祥右江鎮黃忠立督營搜剿以翦峒匪羽翼劉成貴率帶成字兩營於七月二十一日馳抵鹿寨時楊崑亭餘黨尙聚雜容永福修仁一帶劉成貴連日率隊跟追均有斬獲二十四日在修仁縣龍坪一役殲匪八十餘名生擒四名奪槍二十餘枝馬三匹匪勢爲之頓挫知府崔祥奎率帶廣東常備軍分駐永福之鹿寨等處因聞劉成貴追匪督隊協剿追至計送村生擒二名傷斃匪三十餘名現飭營縣督率各團分路搜捕千總藍肇棠管帶銘字右營駐守柳城縣東泉地方爲峒匪西竄之路現據王芝祥報稱有匪袁亞剛及濟匪鎗碼之湯水貴均匿東泉飭據藍肇棠帶營圍捕當場將袁亞剛槍斃拿獲湯水貴及匪黨共九名搜獲各色快鎗十五枝并土鎗逼碼等項游擊宋

尙傑分統綏靖三營駐守永甯州三隍墟爲四十八峒後路七月二十四二十九等日由三隍節節進攻歷江頭峒以直抵高坡巖奪據隘口迭有擒斬現該營逼近陸逆所踞之油麻峒僅十餘里惟三隍後路較空已調廣西常備新軍左右兩營移往填紮以助聲援仍可兼顧省防門戶又據永甯州報八月初八有峒匪千餘圖攻安和團寨上村經保安營勇協練往援與匪鏖戰生擒四名陣斬七級并傷斃悍黨百餘人匪復退入峒此附近四十八峒各路近日據報剿匪情形也象州本尙安靜八月初因修仁一帶劉成貴等營分路追剿匪遂闌入象屬之羅秀中和等墟駐防該州之廣東常備軍管帶汪有容聞警赴援因兵單稍有挫損旋經胡令宣督營助剿斃匪多名奪馬二十餘匹現仍分投剿辦馬平縣屬之六都穿山一帶土匪本多又爲各屬竄匪往來之路現經柳州府知府督營親往剿捕此柳屬近日據報剿匪之情形也慶遠匪勢本極猖獗署右江道龍濟光七月間由泗城率所部濟字各營陸續赴慶經過那地土州之吾隘擊敗游匪沈二一股後在河池州之拉應降峒花根等村先後剿捕斃匪甚多并起獲被擄男婦十餘人濟軍前營選鋒營由思恩調赴黔邊之荔波堵剿梅寨竄匪先在思屬之妙墟水源等村遇匪開仗兩次均有斬奪旋抵荔波之臘村遇梅寨竄出之零股約會黔邊各軍分隊夾攻陣斬六級復跟追至耿蓬峒麻峒奮勇接仗

又陣斬三級先後奪獲槍枝輜重馬匹甚夥并會圍搜捕游土匪四十餘名內有頭目數人均經發縣訊辦此慶遠各屬近日據報剿匪之情形也謹請代、奏

出使美國大臣梁奏擬請聯約各國仿設紅十字會摺

竊臣伏讀 諭旨設練兵處參用各國章程期成勁旅仰見

皇太后

皇上整軍

經武發奮圖強實深欽佩臣維我武維揚聖人原不得已之舉民命至重王者有不忍人之心近今各軍行陣救疾扶傷不分畛域其法良意美尤推紅十字會為最該會命意略如內地善堂以拯災卹難為義務而於各國宗教不相關涉與會之人出入行間各國皆公認為局外同治三年始於瑞士國之真奈瓦地方創設公會議定條約十款簽押者十二國嗣後推行日廣各國次第入會歷年兵事無役不從甚至后妃命婦之尊亦能不避艱危親調鑿藥論者謂於兵凶戰危之中行仁至義盡之道文明進化已信有徵而將士恃此志氣益揚忠勇百倍尤為兵家制勝之長策環球各國日孳孳然討論而利用之中國尙未聯約入會似非 聖朝恩周庶類整飭戎行之本意惟會體宏大經費浩繁基礎未堅勢難集事臣查各省善堂成效昭著董其事者富而好善若令兼辦可毋庸另設會所至於籌集經費自以勸募為正義倫蒙 天恩酌撥內帑為臣民倡明定獎格按捐資之多寡別勳章之高下捐

款鉅者准佩帶該會金銀銅寶星次者准用該會徽章再次者亦得列名會籍用紅十字爲衣飾以京師善堂爲總會復於行省商埠酌設分會平時施醫贈藥兼辦軍醫學堂戰時防病療傷責令隨營照料遇有他國兵事亦一視同仁派人前往經歷愈多收效愈廣軍醫可資補助將士恃以無虞竊以爲我 皇太后 皇上如天之仁超越隆古必有以慰薄海嘯嘯之慕也臣體察近情覺紅十字會爲練兵不可少之舉謹將真奈瓦公會聯約條款各國入會年分暨美國紅十字會章程譯成漢文照錄清摺恭呈 御覽並就管窺所及略陳辦法擬請 飭下外務部照會瑞士國政府聲明願入紅十字會聯約緣由俟覆文到日專派大臣簽約一面查取東西洋各國紅十字會章程按照現在情形參訂會章頒發總會尅期舉辦庶上張 國體廣 含宏怙冒之恩下恤軍民作有勇知方之氣謹 奏奉 硃批外務部知道欽此

真奈瓦紅十字公會聯約條款

瑞士國巴頓國比利時國丹墨國日斯巴尼亞國法蘭西國海西國義大利國荷蘭國葡萄牙國普魯士國烏登堡國今願竭力銷滅戰場兵禍特派全權議員公同議訂條約以便遵守各議員彼此較閱全權憑據均屬妥協特訂定條款如左 第一款凡軍行傷車病院皆

作局外看待其照料受傷軍士之時交戰之國均應敬重保護倘此項傷車病院爲敵軍佔據卽不以局外論 第二款凡傷車病院之管理人員醫士看護婦辦事員役運送傷病之人以至於教士其在執役之時以及仍有傷病須其料理均得享局外之權利 第三款第二款開列之人雖所在地方被敵軍占據仍准在原有傷車病院照舊執役亦可歸回原隊倘此項人員已經辭退應由佔地之軍送回敵國前隊 第四款行軍病院所備器具應按照交戰公例辦理倘有員役辭退除該員役私物外不得攜帶別件其傷車所有器物亦須一律留存 第五款凡救濟受傷軍士之居民必須從優看待聽其自由兩國統兵官員應勸居民以仁慈爲心聲明可以局外相待之意凡受傷軍士在居民調理者應視爲該處所保護其調理受傷軍士之家應免軍隊駐紮並免充行軍公用 第六款凡受傷患病軍士不論隸於何國應一律照例優待兩國統兵大員倘體察情形可行並經彼此商准可將戰場受傷軍士交回敵軍前隊所有被擒受傷軍士傷口已愈若經驗明果係不能再任戰事卽可送還敵國其餘傷病之人如果不願再預戰事亦可斟酌送還遇有敵軍不能守禦地方自願退出所有退出之人及辦理其事之人均應照局外認真保護 第七款凡行軍病院傷車以及退出地方均應明定一律旗號仍須帶用國旗此等局外之人亦應於衣袖

上帶有記號惟須由軍營定准給發此項旗號及記號均以白地紅十字爲識 第八款施行本約之詳細辦法應由兩國統兵大員臨時各按本國政府訓條及本約各款宗旨酌定

第九款公約各國允願備文知照此次未及派員來會之國請其入會可隨時任便簽押附入此約 第十款此約應即批准限於四箇月內在瑞士國都城互換以昭信守

一千八百六十四年八月二十二日即同治三年七月二十一日瑞士國巴頓國比利時國丹墨國日斯巴尼亞國法蘭西國海西國義大利國荷蘭國葡萄牙國普魯士國烏登堡國以上十二國係原列公會之國瑞典那威國同治四年入會希臘國同治四年入會英吉利國同治四年入會墨連堡施威靈國同治四年入會普魯士國同治四年入會土耳其國同治四年入會巴威利國同治五年入會奧大利國同治五年入會葡萄牙國同治五年入會薩遜尼國同治五年入會俄羅斯國同治六年入會天主教皇同治七年入會羅美尼國同治十三年入會波斯國同治十三年入會散沙瓦多國同治十三年入會黑山國光緒元年入會塞維爾國光緒二年入會布里非亞國光緒五年入會智利國光緒五年入會阿根廷國光緒五年入會秘魯國光緒六年入會美利堅國光緒八年入會布加力國光緒十年入會日本國光緒十二年入會盧森不爾厄國光緒十四年入會匈加利國光緒十四年入會

剛果國光緒十四年入會委內瑞拉國光緒二十年入會暹羅國光緒二十一年入會南非
洲民主國光緒二十二年入會漢都拉國光緒二十四年入會尼加拉瓜國光緒二十四年
入會以上三十二國係陸續入會之國

美國國家紅十字會現行章程

美國國家紅十字會會員於一千九百年六月六日奉美國議院核准立會今於一千九百
零三年十二月八日訂定章程以便本會幹事人員及會員等遵守所有章程開列於左
第一章聚會 第一節本會定每年正月在美都華盛頓聚會一次至於聚會日時處所當
由董理或行法董理酌定 第二節本會總辦隨時可以指定某處開特別聚會惟須有會
員五十人以上始能會集辦事 第三節本會總辦齊集會員開特別聚會須經全體會員
四分之一書明請辦之事除此事外不得議及別事 第四節本會每年尋常聚會或特別
聚會至遲應於會期十五日以前由郵局寄信通知會員倘係特別聚會須將集會之意先
行聲明 第五節本會有權投籌之員於每年尋常聚會及特別聚會均可指派別員代權
辦事但須書明時日簽押並准代權證據其請代權之事亦須於會期十日以前先向會中
書記員存案每次聚會該書記員函達各員之時應將會員人名開單附寄查閱並將會員

所請他員代權之填寫格式一併寄往倘有別項格式與所定格式相同亦可通融准用

第六節本會每年尋常聚會應辦之事其次序開列於下一點名二指明聚會緣由三朗讀所記未經議准之事並即定奪如何歸結四幹事員及董理報告全年情形五辦理各項事件六選舉會中幹事各員七訂定日期再會

第二章董理 會中事件應由總辦一人董理十二人主理董理須由會員每年選舉充補次年另舉接替會中每年聚會之日各董理應於同日先行集會俟新董理選定應再行集會一次此後集會應聽總辦傳知或由數董理簽名函達董理須有七人在座方合會議辦事之例各董理中可自選五員充當行法董理此項董理五人可代各董理辦事

第三章幹事員 第一節本會幹事員計有總辦一員副總辦一員律師一員書記一員司庫一員總辦係於每年聚會之時選舉任期最少以三年為一任或不止三年可於聚會時定奪其餘副總辦律師書記員司庫員均係每年選舉一次選定之後各員應向書記員存案聲明允願就職期滿方得卸事 第二節凡本會聚會或董理聚會或行法董理聚會均由總辦主席會中所派各項董事除稽查帳目董事外均以總辦為領袖凡會中奉行所辦各事當以總辦為主 第三節總辦如或病故或告退或因別故不能辦事其任內所辦之

事應由副總辦暫行代理 第四節書記員司通知聚會之事掌管本會印信圖書及除司庫員應管外一切物件並將所司之事報告辦理 第五節司庫員司收存本會各種進項及繕發收據之事凡有捐助款項交付會員或本會代理員之在災區或戰場辦事者應由該員等先行認收報告司庫員應將收據給發捐款之人收執司庫員應備帳簿詳細登記帳目任由會員隨宜查閱本會合例應支帳目須由總辦或行法董理兩員簽名作證允許司庫員始能發出凡充司庫員者須有切實保結保其供職誠實至應如何具保當由行法董理隨時定奪司庫員所管帳目每年至少亦須稽查一次若隨時稽查應由行法董理酌定 第六節律師司理幹事員所訂合同券契等事如有關係本會度支者應由律師審度所有關涉律例須其裁酌之事應由律師與幹事員等會同參議 第七節除第三節所指定外凡遇幹事員缺出暫由行法董理派人充補俟下屆尋常聚會再行按例選舉 第八節以上所開幹事各員均不得充作稽查帳目董事

第四章參理處員及董事 第一節欲令通國人民咸知本會宗旨以期同心協助本會總辦可派全國參理處員由總辦或行法董理傳知隨時聚會酌商應辦之事 第二節如遇本國或遇數國有事本會幹事各董員應陳請美國總統及各部院大臣助力 第三節總

辦應選諳習救護戰場患傷諸事之人三員派充救濟董事遇有患難須其襄助聽候總辦或行法董理董事調度 第四節總辦應派管理入會董事三員 第五節總辦應派稽查帳目董事三員 第六節總辦有權專派董事以便妥辦整頓諸事惟由行法董理會商核准方可

第五章會員 第一節美國議院核准設立紅十字會之會員以及此次以前所選之會員均可投籌公議其餘當俟下屆聚會選定方可 第二節凡願意入會之人須函達本會管理入會董事並須會員二人保薦俟下屆聚會之時由該管入會董事報明以便選舉每員入會繳註冊費美洋十圓此後每年繳會費美洋一圓 第三節凡已選入會之人如先交付司庫員美洋一百圓以後無須再繳會費總辦書記員即發給執照簽名蓋印准其作為永遠會員 第四節凡名望素著之人及他國紅十字會員每年聚會之時可舉為本會名譽會員 第五節凡有名望之人每年繳交會中司庫員美洋一圓即可作為會中捐款人員倘欲領取總辦簽名文憑以及紅十字會記號則須再繳美洋一圓所有會中徽章以及各項記號只有美國國家紅十字會有權發給以資保護而厚經費 第六節董理須協助各省省會設法聯絡本會如有須設會之處即為選備章程以便遵辦 第七節董理應設

立局所名曰美國國家紅十字會急助所教授生徒如何急救調治傷創等事並須選備章程以爲推廣城邑開設局所之計凡照章辦事之員須每年捐助會費各省所設此項會所應准領取執照以爲聯絡美國國家紅十字會之據

第六章改訂章程 此後如欲將以上所訂章程廢更應預先通知並須由准可投籌置議之會員三分之二之人數於每年尋常聚會之時訂定方可

各省軍事紀要

直隸 直提馬官保所統各軍一律改習日本操法其餘細章均按照南洋常備軍成法

奉天 廣甯城被馬賊滋擾當經增將軍廷府尹電飭錦州統巡慶都統派兵驅逐出境 新民府界駐防西方牛莊任幫帶朝武營內於八月初八日夜被匪首馮勝閣杜立子等率黨搶去快槍三百桿子母彈萬餘粒去降兵二百五十名任朝武帶領五十人衝圍而出該處已爲賊佔朱統領慶瀾恐該匪首等既得軍裝降隊從此聲勢愈大若非厚集兵力不足以資鎮攝即函知海城縣王令營該縣各巡警會合力保守復札飭馬管帶得荃調派馬隊兩哨在海界扼要處所駐紮以聯聲勢一面飛稟省憲請飭各地方官及營隊一體嚴防

河南 彰德府一帶民間設有在元會有類團匪七月間蘆漢鐵路公司總辦普意雅一面知會開車處總辦孫麟堯觀察前往查察一面稟知法公使照會外務部外務部即行文直督豫撫令爲查辦安陽縣旋拘獲三人供稱自彰德至直隸磁州元氏順德一帶皆係通同一氣聲勢頗盛安陽縣令即飛稟各憲直督袁官保聞之即派倪丹臣觀察帶兵往剿

江蘇 江督魏制軍擬於北河口築一船塢已飭籌防局會同南洋水師船廠總辦前往查勘形勢 粵山添設礮臺而
焦山礮臺亦須改建均經前江督魏制軍核准茲經李制軍札委黃令啓南來鎮監修焦山等處礮臺工程 由福建船
廠新製之建威建安兩快船均未安設礮位現由上海製造局裝配

湖北 鄂督張宮保前委姚廣順遊擊前赴許州信陽等處招募新兵五百名近已帶赴省垣歸營操練 鄂地民數不
和匪黨乘勢糾聚川督錫制軍前已派營防堵茲復派續備軍五百前往助防

湖南 湘撫陸中丞以廣西土匪竄擾邊疆已派陸兵分防寶慶靖州永州道州各屬并由江督派遣長江水師礮艇六
十艘分駐衡州永州

新疆 政府近接伊犁馬將軍電據稱伊犁一帶及西甯等處回民蠢動復與漢民構釁該處俄人藉口保護現已調兵
欲往干涉等語政府接電外務部即照會俄使并奏請調回西甯準大臣良以延大臣社派往

四川 馬邊廳黑夷越境騷擾川督錫制軍因飭嘉定府峨邊廳嚴爲防堵並電奏請鄰省督撫派兵會剿旋該廳右路
有黑夷多名將所獲兵民悉數送還自認措給前案命價邀集叛蠻及左路夷會同來投誠

廣東 肇慶府廣甯縣亂匪劫署因該縣鄭大令會殺匪黨八人匪黨糾衆報復鄭大令面部受傷旋爲援勇擊散有偽
元帥王二奴僞先鋒陳四馮大河橋等至四會被該縣率勇拿獲訊據王二奴供聽從懷集匪首植拔序潛謀不軌該

匪在會管理銀項旗號係虎同二字聚衆約二千餘人有抬槍數十枝毛瑟快槍及大口扒等槍約二百餘枝攻古水墟
圍廣甯城擬攻破廣甯之後即移攻四會隨聞大兵已到二十二日各路兵勇圍擊各將軍火潛放在水坑小艇約二十

四夜攻打四會城我等潛來探聽消息並供認劫奪廣甯扒船軍火等事聞訊明後即行正法 東江一帶盜匪橫行各

段巡船不敷緝捕經李統巡稟准大憲先編中左兩營勻段巡緝然後再添三營以紓餉方名為惠安水師 靈山縣與桂省梧州博白等處毗連時有桂匪竄擾該縣屬平山練一帶地方有會匪五百餘人由桂境竄來勾通土匪欲圖起事經該縣潘大令派委營帶靈勇之吳弁并各鄉團往平山練東山脚四軍山一帶逼近匪巢圍攻乃各匪先伏各路山嶺聞聲四起率衆抗拒彼此接仗一日之久互有傷斃晚間又來援匪百餘人致練勇四面受敵被傷數人吳弁營隊在前被中三槍登時陣亡

貴州 廣西匪蹤逼近都勻府屬獨山州初甚危險旋經副將胡威遠統帶練軍於八月二十一日逆擊於該州之安龍鎮地方大獲勝仗斬匪六百降匪千餘黔撫曹中丞隨即電告政府

廣西軍事紀要

桂林 當永甯告急時曾派廖提督所統桂防一營堵戰該軍至三隴時被匪圍攻三隴爲匪所破該軍敗潰大半爲匪脅從槍械失散廖統領不知下落

柳州 象州石龍墟爲象州武宣各匪往來要衝原駐有海防廣東常備中軍左營以資防堵八月初一日突來大股悍匪約七八百人直撲該墟經營官汪有容督隊迎擊血戰半日之久匪衆兵單陣亡陷弁二員營勇數十名傷者亦衆軍潰潰廣東常備中軍前營營官胡令宜由來賓縣督軍馳援甫抵象境遇匪接仗因槍碼用盡致稍挫暫退須俟彈碼運到再行進剿云云 八月初四日匪首褚大等股千餘人自龍岸墟竄攻三防各村焚掠慘酷王統領瑚統帶武匡軍槍斃各一營駐紮該處當即出隊分剿初五日匪黨分股繞路直犯大營時守兵無多遂至失陷槍斃各隊聞而回救匪股前後夾攻該軍大敗破隊營帶沙瑞忠槍隊營帶周某均陣亡其餘弁勇傷亡不少王統領退保融縣初六日飛騎李

袁孔三中隊駐明洞口以遏匪鋒初八初九兩日匪晝夜來撲並登高山俯擊而官軍又皆重病寡不敵衆勉強支守十二日援剿三防各軍在某洞兜截大勝十三日匪又竄陷羅城該縣主簿古洞保被執不屈慘遭支解旋經岑制軍電龍太守濟光督率濟字各營分路進剿初稍失利後經大隊繼進連獲匪寨匪甚衆遂於二十七日克復羅城 柳州叛匪竄入五十二洞之後以糧食缺乏分千餘人出紫大板墟勸逼各村輸糧照字營勇往捕匪負險下擊陣亡幫帶一員哨弁一員勇丁數十名被圍不能出後得錄字營來援始免覆沒

思恩 巨匪黃和順與鄭某帶同黨羽千餘由安定白山地界走賓州詐爲官吏分入各村肆行擄掠並殺斃村人百餘名左江道余觀察派勇馳剿並報請丁軍門分兵往助 府屬遷江上林兩縣以及賓州各處匪氛日熾當經岑制軍電致廣西提督丁軍門率領衛字各營并率張萃鎮得貴所部貴字兩營由邕至思分路剿辦丁軍門探知上林賓州交界各洞全爲匪黨巢穴據險負隅進攻練手即飭分統貴字等營張得貴相機剿辦旋在古洞村查知村中有匪二百餘名遂督帶貴字中前二營往攻自夜至曉始克攻入斃匪三四十名獲匪三十七名起出土槍二十餘桿並婦女二口

梧州 八月初間懷集縣詩洞地方匪首植亞養誘惑愚民聯盟拜會縣宰高大令偵悉即於初三日派人查捕獲匪數名植亞養等竟糾黨三百餘人奪犯拒捕擊斃勇役二名並圍攻縣城該縣奮勇禦戰城得不陷初四夜復糾黨五六百人圍攻勇役駐紮廠卡復槍斃勇二名至初五六等日愈聚愈多攻破鎮姓萬安山寨殺斃姓紳士二人掠去軍火穀米等物初八日遂由詩洞永固等處竄至大岡墟防勇寡不敵衆屢戰未久即行退散匪遂於初九日佔臨冷坑墟十四日進據梁村墟其餘黨羽四散延蔓廣東之廣甯開建等處各邑戒嚴旋即平復

潯州 桂平武宣交界之間九月初旬有土匪竊發潯守派兵兩哨往剿傷損勇丁多名並斃什長二人

南甯 歸德州屬之那馬團邑仲村地方八月中旬被游匪黃秀馬二等串合武緣縣定羅司土匪農志祥糾黨數百各携快槍擁入森樂村民數人劫去耕牛數十頭并團防軍械財物一掃而空該村四圍山嶺道路分歧適有綏靖軍一哨駐紮附近聞警赴救為伏匪槍傷什長一人勇丁三名該匪越嶺竄入定羅一帶而去

鎮安 奉議州地近邊徼向多游土各匪八月間經營勇駐剿匪黨紛竄惟該處幅輿遼闊山深林密匪徒出沒無常與思恩陽高交界之七里一帶及蓮花山地方餘匪未靖又匪首黃卜鳳周端志等未獲鄉村時被劫掠雖經地方官懸賞緝捕然此拿彼竄尙難尅日奏功

廣西防剿主客各軍表九月分

軍名	營數	統領銜名	駐紮處所
常備軍	五營	臬司劉心源	桂林府城內外
常備新軍	三營	候補道王瑞圖	臨桂 永甯
定武軍	三營	前署柳慶鎮楊發貴	桂林府城外
警察軍	五隊	候補府清泉	桂林府城內外
照字軍	四營	右江鎮黃忠立	雜容 羅城
保安軍	三營	右江鎮黃忠立	雜容
綏靖軍	三營	副將宋尙傑	雜容 永甯
成字軍	兩營	參將劉成貴	雜容

軍事

期 一 十 第 誌 雜 方 東

軍 奉

保商軍	一營兩哨	歸土著總局督帶	古宜 分駐貴州邊界
廣勝軍	一營	都司劉鴻芬	柳州府城外
柳防軍	兩營	知府濮賢恒	馬平 羅城
濟字軍	八營	右江道龍濟光	融縣 羅城
廣東武巨軍	八營	知府王瑚	融羅柳等縣撥一營紮永福
廣東常備中軍	四營	候補府崔祥奎	融縣 象州
廣東棠字軍	四營	知州陳兆棠	融縣 來賓 羅城 馬平
湖南忠字軍	六族	狼山鎮總兵黃忠浩	懷遠
湖南健字軍	三族	記名提督張慶雲	龍勝
湖南剛字軍	三族	副將劉鯤	龍勝 義甯
湖南發字軍	兩族	參將張嘉鈺	懷遠 古宜
廣東銘字軍	三營	知縣符開銘	雒容 羅城
雲南滇軍	四營	調授湘藩劉春霖	融縣
雲南滇軍	六營	湘藩劉春霖	慶遠府與貴州交界處
慶字軍	四營	知府白玉書	慶遠府屬
邊防榮字軍	十營	都司陸榮廷	慶遠府屬

四百三十

十一月

東 方 雜 誌 第 十 一 期

王總統衛隊	兩哨	道臺王之祥	融縣
兩廣督轅親軍	一旗	特用道張鳴岐	桂林府城內
衛字軍	五營	提憲丁槐	思恩府屬
費字軍	兩營	副將張得貴	思恩府屬
廣東綏遠新軍	四營	提憲丁槐	鎮安 太平 南甯府屬
廣東綏遠正軍	四營	總兵何友山	泗城府屬
葛防軍	兩營	知府潘江	南甯府屬
邊防武健軍	八營	京堂鄭孝胥	龍州沿邊一帶
龍防軍	兩營	太歸道謝汝欽	太平府屬
廣東安勇	一營	歸太歸道節制	上思廳
色防軍	兩營三哨	百色同知書通	百色廳
鬱防軍	兩營一哨	知州李日謙	鬱林州
歸防軍	一營兩哨	知州	歸順
潯防軍	兩營	知府沈秉炎	潯州府屬
梧防軍	三營	關道惠綸	梧州府屬
鎮防軍	兩哨	知府王壽慈	鎮安府屬

軍 事

軍事

四百三十二

十一月

平防軍

兩營安勇三營

知府袁源清

平樂府屬

廣東喜軍

一營

平樂府知府

平樂府屬

日俄戰事紀要

沙河戰

日本遼東各軍既將遼陽佔領自應更進略取奉天惟恐俄人經此大創不輕言戰惟有翹首以待戰機而已適俄將苦魯巴金忽奉俄皇嚴令速取攻勢救援旅順不許仍前一味退却兼之俄國援兵已有二師團至苦魯巴金遂宣誓軍前以期振奮士氣大舉南下時渾河南北兩岸設有堅壘散兵深等以及其他防禦工事距日本左翼軍前面之防禦線約二三百邁當不尋日軍連得探報知其渡河而南之兵約有三師團又自九月一日後迭在威廠賽馬集方面逆襲日軍於是總司令官大山氏遂下戰令勅全部以先機制敵左翼軍扼渾河下流長灘方面與大將率之中央軍攻路鐵道東向及中央一帶之地野津大將率之右翼軍則通長白山脈之高地黑木大將率之三軍呼應咸於渾河取齊前二日左翼軍之右縱隊先於大觀音閣方面置有能美隊之下江隊在渾河以資防守並於沈且堡在渾河及黑英台附近分令田村豐邊兩隊駐秋山駐紮其間以與渾河北岸俄兵對峙而左翼軍之左縱隊司令官係在河公堡在遼陽西北三十里於初一夜突下一令明日午前六鐘三十分拔隊以與中央縱隊連絡前進軍令既下即以騎砲工兵加入能美隊以充前衛而下江隊內復增內田騎兵一部以與左翼之秋山騎兵團連合並令縱隊中之川村隊當縱隊之預備內藤中村二隊之一部則充本軍之總預備部署既定遂由河公堡啓程經朱莊子小烟臺等地而達大黃屯約行三十餘里時見各村落間有零星俄探騎兵出沒日軍且擊且進既至黃山屯南端遙望前三里村落間有華兵一中隊日軍知係俄兵偽裝猶未敢

決因遺騎偵探三四返卒未判其真偽轉瞬俄軍二中隊乘機而進一齊攻擊先鋒隊大森大佐揮兵前進展列陣勢如半月形漸將俄兵包圍俄兵初猶竭力相抗嗣恐日軍抄襲其後遂向北方退却倉皇之間擊斃兵士十餘名戰馬四匹棄屍二具日兵三名負傷左縱隊乘勝進至樹碑臺後復猛進楊家甸子與俄騎兵五中隊接戰約十分鐘俄軍不支遁入青堆子村落在楊家甸北時日軍掩護步兵已到數中隊且據有散兵壕形勢遂決定夜襲以期大創俄兵是夜九點鐘步隊混成隊齊集精銳於尤家甸子潛藏民家土牆內俄兵不知以為已退遂不設備日軍前衛指揮官須永少將下令攻擊龍美隊長遂率兵士衝枚疾進既至其地遂發令各執銃劍四面突擊俄軍倉皇四竄死傷甚多棄屍數十具北向油島堡而竄其在青堆子東面散兵壕及各堡壘之俄步隊各兵至是亦士氣頓挫向狼子溝方面而退日軍中央縱隊亦於是日由營地進發途中略有抵抗午後三點鐘行抵大東山堡在二台子前村有俄步兵二大隊俄兵二中隊在此掃造障地見日軍至齊起砲擊而彈力甚微殊出日軍意外於是日步兵隊先行猛攻繼以砲兵俄軍大敗向後退却日軍遂入大東山堡連佔二臺子至夜始收隊休戰其右縱隊亦於是日黎明由營地拔隊與中央縱隊連絡保持二臺子東面一帶之地所屬二分隊經由各村迭遇俄探騎兵一一擊退由二臺子方面而入大荒地至中央中隊前面之俄兵於接壤五里臺子之處設一散兵壕派駐步兵不下八千後復有一壘置砲十二尊午後四點鐘砲火相交日軍應戰極狂然夜已漸深勝負猶未決日軍擬待至明晨會同中央縱隊力攻嚴防徹夜不輟是日三縱隊進路以左縱隊迂迴最遠至是三段連者已圍之勢乃成初三日黎明中左右三縱隊各於所占之地布列陣勢偵察油島堡及狼子溝方面敵狀俄軍前隊亦於夜退却之兵連台各種兵數不下三師團其步兵散兵壕係由油島堡起穿一長壕約七八千邁營以大砲八十餘尊安於其後於是日軍中右兩縱隊倍加前衛步兵以砲掩護與之交綏自午前七點鐘至午後六點無

軍 事

四百三十三

甲 辰

稍休息俄軍統帥各軍皆甚猛且無虛發幸日軍陣地屢移尚無損害左縱隊亦以同時然敵轟擊三軍齊擊萬雷迸發俄軍數營遂為擊毀未幾俄軍一部破聲沈默全軍因不支悉數退却而能美隊自當前衛以來時與俄軍挑戰頗有斬獲惟以未佔油蟲堡為憾該隊長遂商諸須永少將再行夜襲之策少將聽之該隊長遂激勵將士準備攻戰午後六點鐘二十分忽有俄軍約二聯隊自油蟲堡南端來將襲擊日軍奪回青堆子須永少將即召部下授以機宜軍士踴躍應命紛紛潛伏民家土牆內俄軍勢頗盛一路轟擊而來至相距一百五十適當之處日軍突出奮擊惟俄軍多而且勇皆有決死之狀因之兩軍劇戰彈丸橫飛咫尺莫辨日軍下江大隊錄田大尉正當指揮部下忽一彈至貫其右足下士兵卒亦多死傷損害極大能美隊長遂傳令後隊副官水郡大尉與下江隊長聯合水郡故驍勇既奉命令奮然而前將至下江隊陣地陡着敵彈從卒請退水郡不顧及晤下江少佐甫一語而敵彈又至貫其頭部傷勢甚重下江少佐遂令部下送至後隊一面仍行鏖戰約一鐘餘俄軍死傷甚多至是日軍已漸得勢一齊突擊俄軍後部首先奔亂日軍突擊愈激俄軍前衛亦並慌張欲遁於是日軍統帥交施閃入敵陣斬其將校五六名餘向油蟲堡而逃日軍追擊乘勢佔領油蟲堡是役日軍戰死山田松造吉安暢辻野彥三郎茶谷乙吉佐藤辰之助相馬米次郎外又有二十餘名負傷者水郡錄田兩人及下士以下一百六十餘名俄軍死傷則有三百餘名自此日戰後日軍迫近奉天約五十里惟尚未能將該處俄兵擊走而俄兵亦頗有誓死之勢故兩軍復行劇戰初四日日軍右翼軍竭力將來攻之俄軍擊退遂佔領由馬耳山互燒達溝一帶之地即長白山一帶之山脈中央軍則夜襲三碗石佔領該處西北之地左翼軍則與右縱隊連絡互相呼應攻擊俄軍奪獲野戰砲二十尊時俄軍在北烟臺經孫家臺以互太平莊者合步騎兵數約一萬五六千人破五十四尊後尙陸續增加故日軍左縱隊方面須籌遠略方可取勝旋議決以須永少將統率右翼相馬大森兩步隊及砲兵若干屬

之內田中佐指揮中央縱隊步兵一部隊屬之內田騎兵及龍美隊之下江部隊則屬左翼定於上午六點三十分進攻右翼隊擬先擊破北烟臺而俄軍壓迫愈急自晨以來該處及小臺方面約有俄步兵一旅團敵三十餘加以萬花園子亦有俄敵二十四尊齊向油蟲堡猛擊並將李大屯一帶之地包圍是時日軍遠近受敵防戰不可稍懈於是左翼隊固守李大屯一帶之地右翼隊則奮然迎戰俄軍砲火益猛且北烟臺中央有廟一座其地頗高恰好為瞭望臺俄將憑以俯瞰指揮各軍砲量其準故戰至午後日軍略無進步左縱隊因急命川村隊之步兵一隊增於砲兵一面右翼隊既得援助直冒砲火突擊而進惟俄軍砲擊逾猛致該隊死傷甚多此時須永少將命令甚嚴期以戰死報國身先士卒凌厲直前士卒亦無不鼓其勇氣踏越死屍而進而後面砲隊掩護步兵任務既完遂向高處俄將猛發數十砲俄而廟屋震倒斃其將校四員士卒以下十餘人臺下俄兵亦頗損害遂向萬花園子北方退却據據堅守其餘步兵大隊亦漸向孫家臺北方萬花園子而退午後四點三十分日軍遂將各地佔領並派步隊追擊至孫家臺子而止一面急擊擊據以備俄兵來襲俄兵隊亦疲勞終日佔領北烟臺當左翼隊之固守李大屯也能美隊之下江部隊及中央隊之騎兵隊方在小臺與黑林屯俄兵相對旋聞俄步兵兩大隊在其北端修築防禦日軍遂向該處攻擊下江隊長受傷數處負痛防戰自晨至午後三點鐘仍未獲勝旋奉須永少將催令進佔大臺黑林屯又稱川村第四中隊為其援助遂令該右翼隊進探黑林屯敵情交戰之下死傷八十餘名而退左翼隊準備既完其前衛即向大臺方面進發至午後四點鐘忽聞砲聲大起彈如雨下日軍即升高樹瞭望知其大隊將由對面來襲即以敵狀報知下江隊長並通知中央縱隊派來之步兵隊未幾俄軍壓迫而來數約一旅團半當時前衛下江隊之日置少尉率一小隊進向小臺該處俄兵已與黑林屯會合僅留少數偵探日軍立擊退之巡將大臺村佔領草刈中隊亦率隊由小臺進發行方數武探知俄軍欲襲本

隊並悉日置一軍已佔大臺村遂即退回小臺再合本隊俄軍進至大臺約距小臺千二三百邁當即行然破擊日軍靜伏俄軍前進愈急至距六百邁當之處日軍列陣應戰以中央縱隊之遺派隊爲右翼下江隊之草薙中隊及中央之吉弘中隊爲左翼列成鍵形彼此相距五百邁當各隊長同時下令一齊奮擊俄軍乘馬步兵忽分左右大部兵隊由中湧出盡力應戰惟所發破擊命中者少故日軍死者僅佐藤六郎及長谷川莊太郎二名高木安吉大野善吉圓句龜青三人負傷又中央縱隊之第一大隊六名受傷至日軍所發之彈多能洞穿俄軍胸部應聲而踣歷戰一點鐘斃敵千餘至是後隊俄軍始有退志嗣見日軍下江後備第十一中隊乘機前進俄軍遂由右邊退却然甚遲緩爲日軍追擊死傷亦不下千餘時正六點鐘各隊乘機佔領大臺急設防禦以備來襲未幾大雨露營兵士無不沾濕且極疲勞然無稍怨者初五日左縱隊下令攻取紅綾堡張良堡在北烟兩村須永隊之右翼隊即於午前由破擊兵掩護向紅綾堡前進該村俄兵僅有騎兵一大隊步兵二大隊日軍轟地前進縱橫攻擊俄軍不能抗四散奔走遺棄死屍三十五具傷者三名退向張良堡而去日軍乘勝追擊俄軍復他竄遂佔該地更下前進之令左翼內田枝隊在下江同時前進亦於午後一點鐘擊退俄軍騎兵而入萬家園子在紅綾以與右翼隊連絡是時俄軍破擊隊在日軍中左兩縱隊前面者共約八十餘奪分據遠屯林盛堡及鐵道線而接拉木屯以向日軍轟擊於是日軍分路應戰中央縱隊列陣王家子以對拉木屯俄軍而攻擊其側面左縱隊則於紅燈堡與遠屯林盛堡俄軍對壘午前九點鐘彼此破擊隆隆之聲震動遠近少頃日軍破擊隊將校叱咤兵士極力攻擊因未知遠屯堡俄軍統帥所在乃乘氣球飛揚偵探急轉方向猛烈攻擊至正午俄軍破擊漸沈日軍攻擊愈猛終未能將其擊退午後六點鐘兩軍休戰相持徹夜更期明日奮圖先是川村一隊自充左縱隊豫備以來未嘗一臨前敵雖曾掩護左右兩翼然仍未與敵交綏是夕始奉命令助攻林盛堡遠屯兩處俄軍請

隊長遂派第一第三兩大隊當此任務兩隊既奉命即於午後九點鐘行抵張良堡北端以代連日苦戰之龍美隊一面偵探敵情以待天明。自初二日開戰以來戰鬪日劇初六日之戰尤為激烈是日日本右翼軍之右縱隊擊破朝鮮嶺俄壘並追擊代家略之俄軍中左兩縱隊並將西溝山俄軍擊退佔據沙河上流與俄軍對峙於是沙河以南一帶之地均歸日軍所有是日日軍包圍俄軍之線約長三十餘里各方面激戰時刻不停其中應戰最苦者為中央縱隊之小泉部隊及左縱隊之須永部隊凌晨小泉部隊由拉木屯停車場即沙河停車場前進香川幸道兩隊則布列於鐵道左右以圍攻拉木屯及林盛堡後方時俄軍匿列於散兵壕內者約有步兵二萬餘人兩軍既接敵火相交非常猛烈日軍砲兵隊小田大尉中彈陣亡騎兵六名亦負傷而小田少將依然屹立指揮自若午後三點鐘香川幸道兩隊同受俄軍連襲兩隊靜伏以待至距七八百碼當之處兩隊發砲迎擊後面砲隊同時轟擊猛不可當俄軍大敗退走棄屍約數百具自是俄軍來襲前後共五次均被日軍擊退死傷枕藉慘不忍睹香川幸道兩隊預料俄軍必來夜襲遂議伏兵之策以幸道之平山大隊及香川之野島大隊伏於鐵道兩側將校兵士悉皆匍匐屏息以待俄軍因襲前之失敗遂亦改變戰策於十一點十分時悄然前進不復聲揚將至日軍伏兵之處始行攻擊日軍一聲號令伏兵齊出左右猛攻於是俄軍計仍不行狼狽逃竄死傷無算日軍四面追擊直迫俄陣而俄軍勢處必死困獸鬪敵日軍死傷亦不少計香川隊之第五中隊長評摩大尉第八中隊長佐倉大尉及日高高木高園三中尉武及武坂二少尉大庭吉隊兩特務曹長或死或傷又幸道隊之第九中隊長青木大尉第七中隊長園田大尉及他隊之中馬中尉森山特務曹長俱死兩隊下士以下死傷三百九十名小泉部隊因見死傷之多益增勇氣乘勝追擊遂又斬敵數千捕虜三百餘名俄軍死傷全數殆逾萬人而日軍則共五百零三名同日上午五點二十分時俄軍哥薩克兵二大隊乘黎明試行襲擊須永部隊進距該軍

四五百邁當處適有霧不易辨認惟聞馬蹄得得日軍知俄兵來擊遂令兵士嚴備屏息以待俄兵既至突出狂攻
倒二三百騎餘向不稍退且有猛進之勢川村隊長知其後面步兵不少遂戒軍士留意語未畢俄步兵二隊半已於後
面展列槍彈雨下甚為猛烈日兵頗有死傷第十中隊長安野大尉憤然奮進甲賀特務曹長以下士卒亦由掩護躍出
第十二中隊長奧田大尉又繼田少尉各率中隊飛馳而出由左右突入哥薩克兵中央斬人斃馬橫屍無前俄兵爲之
辟易後面步兵先行退却日軍乘勢猛擊遂將數倍之敵擊退然安野甲賀奧田諸人皆受重傷其餘尚有兵卒百
餘名受傷川村隊長以敵既敗退隊伍凌亂正當趁此兵機一氣掃盪以破林盛堡此令既下軍士踴躍進攻俄軍狼狽
應戰約二三十分鐘後日軍又調他隊協攻愈益劇烈彼此死傷次第增加日軍第九中隊長浦濱特務曹長方欲躍入
俄陣忽右足中彈而倒其他山形古田川口三少尉山田特務曹長及下士以下二百六十名死傷有差而勝負尙未能
決當川村隊長猛進時聞林盛堡東南有激烈砲聲測知俄軍必向中央縱隊攻擊指揮全隊急進俄軍力不能支遂於
各方縱火逃走川村隊追而擊之日軍砲隊亦同時猛攻俄軍損失甚夥川村隊至此遂與拉木屯之軍連合而襲擊其
東面兩端中央縱隊第五中隊亦相繼進擊遂於午後三點鐘佔領拉木屯至四點鐘更佔領林盛堡俄軍既遭損敗即
退守林盛堡附近車站而注全力於最左翼以攻日軍內田秋山兩支隊冀破與軍之圍此次俄軍兵力約有步兵二旅
團騎兵二千砲兵二聯隊於官林堡行臺子三家子方面構造障地日軍內田支隊則在萬家園子秋山支隊則在太平
莊黑林屯方面當俄軍猛攻時兩隊恐輕驟突進俄軍必乘虛襲擊致誤大事因祇嚴守以待時機乃俄軍愈欲乘機而
進即於是夕九點鐘時以機關砲三尊步兵三聯隊向內田支隊逆襲一分鐘間砲六百發其步兵亦乘機前進攻擊內
田支隊之下江^{關龍}天野^{由香川}兩隊日軍伏兵靜待未幾近前突起攻擊俄軍前衛死者頗衆餘仍不稍屈決死突進前

仆後繼下江天野兩隊長躍出陣前部下將卒隨之而前各執銃劍馳入俄陣斬敵甚多日軍亦死傷百八十餘名兩隊既陷苦戰秋山騎兵隊急分前衝中村隊之一部掩護攻圍俄軍始大敗而逃遺棄死傷七八百人夜半二點鐘復來逆襲中村隊已有警備三隊齊出攻擊當將俄軍擊破俄軍又受大損而退初七日天明小泉少將更下佔領沙河停車場之令乃以香川隊攻其東南而以幸道隊夾攻其西南午前六點鐘開戰俄軍砲火依然猛烈日軍壯卒倒者百餘人其間骨肉粉碎者不少香川隊副官長東大尉野島大隊副官巖橋中尉等先後受傷其他將校死傷頗多於是香川隊將校亦其大半嗣因日軍巧避敵彈奮勇直前遠則砲攻近則劍擊俄軍漸不能支遁入拉木屯舊村日軍齊呼萬歲即於停車場高揚日本國旗並獲其機關車貨車無數俄軍既退於拉木屯舊村別無大村落可據形勢全失自知終難取勝遂於初八日夜漸次引退拉木屯舊村亦爲日軍所有此次俄軍兵數步兵二百七十六軍隊砲兵一百二十二中隊馬兵一百七十三隊共計二十二萬六千名砲九百五十尊日軍兵數黑木大將部下步兵七十六中隊馬兵十八中隊戰砲二百七十六尊奧大將部下步兵六十中隊馬兵二十六中隊戰砲二百四十二尊野津大將部下步兵四十四中隊馬兵九中隊戰砲一百二十尊俄軍所失軍械計大砲四十五尊子藥車三十七輛後膛槍五千四百七十四枝槍彈七萬八千枚砲彈六千九百二十枚劍二十柄斧二十三柄鎗九十二柄外套三百五十六件帳幕八十五座皆爲日軍所得其死傷之數計死者一萬五六千人傷者七萬五千人爲日俘虜者五百人敗耗傳至俄都全國震動至日軍死傷亦有一萬八千五百七十九人

俄國防務彙誌

八月初十日奉天所退至鐵嶺之俄軍現正趕造砲臺其南方十二里之毛山砲臺業經工竣安置大砲並於臺前開鑿

暨據其西南七里之馬臺溝亦已建築礮臺並經營整濬等防禦工事又俄人近於哈爾濱街市之東北一帶建築土壁
 高約一丈八尺壁外鑿有深濬其街市之南二十五里間亦建有礮臺多座臺前均有塹壕 十二日營口兩奉天俄兵
 近於渾河南岸設施防禦以與日軍先鋒隊相對又奉天兩俄軍近於鐵嶺東南四里之處開鑿深溝長約八里深約五
 尺並於附近開掘陷穽甚多中鑿尖銳鐵釘其東南東北兩面均建有礮臺又俄軍現於哈爾濱車站西南九十里之處
 築一寬六尺深一丈之大塹壕以達雙城堡每間半里置有哨兵若干 二十一日東京電俄人深慮日軍在泡塞德灣
 上陸進攻海參威故近來防備甚嚴 旅順背面各礮臺大抵為馬蹄形其後面設出入各口前面及左右裝以最厚之
 鐵板兩層其間堆以煉瓦土石之類臺上留礮眼槍孔無數俾彈丸激射紛如雨注 二十九日營口函俄軍前於鐵嶺
 之南山依山修築礮臺若干座近又添築三十餘座間多不修堡壘僅依山石以為礮臺山前深掘塹壕十數條皆環繞
 礮臺之前 門司函旅順西面可爾礮臺最為鞏固該處鐵網之電力有五千電池礮臺均用鐵甲保護頂上復
 設有堅固防禦 九月初三日倫敦電苦魯巴金近日十分謹慎深防再蹈覆轍於各營前面築造臨時礮臺 初四日
 遼陽函奉天鐵嶺間有懿路范家屯各要地俄兵近已在此設施防禦工事

轉運類誌 八月十一日奉天函長山子俄人由巨流河奪獲民船每艘載大礮一尊輸送鐵嶺 二十一日歐洲電俄
 國新派來之第一軍團已抵戰地又東方西伯利亞輕氣球隊總司令官黑房古已自聖彼得堡起程又俄國第五十二
 中隊預備軍現益以他兵合成一師團將與第八軍團同時赴東又東方西伯利亞野戰礮隊亦將聚集一處起程往東
 又依古子克及苦勒拿協斯哥兩處之科薩克兵半聯隊并西伯利亞第二師團之民兵一師團亦將派赴戰地

戰事雜記

八月二十日倫敦電透俄國現向地中海濱長提亞各船廠訂造水雷驅逐艦十一艘限十五個月交船且與各廠講
造形如卑耶號之巡洋艦四艘 又柏靈電丹京之布爾米斯達船廠為俄國造船三艘取費四千兆羅卜又俄國在圖
倫船廠訂造水雷驅逐艦十一艘又紐約之尼克生船廠現代日本或俄國製造水雷艇且預備分運送往 又東京電
日皇願發勅令更改徵兵律例第二豫備兵隊之充兵年限展至五年為限第一與第二豫備兵隊以前有別之處今已
削除向稱為第一後備隊者則改為第二豫備隊第二豫備隊之兵則統名為豫備兵總計充兵期限與在第二豫備兵
隊之期共十七年零四月較前十二年零四月者增多五年 英船森大載重一千四百零五噸現已售歸日本 二十
六日東京電俄國御前會議現議定將苦魯巴金任為滿洲總司令官力納維幾任為第一軍團指揮官 二十七日倫
敦電俄國少將哇羅夫已奉俄廷簡為俄京參謀總長 又電俄政府現已敦促遠東總督阿力喀塞克夫速返俄京將
以大公爵尼古拉斯繼其任大公爵未到之前戰地各軍仍歸苦魯巴金節制其第一軍已派定米爾都夫大將統率第
二軍則派格列頻保大將統率第三軍則以連尼維趨大將統率 又海參威俄國海軍司令官拔沙勃賴查夫亦令返
國 日本在韓之駐屯軍司令官發布宣告文聲明在咸鏡南北兩道施行軍政之事繼又宣布凡妨害軍事及私通俄
軍者必當照軍律處治 九月初二日倫敦電日俄兩國陸續購買煤斤甚多以供戰艦之用每月從喀迭甫運出者有
十五萬噸從紐撲及英國海峽各港運出者亦復甚多 初三日東京電日本軍艦平遠於西九月下旬在鳩灣巡邏海
面忽觸水雷致遭沈沒平遠為一等戰艦載重二千噸有砲十六門每小時行十五海里於一千八百九十年進水 初四日柏靈電俄廷已派比素勃來夙夫為波羅的海艦
隊司令長晏普特為第二司令官格來尖為海參崴艦隊司令官愛山為太平洋艦隊司令官 初七日大坂信日本近
買英船三艘一名官朋載重八百六十二噸一名屋肯巴一千三百二十九噸一名海克納二千六百零六噸又買那威

軍事

四百四十一

甲辰

第一艘名密拉者五百七十九號

中國中立彙誌

八月十三日有英國商船一艘名渴裏雪德者從巴德蘭開往海參威駛經津輕海峽時被日本滅魚雷艇拘留 俄人退駐奉天擾及 陵寢且有擄伐陵木拆毀官廨民房等事當由增將軍電請政府向其阻止旋有 國書電致俄皇略謂 陵寢重地兵隊逼近難免震驚朕心且夕不安中俄兩國睦誼素敦前已承貴國允為保護 陵寢宮殿諸重地應諭令該兵官移營他處方為穩妥云云旋得復云云斫木開路乃防禦不得已之舉至 陵寢已派員兵妥為看守防衛外務部旋又發電請其撤兵 俄國在滬逃艦奧斯科革羅蘇福意允拆機器軍械各事早經辦結惟處置弁兵開列清單一事久未商定江海關道袁觀察接日領事照催後即與俄領事婉商至再祇允將員弁水手人等戰事未畢不准一人回國由領事擔其責任更要約該員弁水手人等須與各國兵輪一體看待同享利益務須運動自如云云袁觀察以萬無此理不准一面擬就辦法復又照會俄領事略云兩船員弁水手人等祇准到東清碼頭相連之道勝銀行空地場每日限時體操一切不准逾多時刻並在浦灘散步者亦不准再往別處閒游再日後或往租界散步購物等事亦當限定人數時刻並須設法撥派妥當之人隨時巡察照料不令滋事務請照辦云云旋據俄領事照准復允開列清單袁觀察即電稟外務部請轉告日俄兩使一面照會駐滬日總領事請其婉陳駐京日使旋奉外務部電諭并接日總領事照覆俱如所請此案始結 奉天增將軍電致外務部云近日俄兵退至奉天恐於地方有礙特與俄提督面訂不得在奉天城周圍四十里以內開仗倘有傷及四十里以內之人民房屋均須俄人賠償等情業經俄督承認並訂有合同即請照會俄使並駐俄胡公使云 九月初三日北京電新任奉天交涉局長孫寶琛方抵任地即為俄人殺害

各國中立彙誌

八月十一日舊金山電英人聞俄國巡洋艦在支巴拉爾大海峽及西班牙附近一帶遊弋大為震動初十日英國商船在墨斯爾海灣亦為俄國巡洋艦扣留查驗貨物之後聲稱其中之貨為戰時禁品英報甚憤並請政府勒令俄國嚴限海面方向以免阻礙英國船隻云 十四日倫敦電俄政府選派查察軍務禁制品之專員謂煤棉與鐵均須作為軍務禁制品云云 又香港電俄國巡洋艦提利克昨日始在拉斯帕爾瑪司加拿利羣島之市裝煤但該處官長已奉命禁止以煤炭供給該艦且命其速離該處惟該艦尚須修理機器一時不能遂行出口也 二十一日倫敦電葡王喀羅司行開議院時言及日俄戰事葡國必嚴守中立 二十八日天津電英國輪船雪山在牛莊海面被日船扣留後經裁判所審判尚無戰時禁品當即釋放 又香港電英國駐泊澳洲海軍副司令官芬曉威因近聞有俄國巡洋艦數艘出沒於叻羅斯海峽故已派給特曼斯及帕來提斯兩巡洋艦前往棧泊以資保護 又泰晤士報載俄國前在北太西洋所獲之船隻今願賠四萬六千元於那大坎以結其事

各國軍事彙誌

韓國 八月十九日漢城電韓政府近設軍政議定官以圖改革軍制其條件如下一廢元帥府置參謀部二置侍從武官三變更各地方兵駐屯之位置四裁斥老兵及二十歲以下之少年兵五凡不經士官教育之武官均行退職另置教育監部力加訓練養成武官 二十三日東京電在韓國黃海道南川店之日本人因欲招募鐵路工役特前往該地約十日日本里之一地其中八人為韓人所殺昨已有日兵若干前往彈壓 又忠清道亦有韓國暴民及續營兵六十名闖入該地逞其暴行日本巡查與其人民致有負傷者嗣由韓政府將該隊長以下及有關於暴行之兵丁從嚴處罰

軍 事

四百四十四

十一月

俄國 八月十五日舊金山電俄國黑海濱樞森省迭薩地方亂事較前更熾亂黨皆與官吏反抗該處警察長幾被殺害其起事之由因俄人欲令寓居該處之猶太人充當俄國預備兵猶太人不允故有是亂現正分派兵士前往彈壓

德國 九月初六日倫敦路透電南非洲德屬達馬利連地方之荷天脫族會長名漢特烈費拜者平日頗盡忠於德今忽謀變將與吼羅羅斯黨相合德政府今已派兵前往痛剿

義大利 義國新造兵艦一艘名維拖羅伊曼紐爾第三現將告成

葡萄牙 八月二十七日倫敦路透電葡兵一校隊共四百九十九人用兵於南非洲之喜沙米司地方當渡坎河之時為該處克恩海滿斯土人邀襲葡兵死者二百五十四人內有將校十五人傷將校五十名葡政府擬更派兵五千征之英國 英國某議會創議欲分設小軍部七處自陸軍少將以下皆隸之部中設文武各官凡整頓兵士建造工程轉運糧食選派弁卒及醫藥等事皆歸其主持以上復置總司令官一員以專司操演之事 英國海軍省擬將英國四圍海岸皆作為水軍屯泊之所 南非洲英國駐防兵士共有二萬一千五百名每年費用須英金三百十萬鎊其中四千鎊則用於特蘭斯哇爾

南非洲 南非洲聯邦黨人至該處奧格登族中大肆劫奪傷斃人口六百名掠獲牲畜無算且更得有洋槍甚多
委內瑞線 南美洲北部委內瑞線國居民大有騷動之勢現已多人被捕

外交

論美國在中國之舉動 錄八月十六日警鐘報

美國自近歲以來由門羅主義門羅主義之說策以美洲為美人所不許他國干涉而美國亦不干涉美洲以外之國一變而為帝國主義。又由農業之經營一變而為工商業之經營。數年以來輸出之物逐漸加增當一千九百一十四年美國輸出物之總額歐洲各國至倡對美同盟以力求抵制輸出食品以苦歐洲農界之而美國今以製造品之洪亦而歐洲之產業界矣昔美統領麥遮尼之言曰。吾國之生產力甚為膨脹。吾國之產物有可驚之增加。傾全力以求新市場。實今日最握要緊切之問題也。此非麥氏一人之私言。乃代表全國人民之意向者也。故近歲所行之政策。一為擴充太平洋之艦隊。一為建設海底電線。一為開鑿尼喀拉圭河。一為在東方製造巨船即大北公司所造之姊妹船現一為數設橫貫南北之鐵路。由聖羅羅市此數策行舉太平洋商業之權悉操握於美人之手。雖然美人平昔之勢力盛於太平洋東岸者也。而近歲以來則又由東岸而趨西岸。於是占檀香山。取非律賓。握亞美交通之樞紐。使美人勢力直達亞東。觀一千八百九十七年美貨輸入中國者始達一億二千萬元。至一千九百二年亞東貿易額已達一億九千萬元。而日本

外交

一百七十五

甲辰

之石油煙草滿洲開礦築路之機何一非美國輸入之物乎美國既握亞東之實權則美人之在亞東者不得不擇一根據之地以推廣商場當一千八百九十九年美人對中國也已倡中國門戶開放之說至於去歲又以開放滿洲要求俄國旋與英日表同情以示仇視俄人之意今日俄啓釁日據遼東使戰事既終日人必將開放滿洲使英美均霽利益然滿洲開放以後可以擴美國之商場而不足以養美人之實力故美人之意必欲在中國東南擇一良港以爲美人根據之區其始也欲購葡國澳門以窺伺兩廣而英人以澳門之地鄰近香港一旦入美則英人商權必爲美人所享故於美人之謀竭力抵抗美人知澳門既不可得則粵省之權勢難驟握故以粵漢鐵路售與比人論者不察以此爲美人之失勢而豈知美人之意固別有所在哉觀近日以來美人擬借象山灣之地演習水師夫演習水師其事甚微然美人窺伺東南之端至此啓矣何則象山灣之地南北兩端夾以山嶺惟海灣一線通達大洋雖深曲不如膠州然形勢所存亦爲巨險今浙省沿海已爲意人所窺然有要索之空文無併吞之實跡而舟山列島英人屢次要浙紹航路之權又爲法人所握此皆列強窺伺浙省之事也美人知失此不圖則中國東南將無美人立足之地故擬在浙省附近擇一沿海之區闢爲屬地以與菲律賓界路相聯又慮無隙可乘故先借象山灣之地演習

水師以爲要求之漸。此美人在中國之技謀也。嗚呼！美人勢力既及歐東，則亞洲各邦必將大受其影響。昔西國桑梯怕里之評美人取非島也，謂亞西亞之棋局當自此而全然改變。今美人之政策復以窺伺非島者移而窺伺中國，擴張亞東之勢力以進握世界經濟之全權。美國元老院議員之演說曰：今日美國對歐洲始爲商代非使全世界之國服從我國經濟之下則善不可止。可見美人之雄心矣。此固亞東時局之轉移，亦未始非中國貧弱之一大原因也。我中國人民曷一縱觀亞東之時局耶？

論豫定滿洲政策 錄甲辰二十七日號外交報譯日本明治三十七年十月一日太陽報

日本之於滿洲，永持一義而不變。即所謂保全中國土地而開放滿洲是也。然欲實行之而有效，則不可不委曲以達之。今使日本果能奪滿洲於俄人之手，而一掃其阻力，不稍躊躇，遽以還之中國，中國果能禦俄國將來之侵畧乎？能保其永遠無禍亂乎？又能保安其土地人民，而使有開拓精進之實力乎？是至要之義也。使僅僅擁虛名之主權，而不守邊境，不治領土，重蹈前日變亂之覆轍，則日本今日傾無量之汗血以排俄人，不亦太無謂耶？是故保全中國之主義，誠不可有違，而行之要必有其術。日本既以自衛之關係，而傾無量之汗血以爲此戰，則於其善後而當有最優之權利，且亦負最大之義務者也。滿洲開放以後，固當與世界各國享同等之利益。然監督華廷，安固滿洲，日本不可不有異於他國之特權，使收

外交

一百七十七

甲辰

之於俄人而漫焉歸之於中國。

外交

一百七十八

十二月

中韓新定畫界防邊約章

四月二十三日韓界官崔南陰照請擇地會議五月初二日由吉強軍統領胡殿甲延吉廳同知陳作彥與韓參領金命煥等會議查李範允公文內開中韓向在白頭山分水嶺立有界碑有曰西爲鴨綠東爲土門按即圖們江下有土門江北爲中界江南爲韓界字樣因議定條約十二條如左

一兩國界址有白山牌記可證仍候兩國政府派員會勘未勘之前照舊間隔圖們江水各守汛地不得縱兵持械潛越滋釁 二李範允屢次滋事韓界文書官應趕緊禁止如再有犯界之事惟韓官承認作爲無故敗約容心啓釁 三李範允管理北壑島中政府未經批准中界官不認韓界官亦不勉強 四李昇昊金克烈姜仕彥成文錫等既係中界叛民中國有素還懲辦之權韓官宜速拿交 五韓官以撤李範允拿交李昇昊等必報政府方可照辦從此大議定後如李範允李昇昊等仍有侵犯之事亦歸韓官認爲無故敗約容心啓釁 六沿江橋船從今撤橋設船示無他意 七兩界民人任便往來軍人無械以平民例維持械過境無公文者各自格殺勿論 八古間島卽光霽峪假江地向准鐘城韓民租種

今仍舊 九兩界民人如有殺傷文書官各速行文拿犯秉公辦理勿得誣良稽延 十中國向不准運米出國載在中韓條約第六款現在從權聽民運販如年歲歉收仍禁出口柴草照辦 十一兩界防兵依舊駐紮沿江巡哨定約酌撤 十二兩界交涉已載明條約者照約辦理約所未載照公法辦理

中外交涉彙誌

各國 近有各國兵艦駛入江西窺探形勢經過湖口礮臺懸旗招待竟置不理直駛而過現經江撫夏中丞行文江海關道請與各國領事商定辦法

中日 外務部照會駐京日使請將復州等處所設民政局由中國地方官會同辦理聞日使業已首肯云

中日英 外務部應與英日兩國公使在署密議英租威海華案英國原訂條約與俄租旅順期限相同刻下遼陽已被日本佔據旅順不保英國亦應照原約同時截止英使以中國兵力不足保守擬交日本接管堅持初議故尙未談妥

中俄 外務部近遞封奏以現准俄使照會請開議東三省墾務請 旨簡派大員會商因特派戶部趙尚書會同商辦中英 前有英國兵船欲入鄱陽湖爲彼處礮臺所阻旋由英使薩道義照會外務部執烟臺條約爲說外務部覆謂烟臺條約之義並不如此反覆伸辨現已作爲罷論 駐京英使照會外務部云前准貴部函稱有英國工頭孫鳳潮等在前門外草市地方豎旗招工有違約章等因現本大臣已設法阻止不在內地招工當經那琴軒尙書劄飭五營各汛一體遵照

中法 粵督電告外務部稱法人藉口於西匪騷擾似有從安南調兵入廣西之意請即照會法使力阻其事 湘撫亦電外務部謂據衡州府知府詳稟駐漢口之法國領事會致書於該處天主教教士聲言為欲豫防西匪竄入當派遣兵船以保護教堂云云但該地方水陸防備十分得力足以保護教堂有餘請即照會法使阻令勿派云 外務部以法國有兵輪派入贛省內地一節照詰法國駐京公使前日法使答言贛省各屬迭次鬧事我國商民人等俱有戒心該省地方官勢力不足鎮壓是以敵國駐滬總領事派兵輪前往以資保護決無他意請貴大臣電飭該省撫臺從速了結勿聽巨禍云云外務部已於日前電致贛撫派委員分往各屬查辦云 法使以廣西近日派往龍州辦理邊務之劉和盛曾為匪黨頭目請外務部飭令撤回後經粵督商之鄭京卿鄭云劉方得手未便遽易俟後得便再行開關

中德 駐德中國公使蔭都統昌任期已滿仍留原任

中義 義使照會外務部欲在蒙自地方添設領事又欲在煙臺開公共租界

中美 美國新簡安德生君為杭州領事即當知會

各國交涉彙誌

日韓 日本憲政黨關於對韓政策開會提議大要六則一須派日政府之全權委員於韓京使總大局二開放經濟上之利權與列強均需利益收財政於日人手中使彼此貨幣統一確定韓國財政基礎三收外交權於日人與帝國均等其步武四獲得警察權可保內國治安五日人須握其司法權乃可無礙警察權謀安韓國民之生命財產六韓國國防直與帝國之安危存亡互相關係若以渙散之韓人組織軍隊殊為不堪倚賴故帝國當自派軍隊往任其國防韓人編成之軍隊悉宜廢止 韓國公州之守備兵近來屢恣暴舉駐韓日使照會韓政府略謂地方守兵原為維持安甯而設

乃公州守兵非特不能盡職且屢恣暴舉殊有危於我國在該處之官民此等不法軍隊若不撤去軍裝貽害匪淺務請撤去其軍裝免釀交涉重案 日本駐韓國軍總司令官長谷川大將已抵韓京 日本將軍中山現已舉為韓國駐防總長以繼原口之任 在韓之日本司令官部頒發告示云韓國之開礦伐木等事須由日人允許方可 前有韓人兩名在細谷殺斃日人兩名已將兇手捕獲日使請韓政府發款撫卹

日德 德國喀爾桓荷痕索連親王由日皇召見並行賜宴

日美 日本第一師團司令官伏見宮親王由日皇派令携帶國書往美國交於美總統羅斯福

俄德 俄德兩國已立密約謂德國於日俄講和之際當助俄國而俄國則允於德國在極東逞其野心之事當與以自由以為報酬云

俄美 美國因已入美籍之猶太人携有美國護照前往俄國內地每為俄人攔阻故現欲提議此事

俄國擬向南美洲亞爾然丁購兵艦兩艘近由法人居間商議

英法 法國與西班牙所訂摩洛哥之約業已宣告大棄此約立後法英交誼愈密倘此後英國不侵奪他人利益則及勃勞爾大海峽從此可以堅守此約除德國之外無不悅之

英西 近聞西班牙少主阿爾芬前已與英國皇姪結婚有日內渡航英國之說按結婚政策為前世紀之遺法想日即衰弱之西班牙亦可藉資英之臂助矣

英脫 英國理藩院大臣在下議院宣言云英政府已允一千九百零五年起改特蘭斯哇爾為立憲政體然亦非盡予以自由之權利惟可由人民揀選議員以代國家治理而已 英屬南非洲特蘭斯哇爾及奧倫樞總督兼管南非洲事

外交

外交

百八十二

十一月

務大臣米爾那定於西十一月十九日辭職歸國

法西 法蘭西與西班牙近日新立盟約故此後十五年中德都安及坦痕加爾此皆在西班牙勢力範圍之內

義德 義大利首相基俄李替君在漢堡與波羅伯爵商議三國聯盟之事

德羅 波羅伯爵在漢堡地方與羅馬尼亞首相脫沙君相見從此羅馬尼亞與德國新立商約之阻礙可免矣

教育

論日報與社會之關係錄九月初三日時報

社會者何。國民今日之現象也。日報者何。國民今日之現在也。故日報之於國民。猶如形之於影。聲之於響。身體之於衣服。鳥獸之於羽毛。不可以一日去。去之雖無大傷。而有。大害。亦不可以一日不相稱。不相稱。其效用亡。而其事即不舉。我今試分別以證此說之不謬。第一。日報與社會之互相爲用。其一。社會與日報有互相交易之道者也。日報之所記之事。皆此社會之事。故日報即從社會而來。日報之所消之人。皆生息於此社會之人。故日報又從社會而去。上海之日報。其消於上海者最多。次而江浙。次而長江各埠。次而其外各處。次而國外。非以其路近。其社會之關係近也。中國之日報。不能行於日本。日本之日報。不能行於歐美。非以其文字不同。其社會之關係不同也。今日割西藏。明日讓滿洲。而記其事曰。印度。隸我。西伯利亞。屬我。誰其信之。民皆惰偷。而日稱其國粹。家盡貧窮。而日譽其富庶。非極天下之至無識者。決不肯出此。非以其事恐失實。其思想無自而來也。故非此社會不能成。此日報非此日報不能投。此社會此所謂關係者一。其二。社會與日報有互相因果之

效者也有此社會之人事因之而有日報之記事議論有此日報之記事議論因之而又生發其他社會之人事倫敦之太晤士報幾為歐西各國外交界之方針近日記有德俄商之說而德報即急辯正之蓋恐各國因此而疑德也此次日人攻取遼陽而太晤士報記其不能殲滅古魯巴之兵為失策日本各報即疑為英國輿論之變調而英報又急急辯正之日軍又即急急下寬待觀戰員之論蓋恐因此而失兩國人之心也我國之日報其信用雖未能及彼國萬一然近於記各省路礦之交涉稍為注意而當道之以路礦權許人者亦視前稍為注意何則記之論之者雖一而其讀此記論者實有千萬人苟有知覺日日聞見之斷無不動心者故其識見能潛移默化而不自知此所謂關係者又一其三社會與日報有互相補助之功者也談論之家弊在過高作業之家弊在過低社會作業者也日報談論者也然日報雖為談論者而日報之談論不能去社會而不顧譬如今日議論喪失國權促削國土人盡謂然也若責政府以何以不能滅德伐德征美討日則人咸笑其妄矣勸人士之遊學各地之開設學堂人盡謂然也若為之謀為歐人之師美人之長則人咸議其非矣今之官吏徒能言革命排滿之非而不能言變法之不是今之老師宿儒徒能言平等自由之失當而不能言各科學之無用一進一退互相抵制以底於平使言論之家與作業之家

有相近之益。無相反之害。賜國民以真實之進步者。此社會與日報互相補助之功也。此所謂關係者又一。

第二。日報與社會之要端。社會之成。由於人類。人類有種族之別。有古今之異。種族之別。文明與野蠻是也。古今之異。進化與退化是也。故凡論一社會者。必先論其占於社會之要端。其占社會之要端。其數如下。其一。社會之區域。其二。社會之時代。其三。社會之知能。有社會之區域。而後得有社會。學者之論國家學。曰。有人民。無土地者。不得謂之為國家。社會之於區域。亦猶是也。苟無區域。以為之界。則其社會為世界社會。而非國家社會。茲所論之社會。蓋有比較者也。英之於法。歐之於美。各有風俗。各有生活。雖有相似。而不相合。其於論時代也亦然。唐虞非三代。三代非秦漢。秦漢非晉唐。晉唐非宋明。順康非雍乾。雍乾非嘉道。嘉道非咸同。甲午非戊戌。戊戌非庚子。庚子非癸卯。有區域。有時代。區域與社會相合。而後社會之現象。乃見。然社會之現象。亦非僅由其區域。其時代。能自成之。必有其區域。其時代之人。之知能。以為之也。有我國民之愚蒙。而後有甲午。庚子之事。有俄人之陰狠。而後有攘奪滿洲之事。有日人之堅強。而後有日俄戰爭之事。有英人之敏決。而後有掠取西藏之事。論社會者之必更有生發。社會之人。而後始成。為社會。是亦猶論國家者之

於土地人民之外必更有統治機關而始全其爲國家也故社會之要端雖有三者而其結點則在人之知能

夫社會之要端既言之如右然則其與社會有互相關係之日報其要端亦決不能舍此獨馳社會有區域而日報亦不能不與此區域相稱社會有時代而日報亦不能不與此時代相稱社會有知能而日報亦不能不與此知能相稱故相稱者實爲日報之第一要端而爲與社會關係之第一鎖鑰也故無論何時何地決無能有外此者然僅與社會相稱而日報之天職尙未全也社會曰是日報亦曰是社會曰非日報亦曰非社會所已有者日報亦有之社會所未有者日報亦無之是日報爲社會之贅疣而無所益於社會社會亦無所需於日報是日報與社會仍關係而無關係也故第二之要端尤在能得社會之信用夫欲得社會之信用其道在先社會而不離社會何謂先社會凡社會所未知者我報之知社會所未行者我勸之行社會未慮及者我爲之慮及何謂不離社會凡我所報所勸所慮者皆社會所能知能行能慮者也且又他日社會所必知必行必慮者也由前之說故日報之欲取信用於社會者不可不確實由後之說故日報之欲取信用於社會者不可不迅速今試聚日報之要端而總記之則如下 其一 與社會相稱 其二 得社會信用 其三 確實

其四、迅速。

第三、我國今日之社會與日報。國土日以削且多人。我不分之地位。租界勢力範圍。藩屬。鐵路教民中立地。今之不唯二國。且或涉及三國以上。故我一舉動。其果效及於世界各強國。各強國一舉動。而其果效亦多及於我。日俄之戰。於我有關係。英藏之事。於我有關係。法之整兵於安南。於我有關係。德荷之東方海底線。於我有關係。而其餘之路權航權礦權等。其事更顯。而可不論。是區域之說。既越常度。新舊既相冰炭。而又多不新不舊。忽新忽舊。之徒。以爲之變化。忽而立憲。忽而中央集權。忽而開黨錮。忽而禁新書。停捐。開捐。裁兵。徵兵。廢製造廠。設製造廠。紛紛紜紜。一無倫次。其用人。本無定意。一官之中。各員新舊相越。以千百年計。今日事在甲手。則學歐美。明日事至乙手。則效唐虞。其人之受教育。又無次序。一人之身。各事新舊相去。又以千百里計。爲甲事。曾聞甲說。則取急激。爲乙事。曾聞乙說。則主溫和。苟論時代。亦出恆軌。而況人民知識能力之與此地位時代之不相稱。更有不可思議者。以地位論。則無一人不當。知現今全世界之形勢。而我社會之知識。則且不自知其國名人種者。大半以時代論。則無一人不當。研求學問。以應世用。而我社會之能力。則且不能自書姓名。年歲者。大半以地位論。列強之覬覦我土地。爲土地之有富源也。而我民有之。幾如石田。

以時代論。西可以法。歐美東可以法。日本遠有印度。波蘭爲戒。近有安南。高麗。西藏爲戒。內有數百兆之土。著外有數百萬之殖民。而我國有之。如無一人。幾不見一事。然則區域時代。知能之三說。其於我社會。固有不以常理論者。

夫我國之社會。既不可以常理論。則我國之日報。亦決不得以常理論之。我試先言社會與日報之不相容者。社會棲息腐敗。而日報乃攻擊腐敗者。社會厭惡活動。而日報乃主開張活動者。是日報實有害於社會。日報所記者。皆世事。而社會皆不問世事之人。日報之所用者。皆屬文字。而社會多不知文字之人。是社會亦無益於日報。且日報之要端。曰確實。曰迅速。而社會之舉一事。必百變而方定。今日確矣。而明日尙未。此說實矣。而彼說尙未。故欲求確實。雖俟百世。而不可得。至於迅速。更奚待論。不確實之迅速。其效與不迅速無異。然則今日之日報。其欲與社會相稱。而得社會之信用者。其難實與南轅而北轍等。

然則今日之讀日報者。宜奈何。曰。第一宜知社會之本相。其次宜知日報所云者。非日報自言之。皆我社會之反響。其次宜知日報所云者。非先知預言。非聖經賢傳。可爲我參考。世事之資。而非即世事。而今之爲日報者。宜奈何。曰。有聞必錄。知過必改。知無不言。言無不盡。若然。則社會與日報。其或日相近而關係多乎。

論教育之不能普及錄九月二十八日時報

教育普及者。吾人所熱心希望之一事也。其結果使人人皆有普通之智識。必須之技能。於振弱本源。實爲先著。今我人士譁言教育矣。朝廷之意。亦似以教育爲要者。於是督催興學之。諭旨。條陳興學之奏報。亦已數見。雖然。吾嘗察社會之內容。及學堂之情狀。知普及一事。固未易言。而近時現狀。直有不可以言教育者。不得不悵此一線之生機。亦幾斷絕也。夫教育之事。存乎任事之人。及立學之宗旨。而社會之情狀。尤爲一切教育之根原。欲求教育普及者。不可不於社會全體加之意焉。何謂任事之人。即發起者。或辦理者是也。官立學堂。則辦理者爲難。私立學堂。則發起者尤難。官立學堂。則辦理者之任重。私立學堂。則發起與辦理者之任並重。官立學堂。未有因款絀及紳士阻撓而停辦者也。私立者。則所在多有。官立學堂。辦事者不得其人。撤換則可期。起色。私立學堂。辦理不得其人。則將潰散而不可收拾矣。若是乎私立者之難也。而欲期教育普及。又必須民間自能興學。方能有成。觀乎今日之任教育者。非迂老無用之紳士。卽淺陋無識之官員。偶有力任其難。在地方籌款興學者。每所如輒阻。而教員缺乏。款項支絀。又實爲普通之弊病。此非不得其人之故乎。至教育必有宗旨。爲東西教育家之通言。中國今日官立私立各學堂。迷離糅雜。歧出多端。幾無一處

能名實相副者。官立學堂。既以忠君愛國爲宗旨矣。果能使全國人皆忠君愛國。亦豈不甚佳。無如所教之效。又萬萬不能如是也。私立學堂。有以愛國自立爲宗旨者。焉有以自治合羣爲宗旨者。焉有以實業救亡爲宗旨者。焉。觀其名。非不甚美也。乃其實際。又輒背馳。就令實際能踐。而甲所立之學校。其宗旨不同於乙。乙所立之學校。其宗旨又不同於丙。將來欲求合羣。吾未見其能有濟也。夫欲養成何等之人才。乃施用何等之教育。此爲專門學校特別之宗旨者爲然。未有義務教育而宗旨可互異者。今設學既無宗旨。則其結果必成一非驢非馬之象。即使普及。何所用之。況乎無任事之人。則學堂萬難遍設。無一定之宗旨。則人才不能奮興。欲求普及。正所謂南轅而北其轍矣。至社會情狀。與教育尤有關係。夫今日社會之情狀。皆由無教育實使之然。社會既無教育矣。則凡教育之事。皆非所知。卽遇教育之事。萬不能盡力。縱有捐款興學。亦不過爲應酬官府之具而已。非有意於興學也。特以懾於官勢。不得不然。至紳民於本地興學。則已與一般社會立於平等之地位。衆無所畏。故阻力大。生事敗垂成者。十而八九。然欲教育普及。又偏不能不借資民力。故社會固蔽。實爲教育不能普及之遠因。夫教育原以開社會之固蔽。今因社會固蔽。反不能實施教育。欲期設法。惟有強迫教育一途。然今日國家注意。別有所在。恐教育一事。久已淡忘。則惟有仍任民間。

自行設法。然其力較之國家必遜百倍。普及之效更不知待之何年。殆哉。岌岌不審能從容以待否也。夫歐美各國教育之普及。本非一蹴而幾。然數百年前。其教育所以不盛者。大抵由劣僧暴主限制阻抑致然。而其時普通人民。開化實勝於中國。今日故一經振倡。勃然奮興。中國社會情形。不啻與之相反。又加以官吏之未盡提倡。人民之不知講求。故興學一端。大抵爲官吏裝點門面之虛詞。而不足作人民增進智能之樞紐。倘長此終古。則亦已矣。否則不能不以改良改良之端。第一從社會下手。欲從社會下手。則莫如出一淺近教育雜誌。以先教其父兄。夫有學校以教其子弟。又有雜誌以教其父兄。此日本福澤諭吉行之而效者也。若社會之風氣長此不改。則所謂教育。不過作帖括得科第之變相。於智識道德。仍無與焉。於國家羣治。更無與焉。此所謂下等教育。歐美各國所以施之於其屬地者。愈普及愈無益也。且按之實際。又萬萬無能普及之理。猶以前之不能人作八股應試也故欲教育普及者。以有任事之人爲尙。以有一定之宗旨爲歸。而先以改良社會爲本。

日本教育家伊澤脩二君傳略

現爲上海商務印書館編輯所編教科書新編

日本明治維新之初。令諸藩選拔俊秀。送之東京。稱貢進生。君應信州高遠藩之選。爲貢進生。入大學南校肄業數年。明治三年。文部擢授本校監事。嗣後歷任文部工部諸官。七年。遷

官立愛知師範學校長。時文部省制定學制。欲使教育普及全國。設師範學校六所。以才學兼備者領其事。君乃被選。八年。奉文部命至美。調查教育制度及教授法式。遂入麻沙朱色土州官立師範學校肄習。兼研究本州學制。畢業後。入五獨大學。研習理學諸科。大學制度。十一年歸國。翌年。任東京師範學校長。整飭校規。釐訂學度。乃以師範教育之軌範示於全國。以定國內普通教育之方針。同時。主體操傳習所事。立日本體育之基礎。兼音樂取調所長。創定教育之音樂唱歌。其後。遷文部書記官。歷任學務編輯局事。十九年。日本內閣改制。時。選為文部省編輯局長。統率僚屬編輯普通高等教育教科書。凡五年。同時。又任盲啞學校長。二十八年。中日戰畢。臺灣屬日本。調任臺灣總督府學務部長。創定臺灣教育制度。設立公學校師範學校國語學校。基礎漸定。遂去職。仍為臺灣總督教育顧問官者數年。三十年。依貴族院令第一條。具有學識經歷之項。被敕任貴族院議員。又任高等教育會議議員。三十二年。任高等師範學校長兼文部委員。未幾。充高等教育會議副議長。三十四年。日本設泰東同文局。君綜其事。三十五年。以所成圖書數種。進呈中國。皇太后。皇上。蒙賞二等雙龍寶星。

前兩江總督魏奏江南格致書院改為實業學堂摺

竊維強國之道首在富民致富之方不外實業而振興實業莫大於農工商鑛四者近年東西各國於振興此等實業學堂孜孜不倦故財力日雄國勢日盛臣自上年抵任以來竊見兩江雖夙稱繁庶而土曠民游商疲工窳多未講求非興實業學堂不足以陶冶人才以爲振興富庶之基查江南舊有格致書院係正任撫臣恩壽在江甯藩司任內就已撤之高等學堂改設自光緒三十五年開辦以來頗多造就臣以爲格致專主明理實業尤切致用復查去年十一月間管學大臣張百熙會奏重訂學堂章程摺內稱實業學堂有百利而無一弊最宜注重另擬高等中等農工商實業學堂章程先後奏明又本年商部奏設高等實業學堂考取學生入堂肄業是考求實業實爲今日第一要圖江南地廣民稠興辦尤不可緩臣現就格致書院改設江南實業學堂分設農工商鑛四科額設學生一百二十名分門肄習並備有各科標本儀器材料爲學生考驗之用查格致書院原有學生爲府縣各學堂教習者已不乏人現在堂學生爲數無多中有曾習鑛學者於格致之理已有根柢故本堂鑛學一科卽以原有學生專門練習其農工商三科另行延聘日本教習技師分班教授先習普通一年再授專門三年四年畢業仍遵 欽定章程參酌損益以免歧異商部於京師奏設實業學堂係屬高等江南現卽照奏定中等實業學堂功課辦理俾程度相循階級不紊

將來畢業考取咨送京師實業學堂考驗升入以資成就方茲時事艱難籌款非易於格致書院改併辦理既收實業之用復省度地營建之勞誠爲兩益用以仰副 聖明教養民生實事求是之至意惟事方創始頭緒繁難苟非綜理得人每至有名無實茲查有現辦商務局奏留江蘇補用道劉世珩講求實業曾任派赴出洋於農工商各學尤極究心辦事認真核實委令兼總堂務江蘇候補道黎經誥曾隨前出使大臣李盛鐸在日本有年留心學科學堂規制亦極諳練派委駐堂總辦並加派江南布政使黃建筦督辦其事以重責成其開辦經費常年支款卽於商務局所儲官商合辦通州大生紗廠息銀借撥濟用謹奏

四川學政鄭奏新生提覆弊深請以教官兼任學堂總理以期考試學務兩有裨益摺竊維教職一班世稱清苦全賴各處士紳捐置學田以資贍足其未置學田者則惟恃歲科兩試新生幫貼學費視貧富爲等差各省之例皆然要未有若四川積弊之甚者也查川省一百五十餘學無學田者七十餘處當時物力豐盈民生充裕一經取進措辦匪難近因連歲歉收復經匪亂生計日艱往往提覆屆期而到者無幾推原其故則以新生未繳學費各學遂扣卷不申於是有隨棚帶覆者矣有下屆補覆者矣試事不清流弊百出考其學費分上戶中戶下戶三等雖略有區別而漫無限制未有不流於取盈者且讀書應試寒士較多

纔得一衿安有餘積良可矜憫臣若操之過蹙則各學例以招覆不到詳請扣除夫考試所憑者文藝耳以貧富爲棄取尙安用考試爲哉凡此亦積習相沿勢不能苛責於一日臣忝任學臣目覩寒微登進之苦而不思變通上無以答報 聖明下無以對蜀中人士欲救其弊莫若學田然當時尙未及徧籌則今日豈復有餘力查川省中小學堂地方紳士管理其中未嘗無實心任事者而資輕望淺輒爲人所挾持其劣敗者則藉興學歛費以公濟私無所不至兩年以來學堂之無成效大率由此臣愚以爲與其用紳士不如用教官以名實則相副以體制則較崇且今日風氣每立一學堂卽有一種新說謬論之書流染於不覺學校雖舊明倫宣講略具規模若用教官必能整飭士習爲益實多於是總理例支之費卽爲教官養廉之資而覆試繳費之弊可以永除矣或謂教官平庸慮於近時學術隔膜據臣延訪所及實不乏開爽敏練之員亦實有請咨出洋游歷者且皆優於文理以之辦理學務實無不宜如或拘滯性成不諳教育尙有督臣及臣隨時糾劾比之紳士暗中把持無從深究者爲何如也臣自按臨各屬以來考試則控書刁難學堂則控總理侵蝕紛紛呈訴究詰多端默察情形似宜因時變通始有兩利而無一弊且各屬學堂尙多延緩未辦者得此尤有迫之使不得不興之勢矣如蒙 俞允卽由臣咨明督臣以各府州縣教官悉兼中小學堂

總理以專責成其詳細章程俱由督臣札飭學務處核辦至新生提覆向歸提調拆號填名即令兼備此場試卷責成提調自行稽察不得再有一毫勒索遲延情弊俟提考覆場後仍令新生赴學以符定制如此則合川士子不復以進取爲畏途皆將爭自濯磨鼓舞聖化而教官有學堂之責食其食而事其事於學務亦必蒸蒸日上有起色矣謹 奏奉 硃批學務大臣知道欽此

政務處奏遵議各省武備學堂委員教習保獎章程並酌改各學堂保獎新章摺片 竊臣等議覆前署湖廣總督端方奏武備學生請獎摺內聲明單開之教習委員請 飭下政務處會同吏兵二部分別覈議各省武備學堂在事人員將來請獎應如何嚴定章程一併詳議具奏等因於本年三月二十八日奉 旨依議欽此查吏部歷辦成案天津武備學堂及南洋水師學堂三年期滿請獎教習繙譯優等學生額數均以九員爲率准其擇尤酌保一二員照異常勞績請獎其餘均按尋常勞績覈給獎叙兵部覈辦天津武備學堂獎案亦祇准保數員是南北洋從前保案每案並學生在內文武統計不過十餘員今該署督奏請武備學堂獎勵除畢業學生已另單列保外其單開之教習委員等尙有十七員爲數較多惟從前保案係三年奏請一次此次湖北學堂據稱自光緒二十三年設立今已七年之

久學生畢業者七十五人與前辦各案不無區別臣等公同商酌與其定以年限昭爲成例不若限以學生畢業人數俾昭覈實擬請嗣後各省武備學堂均應俟學生畢業成就在六七十人以上咨送到京考驗相符方准將在事人員請獎每案文武併計不得過十六員之數尤爲出力者准照異常勞績酌保二三員其餘均按尋常勞績給獎其在事人員仍照向章先期咨部立案並於開保時叙明各該員在堂年分造冊咨部以憑查覈現湖北畢業學生已令該督出具考語咨送練兵處考驗所有請獎之教習委員應俟該學生考驗後再由該督另行詳核造冊送部卽照新章核給獎叙如蒙 俞允臣等卽通行各省一體遵照謹奏奉 旨依議欽此

山西學政寶奏給生童蒙小學堂教習文憑片

再查晉省創辦學堂艱於籌款雖各屬蒙小學堂次第興立然造就教員之師範學則尙未暇籌及故各州縣所需蒙小學教習僅以策論一篇考取選用而風氣未開多有學業素優之人不肯應考者學少良師進益尤難奴才此次歲考各府州於未改經古爲二場之先卽酌定爲六門曰史學曰政治學曰輿地學曰算學曰教育學曰格致學生童中長於何種學問卽令報考某門二場覆試亦酌照此辦理復參以頭場經義合三場以校定其有文筆優

勝畧明各種科學者每名填給蒙小學教習文憑一紙以憑地方官查照其長於某門學問即派為某門教習冀得一二普通之才暫備學堂目前之用並於發落前一日傳見該生等一次以考問其平日學業如何且驗其有無嗜好其中有堪給予文憑者除加獎以教育學管理法諸書外諭以方今時局阡陌人才消乏必人人受普及之教育始足以挽積弱而醫民愚果使文行兼美之儒以轉移風氣啓迪世人為己任則世所謂名譽教員義務教員者晉人亦何不可擅此美稱各該生領受之頃亦頗有感動興起者仍飭知該管地方官如所領文憑各生中有品行不端不稱師範之選者即行查明稟覆追繳文憑以期名實相副此不過於權宜辦法之中仍寓提倡激勸之意將來各屬能速籌的款遵照新章統行設立師範學堂俾蒙小學教員造就者多應即停止謹 奏奉 硃批學務大臣知道欽此

湖北幼稚園開辦章程

第一條幼稚園因家庭教育之不完全而設專輔小兒自然智能開導事理涵養德性以備小學堂之基礎為宗旨 第二條幼稚園重養不重學兒童未及學齡之年皆其當期以上歲 第三條設園旨趣有三一保全身體之健旺體以下歲 二有此蒙養將來就學自然高人一等 三習慣善良之言行德育發達基此 第四條德育發達基此二培養天賦之美材智育發達基此三習慣善良之言行德育發達基此 第五條

四條本園所設場室凡十有一曰開誘室訓話室遊嬉室陳列圖書玩具室室外有場曰遊嬉場場有山曰遊戲山山有亭曰遊嬉亭凡以資養教育者皆備其他則保姆助教休息室看筭小兒僕婦室會計辦公室接應賓客室亦略具焉 第五條本園暫定額八十名男女均收限一年卒業後另有推廣辦法 第六條本園招收小兒以五歲至六歲爲率 第七條本園挑選此班小兒即小學堂之預備科務須氣質聰強體格一律方易施功若身體高下不一氣質闇弱及有疾病者一概不收 第八條本園所定保育課目凡七大概與日本幼稚園課目有出入今列於下行儀訓話幼稚園語日語手技唱歌遊嬉 第九條本園審定保育時間每日三點鐘爲度春分以後早八鐘來園十一鐘半歸家秋分以後早八鐘半來園十二鐘歸家每星期准十八點鐘歸習在外 第十條本園年中休業恭逢 萬壽併 聖誕本園創立紀念日清明中元節每逢星期各放假一日端陽中秋放節假三日年假自頭年十二月十五日起至次年正月十六止暑假自初伏前五日起末伏後五日止此外臨事休業者至時報告 第十一條此班小兒一年卒業即升入本園初等小學堂其後另招幼稚則以四歲上下爲率二年卒業 第十二條本園一切服裝圖書保育物品均屬官

備惟不備餐飯本省小兒入園免收學費外省小兒入園每月須納學費洋四元 第十三條外省小兒入園首月學費限於受業後五日由其父兄或引證人納入其每月學費則以初十爲限一體交納 第十四條小兒願入園者須將族貫姓名生年月日及父母引證人姓名住所詳細開呈以憑查核 第十五條凡經挑選願入園小兒於入園之日務須由其父兄親填願書願以後令小兒遵守園章絕不違背願書式略 第十六條入園小兒不論男女均須有引證人作保立保證書保證書式略 第十七條入園小兒其父母及引證人移居之際務須來園啟告 第十八條小兒或病或有事故逾三日不能來園者則須啟告其事由 第十九條小兒欲退園者須由其父兄及保證人申明事故乃可若罹惡疾應歸醫治則宜速退 第二十條本園一切施行細則及管理諸務均另詳專章俟後刊出 第二十一條幼稚園添設保育科本科生徒賴有實地練習保育之方講求保育庶有經驗 第二十二條保育科爲幼稚之先事初等小學爲蒙養之升階蓋相以爲用者設園爲主二義爲輔

日本學校總數表

明治三十
五年調查

學校名	立 公 立 私			總 共	學 生 及 生 徒			
	數	官	數		立 公	立 私	共	
小 學 校	二	二六六五九	三四九	二七〇一〇	一〇九一	四九三三二七〇	五六二四三	四九八〇六〇四
官 廳 學 校	一	一	一三	一五	二三八	二一五	三四四	七九七
師 範 學 校	一	五四	一	五四	八六〇	一七九八二		一七九八二
高 等 師 範 學 校	二	二〇七	三四	二四二	三四〇	七二八三三	一五二二八	八八三九一
中 學 校	一	六一	八	七〇	三三五	一四九七五	二二二〇	一七五二〇
高 等 女 學 校	一	六		七	四三六			四三六
高 等 學 校	八			八	四三六			四三六
帝 國 大 學	二			二	三六一			三六一
專 門 學 校	八	四	四五	五七	三三一四	一四六二	一三二二	一七八八八
實 業 學 校	九	三六五	二七	四〇一	二二二	三一九五四	二七〇二	三六七七七
各 種 學 校		二七四	一一〇〇	一四七四	二二二	一三〇六二	八一三二	二二一八四
總共數二萬九千三百二十五					總共數五百一十八萬九千九百七十六			

書日本學校總數表後

夫日本之幅員僅當中國兩省之地而學堂之多乃若此宜乎其蒸蒸日上也查日本當三

教育

二百六十一

甲辰

十九年前土佐人與法人構釁旋爲法人所制殺七人以和於是國民發憤興起明治三四年間伊藤陸奧等集資赴西洋遊學初次往者五人耳卒業歸來各盡義務遂使文明大開蔚然成爲今日之日本我國受外人欺侮屢矣國民之愚極矣覆亡之禍迫矣我四萬萬同胞忍聽其國亡家敗身爲奴隸則已不然者請先取法日本請先觀日本全國學校總數表

各省教育彙誌

京師 東華門私立商務學堂業於八月十六日開學

直隸 直督袁宮保奏定設立修武學堂無論進士舉人及相通文義者皆可然必身體高強毫無嗜好若稍有偏僻及身體懦弱雖文理甚深不得入彀 保定西關近設農學堂 嚴範孫京卿近籌創辦私立中學堂於天津第一期擬招學生八十名入學肄習以補官立學校之不足 津神稷君雲湘創辦私立第三半日學學堂工藝廠專授民立第三半日學學堂中學生年紀稍長者教以綴布等藝世之半日讀書半日習藝

奉天 俄人在營口所設俄華學堂自日軍入境業經停止至七月二十一日日本軍政官與倉少佐出示曉諭略謂刻下軍政日淺民政當興擬將俄人所設學堂舊地改爲瀋華官學院云云聞已於八月十一日開學

山東 青州府中學堂學科全備近又添聘教員監督來學者已及七八十人云 沂州府胡太守所設教養局已於六月初八日開局延聘織帶教習一人草帽辦教習一人先教二藝云 濰城西南二十餘里程符山舊有西湖草堂爲韓理堂闕懷庭兩先生讀書處咸豐年間陳文慈公就地築廳一所該廟舊產有地百畝每年約收租錢三千貫現有紳士

議欲酌提其半立一小學堂云

河南 河北道馮叔惠觀察捐款創辦農工學堂派廉明紳董赴滬購運機器擬請南省學堂卒業者爲教習 近有江浙寓公蔣安王陳四君擬在汴省創設私立蒙學堂一所教習卽四君自任

江蘇 蘇撫端中丞奏請設立蘇垣學務處奉 旨依議凡省城及各府廳州縣高等中小學堂暨民間私設學堂以及出洋游學各生統歸學務處總司經理稽查考核凡各學堂課程門目畢業年限管理人員職守及延訂華洋教習校閱編譯教課書本均責成學務處公同籌商妥辦 端中丞議建省城師範學堂又勸改紫陽校士館房屋 端中丞以省中現設武備學堂規模尙稱完備惟所定課程未及將才程度故議添設練將學堂一所於葑門外查渡橋近已繪圖建屋 江陰東鄉楊庫鎮本有小書院一所延請山長月課策論近聞憲諭各處須設學堂鎮董等遂議將書院經費改爲中等學堂仿禮延校士館程式延請分教習二人總教習一人西教習一人訂章稟請邑尊金大令核准辦理 江陰北關外雖有義塾改設之蒙學堂一所又錢生設立之私小學堂一所尙不敷教育經鎮董等公同集議先行籌墊款項就光孝寺房屋開辦公小學堂一所已稟准開辦 揚郡各叢林間有菴產歸公撥爲學堂經費之說刻已集衆詳議自行設立武備學堂一所卽以天甯寺餘屋爲該堂基址專聘英國教習一人爲總理兼爲之保護云 揚州郡紳徐某等以甘邑地方大儀鎮牛市歲出數千金擬於其中撥款五六百千文設立蒙學俟畢業後升入小學中學現已稟准運司由府札飭甘泉縣白大令給諭示令陳孝廉前赴該鎮辦理一切 瓜洲王子衡君偕教會中數人共設一瓜洲蒙學堂專注意軍國民教育禮操一科尤爲完備 上海滬南學界諸君設一研究學術之所於南市曹家灣地方名曰滬學會並設各種補習研究會 求志書院併歸龍門辦理並改爲師範學堂 淞鎮蒙養小學堂今春開辦額設學生六十名近

教育

又附添女學一所

安徽 徽州府黃太尊正源因皖南茶釐局長年有五萬五千金解京貢內務府之款特稟請將尾數五千金撥充中學堂長年經費藩憲聯方伯以事關興學准之并聞中學堂得此的款已將開辦

江西 同文學院師範蔡氏近在九江創興私立女學校招集八歲以上十二歲以下之女生入學肄習期以五年卒業其課目為修身國文歷史地理算學美術體操等

浙江 省城紳士候選郎中胡煥稟明伊父監翎五品銜升用知州候選州同胡乃麟辦集家資獨力創辦安定學堂一所捐洋六萬圓存典生息以充經費經撫臣附 奏請獎建坊旌表給予樂善好施字樣已蒙俞允 甯滬自志士數人暫借陸姓房屋設立女學堂每日課三句鐘用撥船送學生來往俟放足有效即不用船云

福建 省城光祿坊婦女蠶業館乃葉太史肖韓夫人高氏所創 興郡徐紳獨籌經費創辦勵青小學堂學生四十人教科規則均稱完備

湖北 夏口商紳李正源等籌有的款擬借行臺衙署暫設商務中等學校已由梁觀察批准借辦 江夏縣鄒大令自奉到張宮保改提賠款興辦學堂之諭即邀邑紳至署商議除已辦高等小學一所及初等小學二所不計外即以此項經費多立初等小學惟師資無多議先設師範講習所招生一百二十名俟卒業後乃設初等小學堂方有把握并另招學生十名送往日本遊學其費用則半年由邑尊捐廉支給 漢陽學堂林立茲將官辦民辦各學堂記錄於下中學前堂中學後堂農務學堂漢陽縣小學堂以上官辦敦同學堂正則學堂會算學堂民立高等小學堂以上民辦

陝西 西安將軍長陝撫升等撥款設立西安駐防中小學堂會銜具 奏已蒙俞允

四川 合州張式卿孝廉總理學務辦有合羣教育急就科講習所一區本科師範館一區蒙學六十六處自辦之蠶桑公社已奉部咨准作為民立實業學堂 渝紳就渝郡書院創設教育講習所先辦蒙學師範茲已定議云 渝紳稟請當道設陸軍預備科未經批准擬改名為團練學堂 渝紳前稟縣府就渝郡書院設教育講習所撥巴縣學堂款三千先辦蒙學師範現已開課 叙州府屬高縣近以開辦學堂無款可籌邑紳王君正綱率子姪捐助四萬金川督錫制軍大加獎許專摺奏 請優獎 重慶鳳南川地方現府學堂學生童仲帆童叔文兩茂才捐資二千金借用隆化書院設民立小學堂一所附屬蒙學仿重慶開智學堂辦法已由該縣詳稟立案

廣東 學務處近開辦圖書及教育品物陳列館 南海沙頭鄉同人擬提撥鉅款選派鄉人往日本學習警察考察農桑將來學成歸鄉仿照開辦充當十年不受薪水如有自費各生亦一律改為公費復在鄉中創設勵學社研究地方自治之法現稟明學務處矣 嘉應黃公度京卿近創一猶與會專集年長者與會分科研究

雲南 丁制軍開辦學堂經費無著又乏相宜之地遂於今看出示禁人削髮諭僧尼概行還俗少年各尼盡行還配良家廟宇概設學堂所有產業提八成作教育費留二成以養老病僧尼委雲南府經理其事

期 一 十 第 誌 雜 方 東

教 育



二 百 六 十 六

十 二 月

財政

論民財之將竭 錄十月十三日時報

中國今日患貧極矣。自上下莫不有艱窘之象。昔之商最稱獲利者也。而今則每省擁鉅資者。不過三數人。倒帳折閱。日出不窮焉。昔之農尚堪自給者也。而今則每歲所獲。不給衣食。流離轉徙。嘗千萬人焉。昔之工。備值尙優者也。而今則大半見奪外人。操技無可售焉。乃至於官。其取之於民者。亦不復如前之易易。而相傳官之難做。而社會上巧詐欺偽爭奪之習。乃日益盛行。盜賊會黨。亦日益充斥。嗚呼。此皆財賦日竭之現象也。夫國家之大患。不在於政府之貧。而在於人民之貧。政府雖貧。猶可取資於民力也。至於全國皆貧。則政府已先其後。援雖欲誅。求何從。爲力是直必敗之徵矣。中國今日所以致貧之故。由於工商不競。賦款太多。此固盡人知之。所怪者。政府既明知民窮之爲害。而不思補救。反百出方法。以愈益其窮。若國家應取償於民者。然殊不知國家與民一本相關。民既無以自存。則國祚將隨之傾覆。未有可以幾幸者也。今日籌款之法。萬緒千端。然皆可以一言決之曰。有弊無利。無論直接間接。其結果無非與吾民爲難。且揣官吏之存心。有若一恐民財之不竭者。故官廷多

一籌款之方。即人民多一潰財之慮。直接之事。如釐金徵稅。雜捐苛派。錙銖悉索。民不聊生。其足以竭民財。固不待言。然其事猶爲顯著。若間接之吸取。則其名甚美。往往爲人所不覺。然其弊害所中。則較之直接者爲尤甚。尤深。即如鼓鑄銅元。各省視之爲籌款之聖策者。也。借少數之銅貨。勒民以多數之銀貨交易。坐得數倍之利。善則善矣。然銅質必購之外洋。已先開一漏卮。其所盈餘。又輒以供練兵賠款等用。是民間所出購錢之款。千回百折。必以外洋爲尾閥。如此日日輸之。鑄錢愈多。喪利愈大。而於社會之一面。則又居奇壟斷。與奸商相結。商以重利剝民。官又以重利剝商。層層相因其苦。且甚於制錢缺乏。若是則利民者。究亦何在。然則每年之盈餘百萬數十萬。非皆間接取之於民者乎。又如彩票一項。各省每多興辦。亦以少數之款。博多數之盈餘。然得失相衡。民間每年所失之數。實不可數計。是設此法者。不過借此以歛集衆人散處之財。使之悉歸於己。而復散爲各用。夫聚之於官。散之於民。猶可言也。若聚之於官。而散之於外洋。則此鉅大之款。永無還期。年年歛之。必有虛竭之一日。夫此二者。在現在籌款之列。尙覺平易而近情。乃一經推求。無不足使民窮財盡。則夫直接之害。如捐派各項。尙可言哉。夫民間生活之程度。亦至苦矣。以記者所聞。有一畝所獲。不及二金。而輸稅一元零者。有作工一日。僅得二十錢。尙須養妻子者。其稍高者。爲商人。然小

本之商其苦亦不讓於農工在政府之意不問如何凡踐土食毛皆有毀家之義務豈知民非債主固無儘供取求之理倘不度其力量所及一味朘削豈知民力固有時而盡朘削之法亦有時而窮哉理財之法廣開利源量民之所入以爲取者上也聽民自爲謹節量取者中也與民相關但知需索者下也至於不恤其民惟利是圖已爲亂亡之徵若舉全國財力悉注之中央而復以轉輸於敵國不復稍留餘地則其禍害所至將不忍言埃及之前車其可鑒也猶太人民漂流大地然以財力充斥其種雖危而僅存我人民其忍窮此幻象乎

論政府宜急謀理財之法 錄十月十六日時報

今政府以患貧之故常急急於理財於是無日不以籌款爲事竊謂此非理財乃設法以竭財也理財之事其理至精其術至遠本非盡人能曉然其大致不越乎統計國入之盈虛消息以制徵取之則而定國用之經而常以廣興利源爲心爲吾民謀其不及故一國之主藏者爲百姓筭度支者也百姓備國用之款歸於是焉國家所消費之款出於是焉核其實際公僕而已然常有監督勸導國民之責如良師之於弟子教以所不知助其所不能而不僅以徵求誅取爲事蓋一國之大凡事宜有總匯然後令出惟行軍事外交財政之必取中央集權卽以此也但其權愈尊其責愈重其事愈煩故筭財政者非深通此事之人

萬難勝任。今我國理財者。爲何狀乎。業已馴至於貧。而復日言籌款。幾以爲納稅者。國民之天職。而不必問其力量之如何。其目的心思。除勒索取盈外。別無他計。如此而日理財。是與以殺人禦貨爲貿易何異也。知殺人禦貨不足爲貿易。則知勒索取盈不足爲理財。乃政府陽託理財之名。陰行掠奪之實。其不爲百姓計。已屬大謬。不爲百姓計。乃並不爲國家計。則尤謬之謬者。記者豈不知今日財政日窘。棘手爲難。卽果認真理財。尙難遽期成效。然及今不圖。他日豈遂易辦乎。度現今情形。財政必日困一日。及其愈困而始圖。與及今圖之。其圖一也。而一則尙可幾幸。一則無望挽回。政府之意。甯乘此間隙。而盤根錯節。以從事乎。抑欲待計窮力絕。而束手以斃乎。夫一國者。一國人之產業也。政府受國民之託。旣不能爲之增進利益。乃並吾人自力所得區區之數。尙思搜括淨盡。以與外人靜言思之。庸謂中理。按一國進款。祇有此數。向非實業進步。則所入之數。當不大殊。今國家每年入款。八千餘萬。中飽之數。或復倍之。每年吾民所得供之數。亦二百餘兆爲止矣。中飽旣萬無可裁。而又有無窮之捐款。是使吾民平添若干之消費。始之每年供二百餘兆。而民間尙足自給者。今進款旣不加鉅。則民間祇得減削衣食。以應追呼。夫至於減削衣食。以應追呼。則窮者愈窮。富者亦敗。一國之內。將無緩急可恃之人。國焉恃而不恐乎。且所籌之款。如果用之於國中。則楚弓

楚得政府不過爲聚散之樞機。尙不大形危險。今每年所用悉以賠款還債爲大宗。此二者有往無來。則民間歲失若干之鉅資。自必頓形竭蹶。如策疲馬不加芻秣。勢必死亡。如注漏卮不塞其源。勢將涸竭。乃彼理財者尙幸馬力之未盡而奮著先鞭。恐餘瀝之尙存而特爲挹注。是直置之絕地而已。故今日之策。非通盤籌畫。萬不足以言理財。非智燭幾先。亦不足以言理財。如曰提中飽清積欠去冗員。每年所省誠不菲矣。豈知如果舉行新政。則厚給之廉俸。必過向者中飽之數。行政之費用。必過向者糜費之數。新增之職守。必過向者冗員之數。固依然不能敷用也。然則中國將因此永不行新政乎。既無是理。而目前籌款之患。又復如茲。則惟有願當軸者。急急注意於正當之理財。勿狃於一偏之見。而不窺其全。勿省一時之事。而不顧其後。則財政之前途。庶幾可望。不然籌議紛紛。皆掠奪之行。非理財之法也。一時之策。非永久之計也。所以促國家之運命而已。故欲救危亡。思確立維新之基礎者。必不可不以整理財政爲本。今外人注意欲攬我財政之權。計二十年內外債未清。路權將失。恐英法監督埃及財政之事。將見於今。萬劫沈淪。永無生理。言念及此。能不悚然。願當軸者勿誘爲無從下手焉。則我國民之幸也矣。

戶部奏北洋常備軍兩鎮餉需按月籌撥摺

財政

二百八十三

甲辰

練兵處奏北洋常備軍第二三兩鎮需餉甚殷請 飭部墊撥一摺光緒三十年五月二十四日奉 旨著照所請戶部知道欽此欽遵由軍機處抄交到部據原奏內稱直隸督臣袁世凱咨北洋新募常備軍兩鎮本年短絀餉雜各項前經咨請練兵處暨戶部設法籌撥茲准戶部以奏請酌提各省應解銀兩刷錄原奏恭錄 諭旨轉飭遵辦查原奏所開向各省共提撥銀二百二十萬兩自係有著的款但兵餉關乎計授軍械資以操防在在急需勢難稍緩而各省解款斷難如期應付新軍乏食譁潰堪虞擬請咨部自六月起每月墊撥銀三十萬兩以二十萬賑濟餉需以十萬兩湊購軍械俾得趕練而免飢潰等因臣等伏查該軍第二三兩鎮甫經招募有成當此防務吃緊之際餉需軍械關係甚要自不得不亟籌接濟查各省應行籌解練兵經費前經戶部分別酌派本年共先提解銀二百二十萬兩專爲撥給此兩軍餉械之用既經派定自係有著的款現值軍需待用孔迫懇 恩飭下戶部先由部庫自六月起按月墊撥銀三十萬兩以應急需俟各省將部撥二百二十萬兩之款批解到部卽由部隨時扣抵如數歸還似此一轉移間於防務大有裨益等語臣等伏查本年四月間據直隸總督咨稱北洋常備軍添募第一第二兩鎮本年截長補短按十一箇月計算共需餉雜等項銀五百二十三萬兩惟撥定餉項僅部撥銀二百萬兩北洋撥借一百萬兩

尙不敷二百二十餘萬兩請迅速籌撥並據練兵處咨同前因當經臣部以部庫及各省關均屬異常支絀既無可撥之款自應仍遵前奉諭旨派定及臣部奏准籌辦各項分別省分酌量先行提解銀二百二十萬兩奏准行知在案茲練兵處以軍需待用孔迫請先由部庫自六月起按月墊撥銀三十萬兩俟各省將部撥二百二十萬兩之款批解到部隨時扣抵如數歸還等因具奏自係因防務吃緊移緩就急始爲此萬不得已之舉既經奉旨允准自應欽遵辦理惟現時統計庫存銀兩不過三百萬上下若非陝西行在帶回之三百萬餘兩早已一空如洗而按月應放之款其最關緊要者如八旗兵餉步軍營餉京旗常備軍餉留京武衛左軍餉直隸練餉工巡局五城練勇捕務公所各經費以及各處口分均係計授所需刻不容緩此外尙有密雲熱河吉林察哈爾黑龍江等處俸餉駐防各州縣兵丁米折並一切例支應支等項要需亦應按月隨時開放通計每月部庫應放之數約在一百萬兩以外若如原奏按月籌墊必致應支之項不敷開放設有貽誤關繫匪輕今練兵處以兵餉軍械急需請先由部庫自六月起按月墊撥銀三十萬兩臣等再四籌商此項撥派餉銀各省奉文未久尙無解到之處若不設法騰挪防務實關緊要若遽如數應付部庫萬難支持查前據袁世凱咨稱北洋常備軍兩鎮三十八營本年總共需餉雜等項銀五百二十

三萬兩等因是此項五百二十三萬兩餉雜等銀既經練兵處核定確數無論何款凡係應交練兵處者均應歸併核計以足其數除北洋籌備一百萬臣部撥過二百萬外現查收到各省籌解及中外臣工報効並推廣各項捐輸等款共六十餘萬兩足抵六七兩月應放之數至八九月以後各省應有陸續解到之款設彼時解款不敷擬由部庫另存備修迎賓館銀五十餘萬兩內暫行騰挪湊放一俟各省提解到部及續收捐款即行如數歸還似此設法籌借庶防餉與庫儲不致兩有妨礙北洋防軍餉項大局攸關待用孔亟相應請 旨飭下各該將軍督撫按照本年四月初四日臣部奏准提解數目轉飭司道迅速提前清解以濟急需是爲至要至北洋現存淮練各軍及應支餉項防費各數目暨各營駐紮處所並請飭下直隸總督查照臣部五月二十四日奏案分晰報部備核謹 奏

江南道監察御史王奏陝西鹽改官運害巨利微亟宜罷停另籌摺

竊維值此民生彫敝賠款無出司農興仰屋之歎疆臣爲竭澤之漁苟能搜羅鉅款無不立見施行時勢所處不得不然固也而臣愚以爲事不通盤籌畫競言改絃更張於 國未見其益於民先見其擾如陝西撫臣升允奏改鹽歸官運一事甫經開辦弊害百出請爲我 皇太后 皇上詳晰陳之查官運成本過重浮費太繁中飽難除勒索無厭先以三

十萬銀作成本至上年已折閱過半至於設局有費租廠有費委員有費司事有費緝私有費卸捆有費局勇巡丁有費種種名目難以枚舉開局之始上司非不嚴定科條無如奉行者視爲利藪真正巨臬得賄賈放零星民販暴斂多端中飽則利歸私橐勒索則怨歸公家甚非計之得也且查該撫原奏本係官商並運乃開辦以來商運虛有其名意實側重於官鳳翔總局委員李顯誠默喻斯意嚴示各卡行商坐賈一概禁絕平涼一帶每年逢集鹽包山積今則不過寥寥數車鳳屬向係川甘兩省鹽路出入之所鹽商報釐票歸商執鹽即分銷各舖照章不再收釐委員明知其故勒向各舖索票舖戶無票可驗即指爲偷漏任意苛罰無所不至以致商民歇業者不可勝數向來西屬所產蔬菜土貨均爲馱戶販去獲利甚豐自經改章馱戶裹足土貨屯積無人過問道路蕭條圍圍坐困即此一端可以類推矣方今迭奉 詔旨振興商務不遺餘力如該官局所爲尙安望商有起色耶如是則商病查甘回務農者寡專恃運脚爲生廠有駱駝數頭衣食於此取給每年八九月間駱駝出廠商鹽馱至鳳邠興漢銷路甚暢今則鳳局懸爲厲禁祇准官運不准商銷官運止有此數但馱即竣商鹽路已塞馱戶不敢多攬回民向依此爲命者今則大半失業生計日蹙聚數十萬獠悍之回民一旦絕其衣食之源而欲以壓力強制其不甦而走險也幾希總局發鹽按路加

價每斤多至百數十文不等商鹽成本較輕其價尙廉小民錢來不易避貴食賤本屬恆情有非法所能繩者近以官鹽既定價奇貴商鹽復查禁太嚴貧民相率淡食並聞有曬硝爲食者以人生日用必需之物迫民至此毋亦非政體所宜者又鳳局定章獲私萬斤半充公半充賞其多不實報徒爲員司丁役開一生財之路官登壘斷萬口訾嗽積之愈深發之愈暴近聞甘省軍政不修伏莽堪虞海城一帶尙有回民聚衆搶劫之案萬一此處相逼太甚爲患何堪設想況上年鳳局被匪焚燒已先試其端矣如是則民病夫舉一事而旣病商又病民迨至商民交病而謂官家猶可以獨擅美利要欺猶可以賴此補苴恐非情理所有臣聞初籌議之時督臣崧蕃以事關民食尙須慎審而撫臣升允剛愎自用持之甚堅劣員王榮壽李顯誠之徒又從而慫恿之遂冒昧入奏 朝廷以爲官商並運也得以仰邀 俞允而孰料言與行不符耶值此艱難時會凡屬踐土臣民事果變通盡利曷敢稍生異議而無如陝鹽官運一事害鉅利微已有明效臣不能爲之諱也爲今之計欲求彼善於此莫如將官運停止仍照兩省十六文之法專收釐課每駄定准若干斤間或有加重者不過爲數無幾似不妨稍從寬大以廣招徠行見數十萬商民馱戶鼓舞偕來銷路四通收數自旺無成本之累無浮費之多中飽者不能逞其欲苛索者亦知所做懼坐享其成不勞而理統計每

年所收必遠過官銷之數如是則商困蘇而課自裕民情順而氣自和似無有便於此者謹臚陳請 旨飭下查辦大員就近體察地方羣情博訪耆老輿論另訂章程妥籌辦法一面家諭戶曉罷停官運宣布 朝廷德意斯民蘇課裕不難矣謹 奏

黑龍江將軍達等會奏推廣貨釐木稅派員設局試辦摺

竊維江省現辦善後而經費一無所出就地籌款實爲目前要務惟地方向稱瘠苦當此兵燹之餘元氣未復欲求大宗鉅款急則易擾緩則無及自非先就原有之釐稅兩項量加擴充使之簡而易行辦理難期順手是以奴才程德全在京時於條陳善後事宜摺內即將擴充釐捐興辦山稅大概情形奏蒙 聖明採納經部覆准正擬核辦旋因前署將軍薩保卸事未及舉行奴才達桂到任後又復和衷商榷通盤籌畫欲求釐稅併舉仍使商民易從莫如用推廣之法而定以簡易之規查江省釐捐自光緒十四年經前任將軍恭堂派遣員陳寶善經征呼蘭巴彥蘇綏綏各處煙釐糧捐並秤貨五十二宗歷任因之然較各省百貨並抽章程罣漏實多又嫌瑣碎略仿吉林辦過成法而損益之統曰賣貨捐無論城鄉村鎮坐賣行商除肩挑小販不計外凡係賣貨之家無論何貨每賣京錢一吊一律抽收制錢五文現已出示曉諭先就省城及蘭蘇林慶商賈繁盛處所設局開辦其餘城鎮村屯向無捐

局者即責成地方官代收不必另設局卡以節經費如此變通辦理所抽無幾即價值可無
騰貴之虞捐錢出自買家即商戶可無卻顧之慮此推廣貨釐之情形也至木植山貨皮張
各稅曾於二十二年開辦惟庚子亂後經前署將軍薩保以收數無多奏請暫停當此款項
奇絀未便以固有利權任其廢棄況省屬東西兩路產木尤夥自鐵路暢行銷路愈廣現已
會商吉省將鐵路所需木植訂定兩省劃一章程昭示平允取信遠人其哈爾濱下游三姓
所屬五站地方江省界內所產各物商明由江會辦俾免紛歧一面遴委委員專辦本地運
銷木植亦略仿吉林值百抽十舊章由賣主完納一次無論運至本省何處概不再征至於
山貨皮張等稅改按舊日章程仍歸該局經理以期簡便如此分別辦理或於中外交涉兩
省政治均有裨益此推廣木植山貨等稅之情形也以上兩項或量為擴充或重加整頓均
經奴才等悉心體察不敢以寬大沽譽尤不敢以搜括求功總期有利於國而仍便於民
如果辦理得宜逐款加增再將收數若干抵餉若干及一切稅則局章詳細陳明懇 恩飭
部立案以重 國課而濟要需抑奴才等更有陳者江省稅釐收數本不暢旺而旗缺清苦
每借此為補苴之計奴才等現在嚴加釐剔杜絕中飽涓滴歸公擬俟試辦一年查核收數
果能聿臻成效擬請奏懇 天恩准將經收各員量加獎勵並優給津貼以砥廉隅倘仍安

常習故泄香相沿定即從嚴參辦以挽頹風謹 奏奉 硃批戶部知道欽此

河南巡撫陳奏豫省銀賤錢荒現經設局開鑄銅圓以資補救摺

竊惟近年以來豫省制錢益絀銀價愈低每銀一兩僅易錢一千數十文公款由是而虧民生因此而累交困情形日甚一日臣上年到任後即思設法維持適接署湖廣督臣端方疊次咨函均稱鐵路工程接入豫境後解來現錢甚多往而不復鄂省錢價日貴屬爲行銷銅圓以資周轉臣查豫省既無自鑄之銅圓又不通用他省之銅圓殊非流通圖法之道當即札飭各屬出示曉諭俾知銅圓無異制錢令其一律行用復飭司道督同省城府縣傳諭商民公議行使之法竭數月之力風氣始得漸開惟是運自外省爲數終屬有限轉輸苟稍有不繼取攜即苦其不靈且鄰近之湖北江蘇山東等省均已先後製用本省獨未開辦但恃外來之接濟轉失固有之利權微特不足維圖法之窮即以振興百度而言亦有未臻美備者臣再四籌維參以衆論此項銅圓自應即時鑄造以救錢荒而拓利源惟豫省財利非東南各行省可比祇能因地制宜酌量辦理查省城原設機器製造局其後有隙地一區堪爲建造銅圓局之用即派布按兩司會同機器局候補道何廷俊先行試辦飭將應造廠房量爲修建需用工匠陸續選募一面派員赴滬購買機器銅料一俟運回即行開爐製鑄其一

切章程查照湖北山東二省參酌做辦所需款項由臣督同司道通融籌措將來鑄成行使得有盈餘先將成本收回並酌提員司花紅以示獎勵其餘悉供本省財政務令涓滴歸公每箇銅圓當錢十文大小輕重均與各省一律凡民間完納錢糧稅釐以及買賣貨物一切交易均准行用豫省前已奏設官錢局行使官錢票今復多鑄銅圓以爲之輔庶幾並行不悖票本益充制錢無日絀之虞市價有常平之望於國計民生均有裨益除督飭承辦之員認真經理仍將詳細章程另行奏咨並俟錢樣鑄成咨送軍機處進呈御覽謹奏

兩江總督魏奏籌議兩淮鹽法量予變通試辦情形摺

竊臣承准軍機大臣字寄光緒三十年三月初一日奉上諭商部奏據在籍翰林院修撰張謇條陳鹽業公司辦法擬變通鹽法設廠造鹽一切煎法運法銷法由公司稟請鹽政立案等語兩淮鹽課爲帑項大宗關係重要著魏光燾督飭運司將所陳各節妥籌議奏等因欽此當經飭司籌議茲據署兩淮鹽運使恩銘詳稱兩淮鹽務爲東南財賦第一大宗舉凡京協要餉新舊洋款取給於此者不下七八百萬之鉅當此財用匱竭如果運銷引數昔暢今滯課釐收數昔多今少自宜設法變通以求增益今考淮南鄂湖西皖四岸歷年銷數不過四十餘萬引上年極力整頓已銷至五十餘萬引淮北銷數亦增業據通綱票販認加新

引五萬似鹽務方有通暢之機並非窒塞之會儻變改成法未能確有把握則公家每年千百萬固有之課釐加價設有短絀從何籌補又原奏修撰張謇條陳中有鹽業公司字樣查該修撰於上年六月間價買通屬呂四場商李通源垣產但請改名同仁泰垣並無公司字樣鹽務場運諸商各有花名非有票不得爲運商非有垣不得爲場商向來各垣場產商人集股收鹽皆以垣爲名張謇所辦呂四一垣應令循舊名爲同仁泰垣似無庸別立名目又條陳內稱設廠造田仿日本製鹽新法竈下聚處場中難以偷漏鹽既無私梟於何有無梟則防於何有等語查淮南上色場分產數每多短絀竈丁透漏接濟私梟全賴隨時認真查緝果使設廠聚煎私梟無從透漏產數加增亦屬善法無如海濱地廣處處有漁人人可煎似非設廠造田遂能盡絕私產第呂四一垣本祇一垣已由張謇承買既因整頓額產擬仿日本新法設廠造田爲聚煎之計應由張謇自行試辦將來有無效驗再行考察惟條陳內所稱煎法運法銷法一切准公司酌量更易稟請鹽政立案一節查兩淮鹽務以前法運法銷法三項盡之以煎法言如張謇現擬設廠造田卽係更易煎法但現辦僅呂四一垣則呂四一垣之煎法准其自行試辦若他場之煎法以及此外各商運法銷法應有定章事爲衆商所共未便更易等情詳請具 奏前來臣查兩淮鹽法歷經前賢殫精竭慮著有成規近

財政

二百九十四

十二月

年所收課釐加價等項每歲約八九百萬兩江南大宗餉源及鄂湘西皖四省洋債賠款亦均賴此湊濟原未可輕議更張惟南鹽現雖暢銷引向多積滯如果得人經理因時變通設法改良試辦一隅無礙全局似當盡窮變通之義以期補救今該修撰張謇請辦呂四一垣設廠造鹽應令仍名同仁泰垣暫就呂四一垣試辦不必牽及他場亦毋庸別立公司名目謹 奏奉 硃批著照所請戶部知道欽此

兩湖總督張奏由湖北指款抵補鹽釐摺

竊照湖北宜昌鹽釐每年撥還洋款七十五萬兩歷由戶部另行指款撥補而所指之款無著者甚多疊經 奏請飭部改撥未邀核准皆由湖北設法騰挪息借商款湊濟應用本年准戶部咨循案撥補鹽釐單內計撥湖北裁兵節餉銀十萬兩湖北丁漕錢價平餘銀三萬三千兩湖北鹽釐銀九萬兩湖北鐵廠由商局繳還官本銀十萬兩宜昌關洋稅銀六萬兩湖北當稅銀一萬四千兩江漢關洋稅銀十萬兩湖北釐金銀六萬兩荆州滿營餉項減平銀四萬三千兩共銀六十萬兩尚不敷銀十五萬兩准在湖北省田房契稅土藥加稅茶糖煙酒加稅各款內如數截留等因查此次奉撥各款除鹽釐銀九萬兩應由鹽道照數劃收外其裁兵節餉銀十萬兩查新案裁兵節餉自光緒二十三年九月起分五年遞裁現已裁

竣今以新舊兩案併計尙可照撥又丁漕平餘銀三萬三千兩自應於原提州縣錢價平餘款內照撥如尙不敷卽在 奏請規復丁漕減征並加提平餘項下如數湊足又當稅銀一萬四千兩查當稅原額約收銀四千數百兩並無一萬四千兩之多又釐金銀六萬兩此款尙可分撥至江漢關洋稅銀十萬兩查江漢關自茶稅減征短收甚多幸近來出口貨稅尙旺亦尙照案撥解又宜昌關稅銀六萬兩查宜昌關上年稅收異常短絀土藥幾無來源旋經 奏請減免續加二成土稅收數雖稍有轉機然專顧額解各款尙形竭蹶此項萬難照解又田房契稅土藥加稅煙酒糖加稅銀十五萬兩內由田房契稅煙酒糖稅自當照案勉力籌撥惟土藥加稅項下應攤撥銀五萬兩查土藥稅卽係宜昌關稅宜昌關稅項專恃土藥一宗在土稅新加二成已經減免其原加之三成亦因宜關湊解洋款悉索無餘實屬無可勻撥又荊州滿營餉項減平銀四萬三千兩查滿餉減平每年於 奏銷後扣解司庫僅二千餘兩自二十三年七月接到新章起每年添扣銀二萬六七千兩新舊併計亦止二萬八九千兩計不敷銀一萬四五千兩實係無著又鐵廠由商局繳還官本銀十萬兩此項商局繳款當日 奏案係議定承辦鐵廠商人如開至六爐可出生鐵至十萬噸每噸繳銀一兩一年卽可繳銀十萬兩並由商人提前先措繳銀一百萬兩歸還官辦鐵廠時所欠還華

洋各商緊要各款俟釐支繳完按照出鐵噸數扣清後仍係每生鐵一噸繳銀一兩原奏所謂如能開至六爐即各每年繳至十萬兩乃係期望懸擬之詞並無目前每年即可繳十萬兩之說自鐵廠歸商後每年所繳之款皆係以該廠所出鋼鐵作抵只可供槍礮廠之用並無實銀可撥該廠因成本未裕僅開一爐現查每年所出生鐵一年不過二萬噸上下爲數無多相去太遠所謂開鍊六爐歲出十萬噸遙遙無期是此十萬兩最爲虛懸以上數款徒蒙撥補之虛名轉受墊解之實累以致終年並無成算東羅西掘心如懸旌實非長策臣督同司道將所有撥補各款一再鈎稽如鹽釐裁兵節餉丁漕平餘釐金江漢關洋稅田房契稅煙酒精加稅各款係屬有著之項惟鐵廠由商局繳還官本銀十萬兩宜昌關洋稅六萬兩荆州滿營餉減平不敷銀一萬五千兩當稅不敷銀約一萬兩土藥加稅應攤撥銀五萬兩共銀二十三萬五千兩均屬無著而撥抵之鹽釐係供支京餉滿餉及本省營餉各項均極重要萬難短少延欠貽誤事機近來各省同一艱難部庫亦形支絀若仍循案 奏請改撥徒令部臣爲難依然無濟惟有將無著之款由湖北自行另籌餉款抵補免致要項虛懸查江漢關出口土貨自上年來收數較增除原撥十萬兩外尙可酌量挹注自應查照光緒二十五年 奏案暨二十九年成案即在該關增放貨稅項下動撥銀二十三萬五千兩

以抵戶部撥補鹽釐無著之款免致貽誤餉需應請 飭部立案嗣後撥補宜昌鹽釐卽照此次奏案改撥以昭核實鄂省亦可照此實款設法騰挪籌措以免觀望延誤據湖北布政使李岷琛鹽法武昌道繼昌督糧道譚啓宇江漢關道梁敦彥宜昌關道余肇康善後局牙釐局司道會詳請奏前來相應請 旨飭部將湖北請撥本省的款銀二十三萬五千兩抵補宜昌鹽釐無著之款照議改撥俾各項要需皆歸有著臣亦可責令司局及經理各項度支之員切實籌畫以免推諉竊思湖北爲撥補鹽釐一事歷年受此鉅累較之他省只攤派四國洋款一次新案大賠款一次者湖北又多鹽釐抵還洋款撥補無著之款是較別省多攤還洋款一次矣部臣綜核各省財政如蒙視同一體察及鄂省偏枯之累添籌之多以後如有派籌之款毋多於湖北獨加苛求則鄂省民力幸甚謹 奏奉 硃批戶部知道欽此

兩湖總督張奏請留膏捐溢收之款添補鄂廠摺

竊惟目前自強要政莫急於練兵而練兵以製械爲先製械非籌款不辦臣於上年十一月陸辭出京時面奉 皇太后懿旨詳詢湖北漢陽槍礮廠每日每年所出之數臣當經詳晰奏陳 聖意以出械尙少諄諄以擴充製造爲訓跪聆之下欽悚難名況值此邊患日深軍械未備夙夜焦憂亟應欽遵妥籌辦理臣於本年二月回任後卽督飭該局司道通盤

財政

二百九十七

甲辰

籌畫力圖擴充當以鄂廠現有造槍機器每日出槍五千枝機器力量已盡無可再加通年出數僅止一萬五千枝實不足以供數省之用當此時勢極爲可憂必須添機多造至槍彈一項尤宜多爲儲備有事時方不致槍爲虛器原有造彈機器連去冬續行訂購之彈機併計每日出數至多亦不過四五萬顆今槍機既添則彈數愈形不足尤爲兵家大忌斷斷無此辦法若欲擴充製造必須添配槍機尤須添配彈機惟鄂廠經費本屬不敷茲擬添製大宗槍械彈藥非有經久確實之款萬難集事查本年二月准政務處咨會同練兵處議復前兼署湖廣督臣端方升任湖南撫臣趙爾巽奏請於湘省地方合力籌建槍廠一摺政務處原奏內開湖北槍礮廠每年製出之槍械尙嫌所造不多推原其故仍是款項不足不能多聘良匠多購新機加意講求以臻完備湘省近與接壤自應先行設法維持使鄂廠款項充足製造精進因已有之成規宏軍儲之製作便孰甚焉等語是鄂廠必應添機多造及鄂廠經費支絀情形早爲政務處練兵處王大臣所深悉惟欲借資湘省設法維持屢經詢商未允此係斷斷必無之事查湖北歷年整頓土藥稅捐各奏明專爲供濟槍礮廠之用前因新案賠款無著於光緒二十八年正月復經奏明籌辦膏捐以資湊解賠款及自強要政之需當經奉 旨俞允並飭妥爲辦理欽遵在案上年冬間經前兼署督臣端方與湘省定議合

辦土膏統捐除扣除原征之土藥稅釐膏捐等項歲計較有增收原議以增收之款統歸兩省合辦之湘省槍廠濟用現經政務處練兵處議駁鄂省自應另籌辦法故就漢陽槍廠盡力擴充而擴充之經費除土膏統捐增收之項別無可以挹注當查光緒二十八年湖北開辦膏捐原奏本係聲明添湊自強要政之需竊思自強要政無過於練兵製械雖政務處咨行原奏謂鄂省與湘省合辦既無偷漏之虞卽有增加之數亦應另款存儲以備練兵處提拔等語夫既責以擴充自宜增其經費若本省籌辦之款尙不能歸入製械之用將何從多購新機何法可臻完備乎且練兵之與製械事本相因有兵無械與無兵同兵多械少與無械同有槍礮而無彈藥與無槍礮同將來鄂廠出械日多卽可以備練兵處提拔之用供練兵處之械卽與供練兵處之餉無異至京師練兵處餉項臣已遵旨將派籌之項認解足數并已多爲籌解此項土膏統捐溢收之劃歸湖北者除大宗湊濟新案賠款外如有盈餘擬卽儘數撥充湖北槍廠添購新機添造新廠及添備物料工本之需此項統捐溢收今年甫經試辦爲數尙難豫定總之不能甚多斷不敷添機添廠之用所差尙遠此外臣仍應設法籌措隨時奏明辦理惟購機安機出械周折甚多而時勢危迫且夕千變其關繫中國日逼日緊應辦各事繼日待且猶恐不及故添機造械之舉萬難猶豫延緩以致坐誤光

財政

二百九十九

甲辰

財 政

三 卷

十 一 月

陰臣現已一面訂購新機一面設法多籌款項迅速趕辦合無仰懇 天恩俯念軍儲緊要
急須擴充鄂廠費絀用繁准照二十八年 俯如所請將鄂省溢收土膏統捐餘款撥歸鄂
廠以資添補要需實於中外練兵要政均有裨益時局幸甚再槍礮廠內分廠林立廠各省
名非槍礮二字所能包括查日本製造槍礮之廠名曰礮兵工廠較爲簡要現擬改稱爲湖
北兵工廠以昭該備謹 奏

江蘇推行鈔票章程

一先籌成本 二添造錢鈔票 三創造銀元鈔票 四鈔票概准完納公款 五行鈔以
通商爲主 六各票宜蓋各地圖記 七取銅角銀角宜有限制 八行鈔宜先杜僞造
九各州縣各商號具領各票宜備現銀 十繁盛大埠宜設代莊 十一此局與別局不同
總以開通生意爲主 十二鈔票售回銀兩不得挪作別用 十三鈔票售回銀兩宜存放
各埠 十四每年紅利應分成辦理 十五局規宜賞罰分明 十六行鈔票有益 國計
民生之事章程不厭求詳

津海關領口單護照章程

一運米護照一項查華商請照由津赴南運米出口平糶以及由津赴山海關等處接濟民

食又由津運送雜糧赴山東煙臺等處均取妥實商家保結存案如無的實保家均不發給以上各項擬每張給五百石不得加多其不及五百石者一例收費 一運銀護照一項查洋商運送現銀入內地採買土貨華商運送現銀赴各內地並出口前往各埠接濟市面均須請領護照其洋商運銀護照仍由稅司照例辦理其華商運送現銀應分別出口與不出口其出口護照應填若干數日照舊章發給其運送現銀赴東三省一帶每次不准過五千兩仍取妥實舖保以備稽查其入各內地者亦照此例以上護照均應收費 一官員人等來往護照一項其非因公請照者應報明行李件數若干並實係自用物件等類填明照內經抵各海口時海關人員到船如見有可疑之處儘可查驗倘查有私貨除將貨概行充公外並照章加倍重罰以杜假冒夾帶情事仍在照內註明俾各周知此項護照均應收費因公出差者不在此例仍不准夾帶私貨違者即照以上充公重罰 一華洋各商運送東三省食物護照一項係因現在日俄戰事不得運往禁物其各國自用食物並非接濟戰國者當隨時酌定件數以示限制通融准運此係暫時便益各商之舉並非常年辦法查此項護照現經格外便益各商若令其繳納照費當無異議以上各項護照均擬每張酌收照費三兩

各省財政彙誌

京師 八月二十六日 欽派親王及徐尙書赴戶部督查庫款計實存元寶銀四百三十七萬四千二百零三兩足金一萬三千五百兩 戶部前准外務部咨據總稅務司申稱郵政經費不足請籌款協濟並約計出售郵票歲約三十餘萬兩而歲支各局經費一百餘萬兩計不敷七十餘萬兩等因已札行津海江漢江海關海關海關海關六關道各於稅收項下按月撥銀一萬兩 商部自奉 旨遊員會同盛大臣將路礦歷年出入款項確查具奏當即電派王參議清穆楊參議士琦就近會同查核

奉天 增將軍祺電奏盛京各屬如金復海蓋及岫巖等處均被戰國蹂躪受禍甚重可否請 旨將各屬錢糧一律豁免奉 旨著照所請

黑龍江 前薩將軍保以木植皮張收稅無多奏請停止現在餉項支絀遂將軍議令仍按舊章值百抽十完納一次後給與稅單不復再徵並與吉林會訂畫一章程及三姓所屬五站地方商明合辦以免紛歧現已奏蒙 俞允

江蘇 甯省儲貯幣銀之庫除江甯藩庫外惟支應籌防兩局爲南洋防費所自出常存每局率一二百萬兩近年各海關應解款項不能足額虛儲日見減損邇以鐵侍郎不日來甯必有盤庫之舉預由支應局籌防局清查一過分別造冊呈送核閱開兩局存款合計不過數十萬兩 鎮江下游釐局奉憲飭加徵煙酒稅煙業酒業近已認定捐項惟皮絲烟業及花酒各戶捐數尙未認定特再會同丹徒縣諭飭該業速赴局認加云 常鎮道郭觀察奉蘇撫端中丞札飭將鎮江揚由兩關項下一切用款大加裁減并將各分卡委員司事分別裁併經觀察統盤籌畫不得已將木署職役減省若干并裁撤揚由關巡艇四艘 揚州認捐局開辦年餘經局員吳守與各商董多次籌議迄無成效現已由江甯藩

司詳奉魏制軍飭將該局即行裁撤計每年可省經費銀三千餘兩

江西 江西統捐局前奉夏中丞札飭辦米穀統捐以維民食刻已議定無論邊界何局內地何卡均在起票處一次抽足十分統稅以下各卡查驗放行不再抽補如催過二卡准完半稅二卡以外仍完全稅若出江者除照完長江二分外另加出江三分倘有隱漏提起充公

浙江 浙撫孫中丞致軍機處電略謂前奉 旨以練兵需費派提浙省差缺浮收烟酒加征共五十萬迭飭司道籌議因各項前經減提勢難多集勉力籌辦連各署節省公費暨裁差缺每年約得三十萬左右已墊解十萬為數無多未敢遽奏茲奉 諭限催速籌盡惟銅元正派撥擴充明春機到齊後餘利自增擬從明夏起每年提六十萬併計每年可湊集九十萬惟裁缺差等事一時尙難定案期限屆迫恐或上煩 聖念空函謹先電達可否代奏嗣接復電云電已進呈奉 旨戶部知道

福建 閩海關稅務自經福州將軍崇留守革除積弊以來不論比較徵徵儘解以報解稅項之多寡定各口委員之功過現聞結算二十九年分所徵銀數實較常年溢收二十八萬餘兩

湖北 鄂督張宮保近飭官錢局總辦高佑諸觀察精具圖樣擬鑄一兩重銀幣較通行銀圓略大上鑄三六庫平足紋一兩字樣俾商民完納關稅錢糧永免挑剔剋扣之弊

四川 江津縣為全省產酒最盛之地每斤抽稅四文每年可得十萬兩左右

廣東 兩廣鹽務改為官督商辦頃據粵報云兩廣鹽務章程業已改定頒發聞向年私鹽總在一百三四十萬之數現按新章將場鹽全數販買歸入官堆隨築成包運赴省局發商行銷一收一發皆有包斤確數層層稽核似已無從透漏

並開以每包餉雜等項通網扯作一兩一錢每年可盈餘銀一百餘萬兩 廣東新案賠款連隨補關平匯費救水併計歲約需銀二百二十餘萬兩除了前藩司將房捐等款湊還外計不敷銀一百三十四萬兩茲聞粵藩胡方伯詳請督撫二憲擬將運滙銅利暨額田房契稅潮商免釐報効省河堤地加價船牌經費等項共銀七十七萬四千兩又提現裁絲營等項餘銀二十萬兩釐局存銀二萬六千餘兩均以之湊還新案賠款其餘短銀三十四萬容再陸續妥籌云

廣西 廣西統捐試辦未久民間即蜂起事端近經粵督岑制軍奏請緩辦業蒙 俞允

各國財政彙誌

各國 美國財政報云一千九百四年六月三十號結算歐洲各大國銀行所存金銀實數如下英 金〇三五三三九五八二鎊 銀無 法 金一一〇五九三七七 銀五四三一六〇五〇 德 金〇三六八七二〇〇〇 銀一二五九五〇〇〇 俄 金〇九一三三〇〇〇〇 銀〇八三三一〇〇〇 奧 金〇四七一八〇〇〇 銀一三〇一五〇〇〇 意 金〇二二〇四〇〇〇 銀〇三九九二〇〇〇 荷蘭 金〇〇五四七七〇〇〇 銀〇六六六一〇〇〇 西班牙 金一四七二六〇〇〇 銀二〇五三三〇〇〇 比利時 金〇〇三〇三三二六七 銀〇一五二六三三三三以上銀數均合金價

日本 日政府已頒第三次大藏省債票計日金八十兆元其利息及收回章程仍與第二次債票之章程無異捐募之日由九月二十二日至十月初一日止捐募憑證定於十月十二日以前寄與捐募之人捐款可由十月十二日起至明年五月止分八次交納 又明年軍事費已決定概算為七億 日本以中國之一元為一億 元其財源擬於增稅及內國債之外更募集外債至外債一事則命現在駐在倫敦之日本銀行副總裁高橋氏主持 開戰至七月二十一日止日人所獻軍費共

一百九十四萬四千一百九十圓其納國庫者共一百五十一萬九千三百二十一圓 中歷六月臺灣總督府歲入總計收八十萬二千四百二十三元自三月以來共收五百三十二萬三千九百二十九圓其收入額之最多者樟腦一百四十萬九千三百八十三元阿片一百十萬三千三百九十六元

俄國 倫敦電俄國現向德國貸借四千萬圓以烟臺稅作抵 南清晨報載稱俄國已將西比利亞鐵路押與法國向法國籌款

英國 自二月十六日至八月十四日所收稅項較千九百零三年四月一號至九月二十三號時已短美金四百三十二萬八千鎊入息稅則少美金二百三十七萬鎊茲將倫敦稅入數目列下海關稅三三三鎊捐照稅車捐船捐類五八鎊內地稅三六鎊鐵道稅三六鎊承繼稅三三二八鎊印花稅一三九二鎊地稅四五鎊屋稅六四四五鎊進款稅及契約稅第一類一五九三一五鎊第二類五鎊第三類五五六八鎊第四類四五七四一鎊第五類一四七六三六五鎊倫敦人民所納郵稅歲約一百萬鎊不在此數英國首相巴爾福在愛丁伯聚議將使英國印度及英屬之各自主國各遣代表人以最自由之法商議財政問題議定後呈交選員採擇施行 英屬南澳洲此次開議會時由總督恩脫主席演說並提整頓財政凡九款一設立倫敦行棧大公司一推廣酒業一麥克獨內者一帶金礦須設法開採一推廣種植本洲北部之木棉一本年歲出稍不足當設法籌補一議加地稅一進款在一百五十鎊以下者免納進款一籌款購田擴充居留地一近郭一帶宜設電車道原有鐵道由政府購入

法國 九月初九日倫敦電法國絲業中人力拒政府徵取亞洲絲稅九佛郎之例 法國注入俄國之資本其借與俄政府者合日銀有一億七千五百三十七萬元於鐵道船廠等合日銀有一億五千餘其餘銀行等合日銀計之有十

財政

三百五

甲辰

財政

三百六

十一

三億四百四十三萬八千圓

德國 倫敦電德國豫算一千九百另五年海軍省中須增添二千人經費 德國千九百零三年之出入附於案已算定不過短少馬克六百三十四萬四千

荷蘭 九月初一日東京電海牙公斷會定於十月初五日公斷日本征抽洋人房屋稅之事

交通

論今日宜急保內河航路權 錄十月初三日時報

今日全國鐵路之權。幾盡落於外人之手。有志之士。輒思籌款自辦。以圖抵制。然工程浩大。興辦爲難。往往坐視失權。而莫能救。竊謂今日有受害與鐵路等。須急圖抵制。而尙易於設法者。則內河之行駛。小輪是已。我東南數省。江河之流域甚廣。在在可利行舟。果能多備小輪。不特有利可圖。而且於轉運交通。大資便益。無如中國狃於成見。官力既不提倡。商衆又復畏難。外人知我中國無意於斯也。乃急起直追。次第以謀掠奪。數年以來。除長江久已通航者不計外。若漢湘。若九南。若鎮揚。若蘇滬。若杭滬。若常鎮。若蘇杭。若鎮浦。若廣梧。四通八達。莫不爲外人經營。近者法人謀設紹滬小輪。與浙撫屢爭不已。尤足證外人注意者久矣。夫中國向例。凡外人足跡所至。幾乎卽失其主權。今航路大通。交涉之案日多。任舉一端。皆足爲失權之明證。而華人受屈。船夥恃強之事。尤爲指不勝書。徒以華人喜其迅速。賈廉。故座客依然常滿。是可知通航之利。而授權外人之不利矣。夫航路者一國之血脈也。血管之中。忽然加以身外之附屬物。將血液壅淤。榮衛不調。而身體之一部。將成廢物。今以中國之航

路。而。以。外。人。橫。互。其。間。與。血。管。中。之。附。屬。物。何。異。寢。假。而。反。客。為。主。凡。轉。運。交。通。之。事。皆。歸。外。人。掌。握。堤。岸。之。修。築。歸。其。主。持。焉。河。道。之。淤。濬。聽。其。命。令。焉。由。此。而。凡。輪。船。經。行。之。地。旁。見。側。出。皆。將。為。外。人。權。力。所。及。交。通。愈。廣。則。失。權。愈。多。夫。通。航。之。事。即。與。國。權。無。關。而。以。外。國。之。人。在。中。國。之。地。載。中。國。之。貨。客。已。為。坐。失。利。權。況。我。國。既。未。收。回。治。外。法。權。則。隨。在。皆。可。以。生。事。主。權。之。失。更。復。隨。之。關。係。如。此。豈。有。坐。讓。他。人。掠。奪。者。乎。列。國。之。經。營。航。路。原。與。其。鐵。路。政。策。相。輔。而。行。有。航。路。以。補。鐵。路。之。不。周。然。後。無。孔。不。搜。算。無。遺。策。凡。鐵。路。所。不。能。達。者。可。由。航。路。轉。運。之。凡。鐵。路。之。尙。未。通。者。可。以。航。路。控。接。之。其。設。想。之。密。獲。益。之。宏。實。與。鐵。路。不。相。上。下。徒。以。鐵。路。造。端。宏。鉅。故。我。國。人。皆。相。重。視。而。於。航。路。則。不。免。處。之。淡。然。抑。知。效。果。最。速。可。以。制。吾。人。之。死。命。者。轉。先。在。此。而。不。在。彼。乎。此。刻。若。欲。挽。回。竊。謂。宜。用。兩。策。其。一。於。華。人。現。有。之。船。優。加。保。護。查。蘇。杭。常。滬。及。廣。東。江。西。等。處。華。人。自。右。之。船。頗。多。其。買。易。或。且。與。外。人。相。抗。然。官。吏。不。能。保。護。動。受。外。人。之。欺。其。終。不。致。折。入。外。人。不。止。現。今。之。策。宜。查。明。華。人。具。有。船。數。由。各。屬。之。保。商。局。等。隨。時。考。校。提。倡。俾。得。與。外。人。爭。衡。如。資。本。不。敷。或。由。官。量。為。補。助。其。最。要。者。則。各。局。宜。聯。為。一。氣。棄。傾。軋。而。共。提。攜。然。後。向。外。競。爭。可。圖。勝。利。其。一。於。中。國。所。有。水。道。某。處。可。以。通。航。可。以。獲。利。急。宜。詳。察。

由各屬商局派人考一商

廣勸商人興辦隨力量之大小。就地爲之。其資本充足者。分行各處。數十萬百萬亦不爲多。資本少者。卽下至數千金。亦可興辦。惟官吏遇此等事。必須有提倡而無阻撓。有補助而無賤削。然後始基易立。成效可期。其辦理之法。或由已成之局。就近推廣。或招新集之股。合力推行。或官本或商本。均無不可。似此費輕易舉。似無患不能奮興。如所有航路。皆經通行。則外人亦無所用其覬覦。主權既得以保全。卽利源不虞其外溢矣。考內河航路。其資本至大者。亦不過數十萬金而止。較之鐵路之動需百萬千萬者。何啻天淵。以中國今日之力。各省分辦內河輪船。數百尙復優優有餘。所宜迅速圖維。不致讓人先著。今者粵漢鐵路。經湘粵兩省抗議。大約可望挽回。然來日大難。中國果恃何款以辦此路。不能不懸爲疑問。內河輪船事。既易辦。又無竭力爭奪之勞。是我國民之亟應注意者。莫如此著。前者日人通航湘鄂。經湘人力爭。不能挽救。比者法人通航紹滬之議。亦既事在必行。願我國民慎思之。毋蹈覆轍。以貽後悔也。

中葡廣澳鐵路合同

案查光緒二十八年九月十四日大清國外務部照會大西洋國欽差駐劄北京便宜行事全權大臣聲明中國政府允許所請准在澳門地方設一中葡鐵路公司安造由澳門至廣

東省城之鐵路在案今將前項照會抄附本合同後現由大清國欽差督辦鐵路大臣太子沙保前工部左侍郎盛與大西洋國駐京便宜行事欽差大臣白在滬將中葡鐵路公司應辦事宜並中葡商董均股平權合辦宗旨往復商酌意見相同並飭令華董林德遠葡董任多祿於此合同由兩大臣簽押後再行會商訂立公司創辦合同呈請中國鐵路大臣酌核今先將中國政府允願招商議立中葡廣澳鐵路公司各事宜開列於後 一所有由廣東省城至澳門之鐵路准歸中葡商人招集股份設立公司均股平權合辦承築此項鐵路經理行車事宜應在澳門設立公司總號並在廣東地方設立局所其公司名曰中葡廣澳鐵路公司該公司既係中葡商人合辦則凡關係該鐵路公司事宜葡國國家即不得藉詞干預 二該公司祇常准中葡兩國人會同管理如違此款中國可將准築此項鐵路合同作廢 三造築此項鐵路所需用之資本中葡均平各任華商得一半股份葡商得一半股份惟葡之一半有僑寓澳門之華商並華商之隸他國籍者在內該公司須訂立創辦合同以憑治理該公司各項事宜該創辦合同內必須訂明華商葡商股份權利均平無異因公司股份華人為多所經地方廣東居多凡有關係該公司股份及股東權利董事人查帳人及各股東會議等事之各章程必遵守光緒二十九年十二月初五日之 欽定大清公司商

律與所訂立之創辦合同不相違背即可照行 四該鐵路應經地方尙未勘定今應延請工程師前往查勘由廣東省垣往澳門之地勢方可定奪 五該鐵路查勘後繪圖指明此路所應行經過地方當在何處設立車站並應用房屋廠棧等處一一繪明呈送大清國欽差督辦鐵路大臣鑒核俟核准後方可開工築造此項繪圖應備四份以一份送呈督辦鐵路大臣其三份由督辦大臣分咨外務部商部兩廣總督分別存案 六所有查勘地勢經費並築造資本悉歸中葡廣澳公司支理 七所有中葡廣澳公司所造鐵路其左右兩面各十英里以內中國政府不能准他人或別公司築造平行同線之鐵路 八工程師起首查勘地方及以後起造開工皆必須由中國督辦鐵路大臣暨大西洋駐紮廣東省城總領事官預先咨照兩廣總督知悉分別發給護照與工程師及查勘鐵路之各等人由中國各該地方官隨地一體保護 九所有築此鐵路之時及工竣之後彼此如有辯論之事須先歸大西洋駐紮廣東省城之總領事官與兩廣總督會商妥定倘仍不能商妥方可上稟北京大憲暨大西洋欽差辦理 十凡鐵路所經之地並機器各廠貨倉爲該鐵路所應用之各房屋地段其應如何爲該公司所購用之辦法開列如左一如該地保屬官產應由公司報明地方官丈量升科撥用至此鐵路滿期之日爲止每年應繳納地租二該地如係民產

或係該處紳士公局之地公司必須與業主商酌定價彼此合意妥購如有應納租稅公司仍照常完納三如該地主不能合意議妥即由公司就最近之地方官稟請理妥購買查照該處民間買賣時價由公司照數向購四如該地上有廬舍樹木池井等項凡用工本造成者除地價外必須另給價值其價如不能定妥即照前款所言辦理五如該地上有墳塋必須設法繞越如零星小墳無法繞越除地價外必須從優另給遷葬之費六該公司在鐵路經過地方與該地方人民交易必須公平並力免有損害地方傷情等事該地方人亦不得藉詞阻撓謠言惑衆如有違犯由公司稟請地方官出示諭禁聲明築造鐵路原爲推廣商務振興閭閻起見百姓人等務必各安本分勿滋事端共保平安否則定必從嚴懲辦 十一所有開地挖泥挑泥墊土扛挑材料需用工人應就工程所至地方隨地雇用其雇工之法應向該處公局紳士商囑定價資雇 十二該公司應雇用巡捕更夫守護鐵路並鐵路所應用之各房屋其更夫係用華人其夫頭由華官選派 十三鐵路公司願允自行籌款在總車站毘連之處建造房屋一所以便在該處所有鐵路轉運出入華境之各項貨物由中國海關查驗征抽稅項 十四築造鐵路或全工告竣或一段完工該公司應稟由督辦鐵路大臣暨駐紮廣東省城大西洋總領事官咨照兩廣總督聲明該全工或一段築成起

首開車行駛 十五全路或一段完工兩廣總督與澳門總督可商酌在何處地方及如何設法抽收該鐵路車運入口出口貨之稅俟稅務議妥始可行車 十六該鐵路所載人運貨之價目則例應由公司議定 十七該鐵路寬闊之數一切與廣東省城已造鐵路之闊相同 十八公司載運材料可任便在公街經過不得阻撓不得損傷人民房屋物件如有損傷公司應照價認賠如需搭棚爲起造房屋或爲工人居住以及材料棧房果係查無窒礙均可搭蓋該地如屬官產不必給價倘係民地必與業主酌訂租價完工後將地交還 十九築此鐵路所需用之石與沙如係官地所產中國查無妨礙應准公司即在該地採取應用毋庸給價如係民業必須與地主商訂惟該地主倘有勒索重價與時價相懸過鉅該地方官查明該處情形爲之設法妥定俾兩面免致受虧 二十公司築此鐵路中國政府並不給地應用亦不担保資本之利息惟有准此鐵路公司之三事開列如左一准該公司在近路地方設立水池以便接管引水爲供該鐵路應用二准該公司在香山縣地設立養身衛生院避暑所各一處三准該公司設立學堂以葡文教中國幼童爲繙譯並教鐵路所需工藝以便學成後由鐵路雇用其學堂應設在何處必先與該地方官商擇以上各款所設各等房屋院所其地如係民業當與地主商訂如係官地升科納稅 二十一倘該鐵路

交通

一百十五

甲辰

進項可支各項費用及資本銀每百元每年六元之息並可支每年一次於每百元內至多提出三元以資積儲供還本銀此外再有盈餘則作為淨利以三成歸中國國家其餘按股分給其每年一次所扣資本之銀須扣至資本全清後為止至於估計本銀之法可將該公司帳簿及該公司給股份人觀覽之年結總數為憑 二十二若該鐵路從行車日起至滿五十年其二十一款所定積儲供還資本銀款足支清還之數可將該鐵路及其所應用之各房屋歸之中國毋庸議價倘其所積儲之銀不足供還資本之數中國政府必須先與該公司彼此妥商補償如數交清方將此鐵路歸之中國至於估計本銀之法可將該公司之帳簿及該公司給股份人觀覽之年結總數為憑 二十三該公司如有倒欠及帳目糾葛兩國國家均無干預並無賠償 二十四除本公司所用巡捕更夫以守此鐵路外中國政府務須保護鐵路並鐵路所應用之各等房屋以及公司所有地方官准設之別等房院以免為歹人毀壞攻劫 二十五該公司如須裝設電線及德律風可依此鐵路之路線任便設立惟祇能供該鐵路之用不得收發他人電報 二十六如遇有交戰作亂饑荒之事中國政府如欲用此鐵路載運兵丁軍器軍裝糧餉並救濟物件此項鐵路必須儘先應用所有載人運物車價可減半給付平常之日不得減少如遇戰事該公司亦不得接濟中國之

仇敵 二十七所有官員文書及中國郵政局信札包裹該鐵路可代運載不受價值並按照郵局所定章程辦理所有章程八條如左一鐵路祇允中國郵政官局運送包件其民局及別國官局郵件概不准行運送至各國軍隊按合同應送各件應由中國郵政局隨同行郵件代爲由火車寄投二火車搭客行李郵政局不願擾及惟若風聞或確知有夾帶郵件之弊致違禁令應如何辦理之處亦須預定妥章三火車往來各處每次開行均應備有合同專欄以便郵政局員運送尋常郵件火車開行時刻倘有改易須於前月向郵局聲明以便早諭衆知四郵政局運送尋常郵件備用專欄鐵路應不收費至遇有另用專車之時其專車之費照各國向例必須格外從廉此項費向須各國從廉之費向須另定五郵政員役因公上下火車聽其自便不得攔阻惟攜有免票爲憑倘無免票即照常人一律看待其免票由各郵政局向鐵路局員聲領轉發六火車各站准租蓋屋若干間照納租費並於各站設立信箱係歸郵政局自行經理其蓋屋租費向另定七所有此章內載郵政局應交鐵路各費均每年結清八嗣後倘有更改之處須由外務部准定方可施行 二十八澳門郵政官局信札包件該鐵路應代運至中國境內所設之第一處中國郵政官局該鐵路亦不受價值 二十九該鐵路所用工程師各工藝人及各式專長之人可參用洋人其餘工人均用中國人充當凡鐵

交通

一百十七

甲辰

路所派所雇之各等人應由公司專權派雇 三十凡該鐵路所用之機器及一切材料至中國境內應照納關稅 三十一本合同用漢文葡文英文繕寫各四份共十二份語意均屬相同倘遇有辯論之事葡文漢文或有未妥協之處應以英文解明所有之疑今先在上海訂定畫押以昭信守

光緒三十年十月初五日

西歷一千九百零四年十一月十一日

各省鐵路彙誌

京師 比商某承修河南鐵路一事業經外務部奏准電飭鐵路大臣與之訂約 比商與蘇紳合辦自上海經江西南昌至湖南長沙之鐵路以華商出名已稟請外務部商部矣 粵省廣漢鐵路本由葡萄牙商人出面承築近該商曾赴滬與盛大臣妥議立約然係私訂兩國政府均不干涉後經粵督岑制軍密電盛大臣請為緩辦故准期已往京與外部商部直接交涉商訂合同

奉天 俄人於奉天鐵嶺間既修築道路茲又由寬城子迄哈爾濱起工督修

直隸 檢閱以北每年夏雨時山水驟發鐵路被淹數里汽車不能通行駐榆領袖工程師李吉士近在車站西四里許添造十五孔之火橋一座以分水勢橋係以煉石建成長約四百五十英尺且於該處路基兩旁遍鋪礫石以免被水冲坍惟於行車稍有阻礙云

山東 膠濟鐵路今已告竣青島德國總督致函山東路礦局謂膠濟鐵路告成已歷多時火車往來行駛民間習見此後當不至再有意外之虞擬將由青至高密保護鐵路之洋兵撤去其由高密迤西沿路之中國兵暨巡警兵亦請撤一律歸地方官保護當由路礦局轉稟周撫帥請示答復

山西 盛大臣前與福公司所訂澤州至道口鐵路合同久經訂立尙未查押現因該公司一再催促已即查押

河南 道口福公司鐵路工程由大成公司承辦統計用費已逾二百萬鎊照原估過半惟原約不得載運客貨恐出慮微薄難以持久現已由大成公司交回福公司自辦尙餘由王鎮至清化一段俟告成後即行停止擬歸併於蘆漢鐵路

又福公司修築鐵路本爲輸送礦產而設現該礦掘至百餘丈有泉湧出吸之不盡似難再開因以鐵路讓於我國價約二三百萬金言明若有用路之時尙須收回常讓路時德人欲購之以與其山東鐵路相接幸我已捷足先得耳 蘆漢鐵路南路修築漸遠河南濬縣道口至修武待王鎮之路近已竣工開車至第九段鐵軌已由新鄭鋪至鄭州城南十八里河趕造橋工惟黃河橋工仍無把握桃汛後水勢陡漲機器探至十餘丈始見乾土當安鐵格十六根旋爲大風吹去僅存其一傳聞南岸旱地鐵橋已成九座若水路則一望無涯仍難下手 前盛宮保與沙多君立開洛鐵路約章限期九箇月內開工逾限即廢茲聞開歸河陝兩道已分別派員察看地勢勘定後即插標記 鄂督張制軍前奉 電諭飭即會同豫撫協商黃河鐵路究應如何建設可與洋工程師會勘免礙河道致貽後患制軍即派候補道寶觀察前往豫省先行查核

江蘇 滬甯鐵路借款共美金二兆二十五萬鎊已在倫敦招股而江督魏制軍咨請盛大臣增入小票售時華人願購若干張應照數留與一律一面札關道立即遵照購具報並通飭所屬勸諭官紳廣購云 甯滬鐵路開辦一節業經

奏准將大開築沿途所經之處如崑山蘇州無錫常州鎮江一帶近已逐段勘明插杆作記

四川 英法干涉川漢鐵路照會往來反覆詰辯茲悉川漢鐵路總公司力持自辦之主意已將股票刷印計招五千萬股官任其三民任其二官股即公款民股即由紳商招集每股百金每年四釐行息以開車之日為始先由成都修至重慶共籌股本五千萬招股章程已擬定五十九節

廣東 癸卯年粵漢鐵路工程師赴粵勘視路線係由炭步赤坭白坭繞出大山沿路至源潭經北江韶州當經繪圖貼說呈明督辦盛宮保批准照辦現以原線尙嫌迂曲改由高塘江村河埔茅山新街三華店馮村直穿大山至源潭而過北江韶州約可減節工程三十餘里已另繪新圖發交駐粵工程局查照辦理 粵漢支路癸卯年開行省佛甚形暢旺現在接築工程貨車已可運至西南不久便可直抵三水全路告竣 張榕軒京卿創辦潮汕鐵路業已在汕設局開工此路經費開須三百萬左右業由日本工程師承築將來造成一段即開一段之車沿路皆有郵莊可停 雲南 滇越鐵路購地請款業經戶部分別指撥會同外務部奏准咨滇欽遵辦理

各省航路彙誌

直隸 南關府河河身窄狹水亦平淺近經清河道李觀察委員前往安州查看河形源流並帶某學堂測繪學生二名測得為河底高于安州等處河底一丈餘許當即設法疏通

山東 唐君榮浩設立小清河輪船公司近已繪量沿河水道訂購大輪船數艘亦皆刻日告竣

江蘇 近來蘇鎮內河暨揚州清江等處小輪日盛一日所燒煤洋沿途傾棄入水經江督札飭鎮江關道妥籌永禁以保河道郭觀察授泰西最重河道之說會同稅司與各國領事商定諭飭華洋小輪各商仿照上海天津河輪辦法於機

器輪旁安置沙缸以爲撒灰之器俟船到碼頭上下客時將煤灰上岸傾倒不得再行棄煤入水各小輪業已運辦 近
招商局添設情錄長班逐日開行順昌公司亦開日開往江甯一次加以楊鎮短班內河航業實較去年爲盛 往來內
河之小輪往往因載客過多致陷不測鎮江關稅司雷君欲設法整頓斟酌再四擬就章程五條以船輪之大小定載客
之多寡先由理船廳量明船輪寬長若干核定人數給予牌照俟開船時再由關役查驗方准開行現已函請關道郭觀
廉查照并請東洋江督轉咨通商各口一體遵照辦理

江西 贛省水道由南昌之贛州悉皆平穩惟萬安灘南有羅河二百里水深濶急險峻甚多船隻之破沈者時有所聞
現擬籌款開濬用機器起去河底石塊以利舟行

福建 福州船廠與法華公司廠務交涉由上海法總領事派魏總辦官赴閩與將軍所委曹紹台道高觀察往返商酌
嗣以索債數鉅議而未結擬將軍稟請外務部逕向法使商妥由閩廠償洋二十三萬五千元永斷萬藤

湖北 漢口航業除通行湖南黃州襄河數處外復有華昌公司新開成林航路又有人倡辦襄陽樊城航業均經江漢
關及洋務局批准近已一律開行

各省郵政彙誌

京師 天津電中國政府已允每年撥款七十五萬推廣郵政 北京郵政總局現擬於熱河承德等處添設分局已派
人查勘情形稟覆核辦 又因陸路遞送艱難抗耗過鉅勢難久支申請戶部津貼戶部亦無款可籌擬將驛站併歸郵
政經費自可充用即咨商兵部會稿具奏擬將各州驛驛站全數裁撤遞送公文統歸郵局經理所有驛站支銷各款如
數報解戶部以備郵局支領

交 通

一 百 二 十 二

十 一 日

江蘇 蘇城郵局近於附近常熟吳江無錫蘇州等處次第設立分局近又於太倉崑山添設分局

江西 九江郵政司現已派人在贛州府屬之信豐龍南兩縣及毗連粵東之連平州設立郵政分局

浙江 杭州日本郵局前設於日領事署內適以杭人之游學經商於東瀛者日多信件較繁日商故就拱辰橋創設郵

便局專員承運寄開擬於大東輪船所經各埠概行通郵以期推廣

湖南 長沙至郴州一路中間桂陽州平溪市宜章等處現已由舖戶領取信櫃挨次收信郴州城內亦已設有專局

廣東 省中城廂內外法國已設郵局數處現英國又在河面新設而內地郵政益為外人所奪矣

商務

商部奏請各省商務局員酌充議員摺

竊維中國地大物博各省商務繁簡不同情形互異首宜洞悉其利弊之所在庶得徐圖整頓補救之方臣部爲商務總匯之區總理統籌責無旁貸然非內外合力辦理勢實難於措手近年朝廷重視商政迭奉諭旨飭令各督撫實力振興現在各省先後設立商務等局派員總辦諸務風氣初開素來官商隔閡之積習得以逐漸破除因勢利導一切提倡保護之法與夫貿易盛衰之故貨物出入盈虛消息之原研究調查均極緊要必須各省均有講求商學之員隸屬臣部專任其事俾得隨時諮訪遇事商榷始克挈領提綱鉅細畢舉伏查上年九月間臣部因出洋華民商工業關係商務最鉅曾奏請飭下出使各國大臣暫就使館隨員中遴派留心商學者一人作爲商務隨員兼攝其事奉旨允准遵照辦理在案內地商務關係尤鉅以臣等所聞各省所設商務等局大都選派候補道府各員作爲駐局總辦在各督撫中關心民瘼認真遴選者固不乏人而視爲例差者亦復不少若任其散而無紀漫無稽察誠恐要政所關有名無實殊非朝廷整飭百度之至意擬請飭下

各省將軍督撫嗣後所有商務局保商局及農工商等局總辦一差務選請習商學通達政治之員派充應即出具切實考語造具履歷清冊咨報臣部酌量加劄作為臣部商務議員遇有公事准其逕行呈報臣部至臣部如有應行商辦事件仍分咨各省督撫妥籌辦理其尋常調查之件即逕行劄知各員覈覆以歸簡易此項人員既在各該省充當總辦差使又經臣部派充議員其是否稱職應並由臣部隨時察核如此變通辦理庶臣部與各省辦事較為聯絡而情形亦藉易考察實於商政有裨如蒙 俞允應由臣部行知各省將軍督撫遵照辦理謹 奏奉 硃批依議欽此

商部覆奏查核鐵路公司將餘地招商設廠情形摺

光緒三十年七月十三日據給事中潘慶瀾奏鐵路公司將城根等處餘地招商開設煤廠交納地租請提歸戶部一片同日奉 旨著商部順天府確查核辦欽此欽遵由軍機處片交前來查原奏稱現因火車直達前門盛宣懷將城根餘地及西便門外至西山開設煤廠西城界內祇有一家曾經傳訊據稱伊一家自城根便門外西山三處每年共地租二千元在鐵路公司交納合計二十餘家地租已數萬元加之售煤之利不下數千萬元請概行提歸戶部等因當經臣部行查外務部等衙門以公司借用官地曾否聲明有案旋准咨覆均

稱並無立案臣部即選派章京會同順天府治中飭傳宣武門外西邊一家並東邊二十餘家煤廠舖東到案詳加審訊據西城界內舖夥劉蘭軒供稱伊係良鄉縣人上年臘月間領出天津柱山東家資本租得西便門外鐵路公司地兩段每年租洋一千元又在西山蛇里租地五段每年租洋一千元均係自蓋房屋開設西務公司煤廠立有公司合約爲據按季納租此兩處煤廠不止伊開一家嗣因各煤廠買賣不甚興旺公司將城根一帶火車道旁餘地區畫號數許各煤廠分認一段卸煤售賣不再另行納租伊亦認得三段現在買賣已經歇業所有合約檢齊呈驗城根官地並無合約等語訊之各家在蛇里西便門外兩處均租有地段各按合約交租城根卸煤之地並不納租所供與劉蘭軒相同又據順天府派員查覆據稱蘆漢鐵路公司西便門外之地係向民間價買其城根官地毗連火車道旁用以各廠卸煤意在便商等語臣等查閱鐵路公司合約所載大約蛇里每段收地租洋二百元西便門外每段收地租洋四百元間有向公司包租將地轉賃煤廠此二十四家中或租地一二段或兩家共租一段不等每家一年納租多則六百元少亦四五百元合計一年僅收租洋萬餘元該地既爲公司價買自應歸其收租至各煤廠係民間籌資本營運售煤之利應歸商人原奏係舉劉蘭軒一家以例二十四家並將售煤之利統計在內故見其多臣等

以爲鐵路事權多歸盛宣懷經理頭緒繁冗左右信用之人借洋務以私肥而國家權利因之有損誠難保其必無此弊人言嘖嘖亦非無因至於用官地以卸煤斤雖屬意在便商惟概不納租亦不足以昭公允應否同地方官聲明立案及酌定城根官地地租提歸公家之處並西便門外等處購買民地有無契據應請旨飭下督辦蘆漢鐵路公司大臣盛宣懷自行奏明辦理較爲切當謹奏

兩江總督魏照復張修撰咨設立翰墨林書局請給予版權文

准貴修撰咨竊於光緒二十八年正月通州創設民立尋常高等師範學校咨呈前督部堂劉核准在案繼以中國師範學校尙無相當之教科書所有講義許隨時編輯而非隨編隨輯隨印則繕寫既不勝其繁寄印於上海又不能應用因復鳩合同志集股設一印書局冀於興學有益亦可傳習印刷之工藝查通州南門外城濠邊舊有西園一區池館幽寂年久傾圮因爲修葺整理仍就原有故州牧唐陶山先生所書翰墨林舊額卽名翰墨林印書局計股本銀二萬元合二百股凡澆鉛鑄電製版各事一一招聚生徒聘用匠師教授經始於二十九年七月購機僱匠竭力經營至今年五月規模粗備在籍江西補用道張道實董其役今遵商律公司律第五條合資公司所辦各事應公舉出資者一人或二人經理此卽由

各股公舉張道經理以專責成所有編譯已成各書及師範學校教授之講義現已陸續付印平價出售以便學人理合呈請貴大臣鑒准立案所有集股章程另摺呈核查各國印書最重版權中國近今編譯各書局亦均有版權之請今懇咨明商部批准立案並求札飭滬道出示嚴禁各書買翻印通州翰墨林書局編輯之書並照會租界領袖總領事立案此項保護著作權及出版權係文明各國之公例教育進化萌抵於茲伏祈俯賜示遵分別轉飭立案無任公便等因並章程到本部堂准此除抄章程分別飭遵外相應照復爲此照會貴修撰煩爲查照施行

出使俄國大臣胡考求中國出口土貨公文

爲咨復事案准光緒三十年三月十四日貴部咨行奏請整頓土貨出口一摺並聲明由使臣考求中國質料程功較易者咨報等因查我國商人近頗究心於對外貿易然但從懸遷有無上著想未從保護利源上著想但從天生材料上著想未從人工製造上著想處此商戰世界不於利源製造上爭先著一人一家且難獲利更何能有裨大局論世界各大國文明進步彼英法德美四國確已由商業時代進造於工業時代我國縱竭盡能力以扶牀學步之子而欲與騰蹕奔馳者競夫人而知其必不勝也獨俄國則初由農業時代勉幾於商

業時代其距工業時代尙遠乎其後彼之悉畢利部富礦材而金石細工之品罕逢俄製悉畢利又富獸皮而硝洗割配之法必賴英工推之學術用品家常用品苟稍精緻必來自外國求者應者動輒淺視己國產珍視外國產雖曰人情好異亦可見其國製造之未精矣俄境亞洲一帶民俗蠢悍紳宦不聚需品不多西境芬蘭波蘭一帶鄰近德國嗜好已偏於西歐南境高加索克雷木一帶鄰境中亞嗜好已沿於蒙古二者均非我中國發達地求中國商務易於發達地無如其腹地聖彼得堡及莫斯科新舊二都與計由富最舊都細察此數處土著客宦各風尚與夫列肆所陳列待售者固以歐美製品為最珍然亦不廢中國製品不至如倫敦巴黎市上鄙棄我製不得與彼製等類齊觀也則中國製品不敢望輸售於英法德美猶可望輸售於俄略舉數端切望我商人改良摹仿競出意匠以暢銷土貨

茶華貨出口茶為大宗華茶銷路俄為大宗夫人知之茶中人或誤不茶英人上流社會日不飲茶為天材料而焙製配裝仍賴人工我國於焙製未良屢遭詬病頗自覺悟或謂水由水踏來不過此等茶多出英商之手英商機入印度茶不為真知茶味者所喜耳而於配裝之未良則未經有人提撕西俗飲茶正如我國飲食之議同為婦職婦人好潔好麗中外同情華茶或箱或罐皆粗拙不堪不能起人愉快心且一箱一罐分兩過多不適於售

多或一封或少或二分封度之一或四分封度之二或市肆中不得不拆散箱罐另以美麗花紋紙
 或不向多或向少或久或每封度約合華糖十二兩之
 或他料按其風俗所需分為小包以待售自備國幣分有華人田同否設肆售茶每由華人製
非華人製之茶也 此種人製之茶也 分包之時攪入印度等茶而茶味劣矣是不啻以上等華茶代他茶受惡名
 何如我國自行改裝亦按其適宜之分兩盛以美麗之彩匣加以慎固之封識表明為中國
 運至之純粹華茶未經開拆即未經攪雜一年以後必羣奉為珍品日本運俄之茶按英權
 一磅為一包大約與封度 彩紙包裹錫紙嚴封一如西式茶味不如華而勝於印銷數遂歲增
 加正以合西人耳目也 二曰鹽壬寅年中英會議商約頗騷爭於洋鹽進口一節但洋鹽
 價昂華鹽價低相去懸殊聞者方疑洋鹽安得有進口之理而同時又有德商在滬發論願
 將淮鹽滯銷積引由伊承認出口一年中可認銷數千萬斤一進一出聞者更疑安有此背
 馳之理何似以出口 及細察東三省情形始恍然二說正是一事奉天一帶向食黃海之鹽黃
 海水淡產鹽不多從前奉天而外吉黑兩省人口稀少無需多鹽輔以蒙古池鹽勉可敷用
 今三省地面忽增數百萬俄人俄人鹽量本宏平陸人多 向有之鹽額不足供多人之食其
 東海濱一帶如海參崴者亦水淡不能成鹽供民食且不足更有漁業需鹽頗多何從供給
 德商之願認銷華鹽正為東三省俄兵俄民之用及海參崴一帶漁業之用伊亦明言至於

商務

洋鹽進口何云不相背馳蓋華鹽多質重不堪遠運將欲運華鹽入東省非援土貨改造洋貨之例重提重製不可既事改造即成洋鹽英商本於香港地方廣收浙江岱鹽運至海參崴（俄國）舊例凡貨自香港出口者皆以洋貨論意欲提明洋鹽便於運入大連灣等口耳東省俄人既多需鹽自多使此利歸入外人手中亦殊可惜惟我國鹽例歸官議運非便而我商人亦不可不知良隅荒區新發見此一種利源也 三日浙江織物絲為我國名產織亦應我國擅長然我國織物惟山東繭綢（俄人尤好此但作爲夏令粗衣及傘料而）盛綢素紡（用作）等三數種尙行銷於西歐其他江浙間若干種精緻概不行銷者何也一因絲貨太佳西俗尙色澤花紋之新麗不尙本質之經久以衣裙固不過三個月便改新斷無取乎經久不破即帶帷椅榻所需亦歲歲改新無取經久二因花紋不合目且屢見不鮮西俗於織物花紋時時更新凡創一花樣斷無半年三月尙見於市上者（前所選之法）國織物已備覽而無有矣蓋一花樣斷不復重也

三因彩色不絢西俗以一幅中能織出三色以上者爲精製華織惟一色而已（日本明治十年間聘及印）

上之綢料情多中國衣花紋又各國不同嗜彩色亦各國不同嗜（日本明治十年間聘及印）

料少外國中用之料花紋又各國不同嗜彩色亦各國不同嗜（日本明治十年間聘及印）

花稅入目也吾今收計願以半年之期專研究日本人所嗜之花紋與彩色如其官所繪者

人合日本是非從彼邦珍尙之品細心體味其所以嗜好之故不可至於尺寸之殊異其小節

也西婦衣服除裙幅較整外往往剪成碎料又復綴合而成故我國向用之一尺六寸幅

二尺二寸幅均無不可織物不專為製衣西人用以代紙糊壁用以綑椅榻用

以製門窗之帘除門窗帘必合俄屋尺寸外

不拘但須從花紋彩色著想耳

化學著手

我國人工繡甲於環球而又以蘇粵為尤勝所惜者我國人罕通畫理於盈丈大件其人

物山水不能得繡影繡光之妙不能奪目而小件則又嫌繡工太精過費人力售不獲利又

除上海廣東數家能略仿西式數種外所繡大多是中國用品不適西用所當大為變通於

繡工不妨稍粗於畫理貴於求精於彩色貴於求肖

之件大約女客室之品為宜

冬令綿長需此既久且俄俗又好用此但極大之幅織既非易運又多費而於房屋尺寸亦

未易適合莫如多織一丈以內之小幅或織成階梯所用極長之窄幅或臥榻盥具前浴具

前所用之小幅苟漸於畫理上彩色上加新術

商務

一百二十七

甲辰

售 六曰江西湖北麻織物中國麻織物祇有夏布而已且未有提花夏布而江西湖北二省所織夏布已有極細者惜織料太硬宜於中國夏令不宜於西人常用西人於臥具_及食具_及所用之布盡貴麻織不貴綿織貴其為麻而能如綿之柔軟不必盡如絲之光澤且衛生上之考求以為著膚之衣用綿不如用麻_冬用絲亦不如用麻則整幅無花之布但能於現今之布加軟加細已足供西人之用荷蘭國擅長於麻織俄人所用多荷製銷數絕大而運至東方如悉畢利東三省等處頗可供彼地所需當為我中國之利矣是宜於瀋麻梳麻之法先事考求再研織法 七曰磁器磁質為中國所獨擅久蒙環球評定然居今日而論磁工則惟中國為獨拙亦無可諱飾外國之工雖陶如磁中國之工雖磁如陶又中國之碗碟等類無一可適外國之用大件如極大磁瓶等類能銷幾何英法德美日本之各精磁工固無論矣即俄國磁工亦復卓然自立_{俄有皇室磁廠在彼得堡}磁器之種類盈百盈千而一種類之式樣又盈百盈千一式樣之花繪又盈百盈千總之客室上磁器宜新式宜綺麗食桌上磁器宜適用宜樸而麗婦人妝檯上磁器食果供花各磁器尤宜精細美麗新奇其工專在造畫專在造色而於磁質上則次之中國磁工於質上頗知講求而於造畫造色造式上則次之正與西法相左無怪其不能銷也磁器為日用所必需易破損即易於更新則銷路必

多近來洋商華商亦頗在江西定燒洋式磁器但種類式樣不過數十於貿易上不蒙影響
 又聞江西審主惑於風水審變等說不肯輕以新式磁器入審代燒其愚可晒當先有以開
 其智矣磁器式樣過多難致欲得多數之模範為仿造計尤非從描圖下手不可 八曰法
 現器按讀作法現之名中國前代無有有之自康熙年間始見於極尊貴之紀載因得此外
 國精品即命仿造當時海禁未開我得此品其為由俄國輸入無疑至今英法德市上罕見
 法現有則必云而俄市上法現器不少蓋二百年來彼邦所尚也我國既於法現上有心得
 正可用彼術以銷售彼國近來中國頗追仿景泰藍矣而於法現尙未留意景泰藍有日本
 之七寶燒精緻駕我難與競爭不如更加意於法現法現本不必大件俄國所最重者教門
 諸品而外為鹽碟鹽匙俄國專製此種於極尊貴之此物法現為多至各國通用之品如煙
 卷匣客室小陳設婦人小飾件及飾匣又寫真匣極小製於食巾圍時計側之類物小易成
 不勝枚舉 九曰宗教用品俄人信惑宗教不但在英德之上并在法國之上莫斯科及計
 故元人無貧富必願竭資以奉教士教士所得本豐又藉教堂中物用美觀與己身服裝華
 麗以招徠士女均有一種不惜資財窮極富麗思想苟於此富麗品物為繡為織為繪為雕
 為鑄為燒莫不精益求精以博善男信女之購獻以博教士之購耀必可獲利其花繪宜悉

商 游

用教中故事

如耶穌在彼及有像等事 用教中標誌 教中無處不用十字架然其

超之十字架不出其十字架非與耶穌才字形 專事研究以待銷售必為俄人所大喜其國

上自宮庭下至工作負販莫不喜售教物 此物必不 即如春

令有所謂耶穌復活之節 俗呼 前期一二月即徧市上食物用物小兒玩物友朋饋贈物

上獻下賜各物或精 糖者如俄皇每歲贈其金 或粗 蛋兒玩一紙 無非盈千盈萬之雞蛋形

其質則紙布木石無一不可其工則雕印繪繡無一不有此數日中全國人民莫不如狂如

癡購此雞蛋形物其愚可晒而於商務上不可謂非絕大財源 十日罐藏食物食物罐藏

本遠征隊所用 如探訪 不過肉類蔬類數種而已文明日進人之嗜慾亦日深此方之人往

往喜彼方食味而苦鮮味之不能遠致貿易者思有以通之於是罐藏之學日益精罐藏之

物亦日增我中國動植繁富廣東人已學製甜味果品及魚雀等項矣若南省山鄉之筍之

菌水獮之蟹之蝦 二者均 之魚 魚用尤紫湖北鱸魚 之鱉 雖為四味所尤珍用以為湯

廠以致遠而日本 皆可以極廉之本營極厚之利遠可運銷於歐境近亦可運赴東三省

補俄人食品之不足 十一日雜貨大項貨物之外凡骨角毛羽下至竹頭木屑無不可化

無用為有用要在善用靈機於摹仿中出新奇乃可於輕本中獲重利既須善驗人情所尚

又須善驗氣候所宜日。本人之言曰：東製漆器美矣，然在中國北京則易裂，東織絲布美矣，然在南方閩粵則易霉。即如我輩定竹制大小均可，空圓但可小，件不宜酸配。又西方貿易學者之言曰：凡其國婦女不入市，親自購物則其國商務必不盛，商智必不開，緣婦女心細喜挑駁，選擇經商者正可因挑駁選擇而增長其知識。西俗婦女乃吾商界上第一之研究所也。況市肆百貨十之七為婦女所需，我商人苟於此潛心貿易之術，思過半矣。十二曰：燒酒燒酒不克以土貨相比，例而確是土貨，此東省固有之利。高粱富釀酒之材，為俄人所極嗜，無如為俄例所嚴禁，向禁不准由海參崴入口，不准由恰克圖入境。自今以後，恐將禁不准在東省造釀矣。俄例本國燒酒專歸政府售賣，又酒中每百分之六十為水，四十為酒，其意欲於羣嗜無可禁止之中，暗減其劇烈之性，以增其銷售之數，且為課稅之一大宗。俄國政令強施，東三省者不一而足，其不許我東三省人私自釀酒售賣自在意中。然俄人無人不嗜酒，而軍中為尤重，軍中無人不嗜燒酒，而官長為尤甚。我東省為彼兵民之羣聚地，彼尙欲辦理移民，他日源源而來，燒酒安有不廣銷之理？我商人若以本土之材料做俄例配合原料若干酒精若干水質若干，以請託妙用投俄人所慣喜者，以買有造酒之權，雖不能運入悉畢利，以西但期彼在我東省之兵民就地飲酒，我民間生計已不少矣。凡此皆

謀廣銷土貨之策其營業全賴資本而成物全賴人工所施全賴圖樣中國圖學久絕
 救商無藥然三年之艾不求更無從著手今欲培植商材舍圖學奚自西方學資鉅而學期
 延我商人力不逮而時莫待四顧全球仍宜從日本工藝美術學校中先儲人才二三年後
 令此項經過學途之人材游歷歐美一週益廣見聞乃可於改良事做二途有所藉手中西
 風尚相左太甚非以日本為階梯斷無一蹴可幾之理此我商人所最宜潛心體會者也總
 之集資本精學術乃我商人分內事至於對內則有本國之商法對外則有國際之商法荷
 一不備即於商仍有損無益此固非期年而月所能成立而編述草底以冀於商人有切實
 利益是非仍從我商人漸漸創議不可亦商界中一絕大關鍵也 至於中國商路在俄國
 每年向例僅有少數之船在上海漢口受載茶葉駛回其阿壘薩海口俄國所轄茶葉甚多
 不甚載他項貨物近年有東方鐵路公司之輪船數艘來往上海天津一帶以相聯絡其旅
 順鐵路運貨章程諸多未善故貨物仍未暢運究不如英法德美各國之注重於商路也我
 國果欲販華貨出口赴俄則水路運費雖廉而彼海關稅重勢必無利可圖我與俄商議
征例自不如陸路之運費雖昂而可得陸路免稅之利茶有專例俄商及各種雜貨所陸路
必商之中若由營口關或大連灣之新設關而入其鐵路無論中國成例於出口貨概行征稅尚

未行保護本國之法加以此二關均名爲華關實同俄關俄關本尙苛虐其婪索久著名於環球雖不能豫決戰後二關情形如何然究不如用俄商運茶陸路出張家口經庫倫恰克圖而入彼之伊爾庫次克大市再轉而西雖時日久運費昂而一可免營口或大連灣俄人之虐二可叨陸路免稅之利此一路本晉商慣路初非竟不可行是在商人自己注意矣又向來中俄商約章程均於俄人一邊謀利益初無人語及於華商今若欲於商約中明定華商運貨章程恐貨未運而彼先疑懼百計設法阻難是宜於商約無意中淡淡著筆暗爲張本或冀於商人有益言非一端約略舉叙如右

商部接見商會董事章程

中國自通商以後商務日疲說者咸歸咎官商之情不通而公家亦向未講求保商之政地瘠勢隔措手何從且商與商心志不齊意氣不合往往同操一業非但平時痛癢各不相關或反而傾軋排擠祗圖利己不顧損人若不亟行聯絡設法保護正恐商務之壞不知伊於胡底今本部奉 旨設立屢承保商之 詔且夕孜孜力求所以上答 宸厪而下酬衆商之仰望者爰思商何由保必須先通商情情何由通必須先聯商會商會者並非本部強令各商聯合不過使各商自相爲會而由本部提倡之保護之使商與官息息相通力除隔膜

之弊蓋泰西商政通都大埠商會林立凡商務切己利害之事無不隨時聚論考求精當年盛一年京師雖非通商口岸而首善之區本根所繫即命脈所關果能同心合力首先舉行商會聯絡以爲各省之倡率則我中國商務之振興其樞紐實繫於此本部實有厚望焉

計開 一各商各業操術不同即情勢迥別商會章程即令各商業中自行擬議蓋在商家無論大小本有同行公議之所商會即是此意現不妨就原有條規作爲底稿各商董悉心斟酌或增或減大旨以同心合力互相扶持爲主定稿後送呈本部核奪存案或有未妥由本部傳令該商董來署面加討論會同酌改總期於曲體商情之中務令遵行無礙歷久不渝始爲盡善 一各商各業應各舉公正紳商數人呈遞職名來署謁見作爲董事以後所有商會一切事宜即由該董事與衆商會同籌議悉心擘畫 一本部設商會處一所另派專員接待各商董嗣後來署討論一切事宜或呈遞條陳均由商會處隨時回堂酌辦俟定議准駁亦由商會處傳知該董事遵照辦理 一各業中如有體面巨商欲進謁本部堂憲面陳議論者即自行來署先赴商會處呈明來意由商會處隨時回堂接見絕無阻遏惟於議論商務外不得別有干求之事 一各業舉定董事後商會處即將各業各董銜名註冊存案各商會應訂定常會特會名目會議時如有建白或有特別要事即行赴部陳說至市

面行情亦應隨時開送本部若有要事亦由商會處傳知該董卽行來署毋得延誤 一各董事常川來署不必定穿公服本部門皂等役不准稍有需索留難等事倘有阻遏該董事儘可直言指報由商會處送交司務廳嚴辦至於各董事潔身自重亦不可私相授受以市小惠致啓需索之漸 一各商舉行商會以後如有商家條陳何利可興何弊可去若者宜辦若者宜停均由商會處交與商會籌議稟覆凡稟覆各件亦不必拘以公牘體制祇須字迹明淨蓋用某業商會戳記送至商會處轉行回堂分別辦理 一以上各條該董事等均係體面商人務須明白專爲商會而設萬不可視爲出入衙署冀通聲氣之路凡呈遞稟函不關商會之事及有別項詞訟仍行一概送至司務廳聽候批示准駁以清界限以杜流弊

商部議派各省商務議員章程

一各省既設商務等局應由該省督撫於候補道府中擇其公正廉明熟諳商務者出具切實考語造送履歷清冊到部由部加劄委用作爲商務議員以專責成 一商務議員應以各該局之駐局總辦派充其領銜遙制者毋庸兼充設或該局並無總辦僅以提調駐局兼攝諸務者該提調亦准充商務議員 一商務議員遇有公事准其逕行申部聽候辦理一面仍應詳報本省督撫查核 一商務議員有提倡考查之責凡屬農工路礦應興應革之

事務當悉心體察隨時報部以祛壅蔽而挽利權 一商務等局如應派委員分歷各處考查一切由商務議員於本省候補州縣中揀選稟明督撫核派一面隨時申報本部 一各省土產生貨若干價值若干何者暢行何者滯銷何者可以改造熟貨何者當設法改良按期分門別類詳細申部 一各省洋貨輸入土貨輸出各若干價值若干分門別類按期詳晰申部 一各省農工商諸政每年按四季詳報年終彙報一次 一各省已辦農工商諸政若局廠學堂公司等項無論官立私立均須按前次通行表式詳填申部 一商人如有具呈商部者可逕報商務局由商務議員標明年月日寄部無須節錄原文另牘詳報以期迅速其有公司註冊等稟呈亦均照此辦理若各埠已設商會商人即投呈商會由商會總董寄部亦可惟商標註冊應由海關轉寄者不在此例 一商人如有設立公司無論何項由部批准註冊後劄知商務議員應任切實保護之責仍遵照公司律辦理 一各省農工路礦等公司遇有窒礙難行之處或旁人阻撓或各衙門需索規費應由商務議員認真考查迅速申報本部以憑核辦 一商人稟呈事件如係毫末爭執之事應由商務議員設法排解以免涉訟其事關重大以及勗立公司等件均應申報本部酌核辦理 一商務議員既予以提倡之權凡各省均應遍設商會已辦者極力推廣未辦者迅速振興遵照商會章

程隨時辦理至商會集議之時各該議員應隨時親臨以期聯絡商情祛除壅隔惟不得任聽從人吏役於會中稍有需索並不得遇事鋪張致滋糜費 一遇出洋華商回華如有被人訛詐及中途梗塞者由商務議員切實保護迅為理直如有扶同舞弊者一經覺察由本部嚴參 一商人創立公司集資雄厚者由商務議員查明報部按照獎勵公司章程辦理其有克建實業獨據意匠者亦應隨時報部酌擬獎勵以昭激勵 一商務議員與本部有直接之關係尤宜詳稽功過其有留心商政考究詳盡見諸施行者如果三年始終其事由本部奏獎一次如有敷衍塞責漠不關心者亦由本部奏明議處 一該議員除以上所列按年按季及應辦事宜詳報外倘有特別事宜或有推廣商務有裨商業各條陳應隨時各抒所見呈部察核

兩廣鹽務有限公司章程

一本公司擬集股二百萬元分作一萬股每股一百元認股時先交定銀十分之一開辦時再交股份十分之四下餘十分之五分作兩月交清 一股票蓋用督院關防運司印總局關防三顆以昭大信 一本公司設立省城總局一處電茂分局博茂分局茂暉分局雙恩分局大洲分局橄白分局淡水分局碧甲分局海靖石橋分局共九處 一本公司所辦鹽

務生意悉遵現定之鹽務新章辦理不得有違 一鹽務現定之新章如其中詳細有須隨時變通之處今其大致與新章無所違背即准其會議參酌變通辦理 一本公司老本擬計週息八釐年終憑摺支取 本公司承認收買場鹽運赴省局轉發各商行銷每年除原日行銷之正餘鹽一百萬包仍歸還運庫不計外其餘無論行銷若干核其每包應由鹽商繳交餉雜之數悉數作為餘利 一本公司應得每包餉雜之數先儘除正本利息八釐下餘無論若干酌提六成歸官四成歸商作為公司股分之餘利 一新章改定之每包局費一錢公費一錢四分每年除支銷外尚餘若干應連運庫之一百萬包合併計按包攤分其公司項下應得之數仍按官六商四分派 一本公司積有餘利每股應派若干到時公議惟公積之數至少須撥留二十分之一至積至公司股本四分之一數方可停止 一公司舉派總理董事及各項職事之人應按股份之多少以定任事之重輕其有招集股本千股以上者准舉總理一員百股以上者准舉董事一員其餘任受各職者須有股份一人二十股以上者方准出名保舉 一保舉各項職事之人如有經手銀鹽虧挪之事唯原保人是問 一董事任事以一年為限如有期滿眾股東以為勝任可於會議時公舉續任倘辦事不安不孚人望眾股東亦可隨時會議開除 一每月會議至少一次會議時從眾決定

如衆股東可否相等則總理可以專議決之權 一每年結帳衆股東可以議派查帳人數員查核相符方能畫押作准 一每年結帳經畫押作准之後應將全年收支數目列冊呈報並造徵信表分示各股東以昭公信 一附股人無論有無官階及官階大小均祇認爲股東一律看待其應得餘利暨議決之權以及各項利益各股東一體均沾無稍立異 一本公司均係實股並無給予紅股之人 一股票准其任便轉賣惟承買之人須赴公司總局註冊方能作准 一承買股票業已註冊作准之後所有權利與創辦時附股者無異其應有之責成亦與衆股東一律承任 一本公司承辦鹽務本屬中國內政外人不得干預凡附股及轉買股票之人祇許中國人承受倘有外人詭名私自買受者概不作准 一本公司所行之小股先由總局發回印收俟開辦時再交十分之四之後然後由公司發給股票息摺換回收條交付股東收執如到期不繳股銀應通知該附股人限期半月逾限不繳即將所認股數另招他人接受所交之定銀不得取回 一本公司認辦十年所收股本俟辦理三年之後第四年起至第七年止每年由官息六成之內提還股本一成第八年起至十年止每年由官息六成之內提還股本二成所有逐年分還之股本其老本利息應按年扣還歸官至一切餘利仍照第八條之章程辦理 一十年期滿還清股本之後再准接辦

或退歸官辦到時酌定

各省商務彙誌

京師 美使要求外務部請將江甯開為商埠 商部奏請上海漢口設立商務局一節已蒙 俞允飭令兩江督鄂督 選派通達時務熟悉商情人員委充總辦遇有開辦礦務興築鐵路等重大事件仍由該局稟請商部定議 北京之德 律風前由某國商人承辦現亦收回自辦不論官民凡裝設者均不須費

直隸 天津北馬路考工場內多天津教養局北京工務局之物不拘何商皆可送物比賽並給以票十枚可以隨意出 入至他人往觀者須以銅元一枚購票觀覽出時交還

山東 濟南東門外五里溝地方議定開埠所定界址東西長六里南北長二里計十二方里擬由商務局收買入官無 論中外商人均須由局租地建屋 有德商購人髮於濰縣上等髮每兩京錢六七百文下等髮值四五百文

河南 黃小園司馬擬開紡紗廠聞已籌有的款函約府廳州縣各集股銀百兩交存義公票莊代收初議三釐行息一 俟開辦常年五釐起息

江蘇 張季直殿撰條陳鹽業公司一案茲悉由張殿撰湊集股本銀十萬兩創設同仁太公司就通屬呂四場先行試 辦並將試用日釜浙盤試築鹽田設廠聚煎改用煤煎輸運各節呈請鹽政衙門立案當蒙江督批准先就呂四一場權 為試辦

浙江 近有丁憂直隸候補道徐觀察爾毅等擬在杭紹二郡創辦衛生公司設立冰廠備有造冰藏冰二種兼行銷售 茲已籌集股份二百股每股一百元即擬在紹開闢藏冰廠地購辦製冰機器俟辦有成效再在杭地建設廠所以便透

漸推廣

四川 日本竹川與江津卞小樞主政來川開辦商務已於宛子背設火柴廠一所

廣東 保險公司爲商界絕大利源邇來內地投保火險者日見發達各行雖有公共保火燭公司之設然未能聯合大羣利源仍多外溢且賠償間有吃虧現聞各商董提議設立一大公司兼保水火險擬合力組織訂定完善章程稟由商務局主持其事以挽粵商利源

各國商業彙誌

韓國 漢城電氣會社由韓國宮內府與美人科爾坡蘭訂立合同其款七十五萬元係由模司德克支出已定於六月二十日開始其事定名爲韓美電氣會社聞韓政府已派出宮內官數名協理

日本 日本之滿韓起業同志會乃井上角五郎雨宮敬次郎日比谷平左衛門氏等所倡設會員既達百六十五名之多其目的有三一調查滿韓各地所有事業種類二滿韓各地所有本邦人未竟事業其合本會宗旨者本會當盡力講究援護方針三對滿韓各地有望事業率先投資本

美國 近來各處商務之進步推坎拿大爲冠計進出口貨較五年前增多百分之六十五美國增百分之三十三若英國則僅增百分之十九耳坎拿大與各國貿易之數以丁口計之每人得美金八十三元若美國則每人均算得三十五元坎拿大之歲入每人得十二元半弱歲出每人得九元半強美國之歲入每人得七元零七其歲出每人任七元強坎拿大之公債每人負美金六十六元若澳大利亞則每人已負美金二百三十元上年坎拿大海上海商業竟至美金四萬五千一百萬圓之數較日本多倍餘幾與俄將其出入商船噸數亦較日本爲多俄道里數已及俄國之半

商務

一百四十一

甲辰

各國賽會彙誌

印度之孟買消息印度第二十四次會議以本年十一月十三日爲始迄於十八日即於孟買地方開設農工勸業博覽會其出品則始於九月二十三日迄十月二十九日一律齊備

美國 舊金山各業領袖開會決議俟巴拿馬運河竣工開設太平洋博覽會與世界博覽會相同

僑民商業誌要

澳洲 當光緒十七年時澳洲六省約有華人三萬八千零十一名自禁例既行人數銳減十年中已減少八千餘人此後來者少而去者衆商業益不振今將光緒二十七年調查華人之實數開列於下烏修威九千九百九十三人坤士蘭八千四百七十二人域多利六千二百三十人西澳省一千四百七十五人南澳省三千二百五十三人他士免那四百八十四人共二萬九千九百零七人澳洲政府日持白澳洲之主義以驅逐華人爲唯一之政策以十年來之比例觀之吾華人在此者日漸墮落約每年遞減十之一倘吾國不自振勵則再俟十年澳洲將無華人之跡矣

美國 有華人二百十名在緬羅內地方拘留八閱月近已離開此處經滑痕苦耶島美國西方前往香港其意蓋欲令華人在該處之貿易永遠停止聞此事涉訟已久今始由其上官預定此例因緬羅內一地係華人往美國之第一重門戶該處華人商務已有可觀故有此禁

宗教

論疆臣之迷信神權 錄九月初四日嶺東日報

日前皖撫誠勳請加城隍封號。署川督陳璠請加寺僧封號。署粵督請頒華光匾額及龍母封號。均遭禮部斥駁。噫。若該督該撫。膺方面之寄。負兼圻之任。而識反不部。臣若斯亦一怪現象矣。此事雖小而影響於社會者甚大。不可不察也。

夫神權之迷信與否。與人民智識程度之高下。成一正比例。觀於歐西各國。文明發達。哲學日昌。科學日精。而天堂地獄之說。掃除殆盡。無他。虛與實不相容。實學既明。而虛渺怪譎之談。不攻自破。中國數千年來之毒。正在務為玄虛。而不求實際。不獨神權為然也。迷信。形家之言。炫惑堪輿之說。藉先代之遺骨。丐後嗣之福。應視地方之興。作為禍福之朕兆。其現象遂有如張之洞。填塞蛇山。各愚民毀拆鐵路。阻撓開礦之種種活劇。斯亦迷信神權之流亞也。又或煉形導氣。以冀長生。書符誦咒。以召鬼物。封神演義之學。問浸灌於髓。海其現象。遂演出義和團之滔天大慘劇。斯又迷信神權之歧派也。嗚呼。實學不興。崇尚虛誕。窒塞民智。礙文明之進步。若之何。猶不破此迷信乎。夫兩晉之清談。六朝之虛玄。晚明之狂禪。猶足以

毒蒼生而覆家國。矧今日競爭劇烈之世界。有表率斯民之責者。宜如何提倡實學。膺淪民智。剷除虛謬。身爲民率。矻頑俗而導以新機。且職任疆圻。事繁責重。孰者利之當興。孰者弊之宜革。勵精圖治。猶懼日不暇給。乃爲此不急之務。爲諸神請封典禮部之斥。駁不亦宜乎。夫表端者影直。風行斯草偃。上爲之倡。下必甚焉。感孚之捷。有若影響。一定之理也。蚩蚩何知。以爲煌煌大吏。猶視此爲莫大之重典。彼小民之迷信。不益甚乎。且粵人之迷信神權。尤甲於他省。而銷耗亦最鉅。爲患亦最烈。迎神賽會。幾於無一鄉而不舉行。無一歲而不舉行。費之鉅者。動逾鉅萬黃金。虛牝曾不顧惜。遂至銖積寸累之公款。歸諸烏有。若以之育才建學。創興工藝。其爲益豈淺哉。以有用之財。而銷於無用之地。可惜一也。每至秋高氣爽。則建醮以禳火星。夫免火之法。莫妙於多設機器水龍。倡行公共聯保火險。吾見向者公善堂發起公共保險之議。倡之數年。各商人遲疑觀望。卒底無成。而禳火星之醮。則連年不絕。夫火乃藉淡養二氣。而能焚安。得有一星以司之。而禳此星。即可免火。哉。高蓋篷竹。遍燃燈火。適足以速火而已。愚不知變可惜二也。以合省而計。不下千萬戶。一年中每戶媚神之費。扯計當不止一元。每年此千萬有用之金錢。或創公司。或設銀行。或爲建築鐵路之資本。已足與全省無窮之大利矣。而乃化爲灰燼。付之東流。恬不爲怪。可惜三也。

凡此皆社會之弊俗所亟宜改革者也。而改革社會之弊俗，皆地方有司之責也。今乃不思改革，反爲提倡，不止其沸，乃揚其波，教孫升木，是豈通明賢達之有司所爲耶？

論中國教案之原因 錄九月十八日警鐘報

近日以來中國教案層見疊出，小則失財，大則失地，而教案一端遂以促瓜分之禍。吾謂此非宗教上之關係，乃政治上之關係也。何則？統天下各教之民，固以基督教民爲最衆。然自拿破崙變法後，西國政教判而爲二，法奪教皇之權，意奪教皇之地，羅馬既滅，教皇徒擁虛號，而德國君相裁抑教民尤甚。至於近日，法人復分設政教，以絕好於教皇，彼固自知教之不足重，無所瞻徇於其間。若中國則不然，自中西訂傳教之約，泰西各國動以教案相恫喝，而教案乃益蠶起不可止。其故何哉？蓋中國教案之起，實由政治而牽涉於宗教。何則？異域宗教入中國者，有佛教、回教，亦嘗廣布經文，建立祠宇，而中國人民絕無仇教之舉。至耶教入中國，則民教不和，釁端屢啓。雖由一二愚民之煽惑，如維教堂有荒然亂之所起，夫豈無因？中國自庚子以後，國用所出以賠款爲大宗，賠款以外又以行新政、建學堂之費爲大宗。於是各省以內莫不抽捐加賦，暴斂橫征，而一二不肖之官吏復將肆分外之誅求，列無名之賠補。此在富饒之境，尙或難堪，況窮陬僻邑，地小民貧，又旱潦告災，凶荒屢屆，小民歲入

幾何而官吏之斂財不聞少止愚民不察以為此皆斂吾民之財以供外人之用者也而仇外之心油然而生矣仇外之心既生而外人居留境內者舍教士而外其數甚稀於是萬矢之的乃集於教士之一身又奉教之民橫行鄉曲每假教士之威焰欺壓平民而民教構訟復租教抑民如教時不跪不敬民不收禁之類而官吏之斷訟莫不抑平民而直教民平民積不能堪憤而思逞偶經煽惑則從亂心生此中國教案所以由於政治之不善而非由於爭教也爭教若三十年戰爭是若西人之對於教案也亦因宗教而涉及政治吾觀教案既結其關係於宗教者僅建設教堂優禮教士數款耳而索賠以外或要求割地或爭索實權如路礦蓋西人之窺伺中邦歷有年所而教案之生適足為西人所借口夫何惜犧牲一二神甫以謀權力之鞏固乎故愚民之鬧教乃中國之大不利而實西人之大利也要而論之中國之教案實非因爭教而起者也傳教之士非有利瑪竇之學識也奉教之徒非有徐光啓之才技也攻教之人亦非如楊光先之誠摯也蓋教士之中非無熱心傳教之士然西國無業游民亦多借傳教以謀衣食此皆不工不農不勞之徒於彼國又一無所用故用以為重矣教民之中亦非無一二博通之士然內地之入教者又皆游手無賴之徒恃入教之名以達其作奸犯科之欲至攻教之徒以一時小忿累及羈黨其愚必不足論矣由是言之教士者西國之莠民也教民者中國之莠民也攻教者

亦中國之秀民也。三者相翼，乃成禍亂。而今之涉教案者，大抵多陳兵衛名曰保護，多張告諭名曰撫綏。一則懼西人恫喝之威，一則甚惜其身家妻子，而不敢以官爲徇。迨事變猝起，張皇失措，民以冤死，官以罷職，而索賠之款，復分取於士民，致人民仇洋之心，日益加切。鬧教之案，遂無已時。豈不哀哉！即今之稍有智識者，謂中國教務宜由教皇遣使管理，一有教案，可以免各國藉端要求。然此猶宗教上之關係，而非能清教案之源者也。欲清教案之源，當以不斂財爲本。試觀鉅鹿之亂，舞陽之禍，孰非由賠款而起乎？即觀於近日之教案，若樂平之禍，由於旋捐龍泉之案，由於商捐而施南之亂，亦大抵由於赤旱千里，民庶日貧，激而爲鬧教之舉。故斂財者與鬧教有密切之關係者也。有斂財之因，即有鬧教之果。今歲之中，斂財之數最多，而鬧教之案亦最衆。比較而觀，可以知其故矣。此教案之出，所以由與宗教無涉也。

讀某君孔子生日演說稿書後 錄九月初三日警鐘報

孔學傳於中國二千餘年，而誤者多，稱爲宗教，倡保教者，南海康氏之說也。倡攻教者，錢塘夏氏之說也。而新會梁氏又言，保教非所以尊孔，孔教不因保而自存。惟餘杭章氏作儒術真論，據墨子孔子無鬼神一言，以證孔子不崇迷信。據前三說觀之，雖立說不同，然信孔子

為宗教則一也。據後一說觀之，則固疑孔子非宗教家矣。鄙人平昔宗旨，力主孔子非宗教家之說。曾作論孔教與中國政治無涉一篇，以暢其旨。今觀某君演說稿，益信鄙說之不孤。試即其說申明之。蓋孔子非宗教家，其證有四：一曰孔子以前中國久有宗教，中國儒教起於祀先，故教字從孝。孝經曰：夫孝，德之本也。教之所由生也。此其確證。繼因祀人鬼之故而並及天神地祇，故中國古代有祖先教。是百人有死有多神教。拜物教。是因不明萬物運行之惟鬼神二字足以包括而一切祭禮。為新舊之雜見於禮記祭法爾雅祭名者，則古代宗教之代表也。是皆孔子以前之教。其證一二曰孔子未立宗教之名。孔子所著書，偶有言及教字者，皆指教化教育而言。君施於民者為教化，師授於徒者為教育。說文教字下云：上所施下所受也。此即孔門言教字之的解。至孔子之論宗教，大抵在疑信之間。故於古代鬼神教不敢深信，其有亦不敢力闢其無。觀孔子言鬼神而遠之，言未嘗蓋經數千年社會之迷信，而又無科學以資實驗，不得不仍襲其說也。故孔子所著書亦多沿古代鬼神之說。謂之襲用，則可謂之自創，則不可。若災異之說，亦非由孔子發明。西周之時，其說已盛。故其至漢儒讖緯之說，決非由孔學而生。古代鬼神教至東周戰國時，由術士一派變為神仙。

方士一派。至西漢既興。以其說參入儒道二家。入儒家者為讖緯。入道家者為符籙。如公玉

則讖緯乃古代鬼神教之派別。決非孔子學術之派別也。其名高足以啓世之信耳。又孔子

之名未立。漢書藝文志列儒家為九流之一。稱儒行家不為儒教。則儒家與名法道德固無

特別之異點也。東漢之時。讖緯大行。始有孔子改制受命之說。出於西漢。然斯時仍未有孔

教二字也。至牟融喜說釋典。始以儒道與釋道並稱。然道字指學理言。非指迷信言也。六朝

之時。釋道漸盛。張融之徒。始以儒學與老釋並創立儒教之名。與老釋二教鼎峙。為三自此

以還。儒教之名始立。如謂孔子即立宗教。則荀卿為傳孔學之鉅子。何以又力破迷信乎。其

證三四曰。中國普通人民。並非崇奉孔子。中國之宗教。由古迄今。皆鬼神教之支派。當戰國

之時。術士一派既興。至於西漢。又成讖緯符籙二派。占驗術數者。讖緯派之支流。神仙派者

符籙派之導師也。至東漢時。而符籙一派盛行於下流社會。張角之天書。張道陵之五斗米

教。皆符籙派也。神仙一派盛行於上流社會。魏伯陽著參同契。葛洪著抱朴子。以言養生之

秘法。皆神仙派也。至於六朝。兩派合成一派。寇謙之陶宏景皆並用神仙符籙兩派者也。然當此之時。佛教盛行於中國。而道家符籙派

宗教

六十九

甲辰

復與讖緯中占驗一派相通妖妄之民又飾佛家密宗之說欺惑愚氓以天都謂俱會經所與道相合蓋由佛敎因果讖悔之說而參用中國鬼神敎之禱祈者也又元時信用西藏凡崇奉佛敎節以中國鬼神敎之思想附會成書又欲牽合孔子以循用中國倫理學現上喇嘛本朝入關亦崇黃敎此種敎旨信靈驗而尙禱祈蓋由佛敎之密宗而又參用道家之符籙者也此三派者傳至今日大抵又合爲一凡白蓮教八卦教在理教殆兼用此三派者也即一般人民亦無不崇奉此三派者也試觀今日中國人民人皆祀祖先人皆祀太上老君佛菩薩等無不敬畏者爲中國人民悉奉張道觀或了凡之說國四百兆人民信之者殆有三百九十九兆此其驗也某曰苦樂二字耶穌之代表也覺悟中二字佛敎之代表也中國宗教無代表之若崇奉孔學不過由國家之功令社會之習慣使然非眞視孔子爲聖神也則孔子之非宗教確然可徵其證四有此四證則孔子非宗教明矣孔子既非宗教家則保敎者與攻孔敎者亦可息喙也故更即某君之說申明之

禮部奏遵議各督撫請加各神封號頒給匾額均請毋庸置議摺

內閣抄出安徽巡撫誠勳奏請 勅加穎州府阜陽縣各城隍神封號前護理四川總督陳璘奏請 勅加冕甯縣靈山寺靈僧封號署兩廣總督岑春煊廣東巡撫張人駿奏請 頒

賜順德縣華光神匾額 勅加德慶州龍母神封號各一摺均奉 旨禮部議奏欽此欽遵
到部查例載各直省志乘所載廟祀正神實能禦災捍患有功德於民者由各督撫題請加
封交議到部分別准駁又嘉慶十七年奉 上諭董教增奏陝西大荔縣九龍廟禱雨靈應
請加封號等語著禮部詳查一統志陝西大荔縣境內曾否載入九龍廟名目前代有無靈
蹟若只係民間報賽祠宇爲志乘所不載該部卽行議駁等因欽此今據安徽巡撫臣奏稱
潁州府阜陽縣各城隍神於咸豐年間髮逆圍城屢著靈應光緒二十四年渦陽小醜揭竿
起事自石弓山蔓延阜境該處士民每於夜間見有白面長髯紅衣神人率衆禦賊官軍乘
之遂得及時撲滅宜錫五等之封以慰萬民之望又護理四川督臣奏稱冕甯縣屬乾隆時
有僧悟眞募建靈山寺焚香梵誦療疾行醫圓寂後土人建塔祀之稱爲靈僧咸豐九年縣
東夷酋出巢焚劫見靈僧仗劍寺梁烽煙頓息同治三年髮逆石達開擁衆入境靈僧示相
城樓石逆震懾引去又廣東督撫臣奏稱順德縣屬龍山鄉廟祀華光神昔海賊張保率黨
萬餘擾亂境內衆情危懼乞庇於神是夜衆見鄉外燦列燈光賊疑有備遂卽竄退近歲疫
癘流行請神出遊四境獲安人心感戴又德慶州屬悅城水口地方有龍母廟水旱疾疫隨
禱隨應比年舉辦清鄉尤復大顯威靈迭助官軍擒獲著匪各等語臣等查咸豐同治年間

兵事方殷人心惶惑故各省疆吏往往於克復之後震懼皇靈歸美神助部臣默喻斯意亦多寬予請准蓋天討方張不妨神道設教所以定民志也迨光緒以來軍務肅清凡有張皇幽渺者即無不從嚴指駁以此防民亦謂慎之又慎乃猶有二十六年拳匪之亂人心好奇易動難靜概可知矣且城隍爲守土正神自明洪武時詔天下建立廟祀概稱爲某府州縣城隍之神而不用公侯伯之名號國朝因之制定祀典今安徽紳士呈請加封竟誤指爲五等封爵字樣地方官不知駁正率爲詳請殊有不合其四川冕甯寺僧如原奏所陳焚香梵誦療疾施醫亦止釋子住持之常羽流方伎之術律以西來初意尙與佛乘正典無涉至身後示諸異相語類不經更顯見爲愚民附會何足徵信至廣東順德縣華光神據揭送碑記署曰華光大帝原奏遂指爲司火之神考南州炎德實號祝融國朝禮神制帛類以方色凡厥正神固已著爲常祀今華光之稱不詳所自蓋只係民間報賽祠宇又德慶州之龍母神查方志載神溫氏女生於周秦間少嬉水濱有象龍之異沒而成神歷唐涉明廟祀益顯臣等恭讀高宗純皇帝御批通鑑輯覽於漢祖斬蛇神媪夜號一事卽深斥其妄龍母之稱得無類是雖樂史太平寰宇記屈大均廣東新語均著其說然文人墨客瑣記脛錄擬之正史益不倫矣臣等復深惟我國家崇德報功釐定秩祀明有禮樂幽有鬼神

所以昭德薦馨使民不倦典至鉅也然文武之道張弛異時方今末俗愚誣人心不靖自來各地方匪徒思逞往往以禮神賽會爲名潛相煽惑卽如原奏所陳轉據各士民稱誦類多譎詭支離爲薦紳有識所不道楚鬼越禮所從來久其端甚微其流宜禁豈可仰荷 褒榮諷示流俗且潁州府縣之城隍神德慶州之龍母神原奏聲稱昔年曾經請准加封在案固足以俯順輿情如果祈禱有應春秋報賽例所不禁記有之祭不欲數數則煩煩則不敬臣等公同商酌其各該督撫奏請 勅加封號 頒給匾額之處擬均毋庸議謹 奏請 旨奉 旨依議欽此

山西教案善後章程

近年各省教案層出不窮西士華官兩受其害此次公約因復重請中國 國家嚴定地方官教案處分各國之意以爲如此卽可永息教案也然何以本年各省鬧教之案仍復時有所聞足見永息教案之策不僅在嚴定地方官處分矣其中各種原因中西明達人言之極詳大抵教案之起固不能歸咎於教士亦不能全行歸咎於華官教案之弭不能不責成於華官亦不能不責成於教士山西教案已經議結民教嫌怨亟當力爲解釋以期此後永遠相安竊以爲解釋之法莫如破除教界華官固不得因是教民遂稍有歧視之心教士亦不

宜因是教民遂稍存袒護之心官與教士均無別白民教之見既平民與教民自無嫌隙可生果能一秉大公五洲萬國未有不相安者也否則民教之怨愈積愈深迨至一發莫遏雖取地方官一一嚴懲之而教會之受害已多矣茲擬善後章程十二條一爲地方官應盡之職分一爲教士應盡之職分一爲教外人與教內人應盡之職分分條詳列於下 一本境教士宜相孚以誠也京師總署即今之外務部以及各通商口岸之官吏凡到任年節慶弔等事西人必先行來署來必見見必答拜西官有慶弔等事華官往拜亦如之此後晉省府廳州縣各官之於教士亦應照此互相往來並令地方官到任時於循例閱城後即定期約同二三明達紳士赴城廂教堂拜訪教士將教堂內外履勘一周可使紳士無疑洋人有地窖害人諸隱事其距城寫遠之教堂到任後可先通函遇因公下鄉時便道拜訪平日既相孚以誠則有事商辦自不至於隔閡大事可化小小事可化無矣 二保護教會宜嚴爲責成也地方文武皆有保護教堂教士教民之責自應加意防範其距城寫遠之教堂並應責成該處紳耆社長鄉約認真防範保護如一年以內相安無事文武員弁各記大功三次紳耆社長鄉約等由該地方官酌獎三年以內相安無事文武員弁彙案奏請內獎紳士社長鄉約等由該地方官查明奏請賞給功牌頂戴倘再有焚搶擾害重案除文武員弁照約奏

請懲辦紳耆照光緒二十四年總理衙門通行章程究辦外所有社長鄉約人等一併提案嚴懲並將教堂所失各物責令該官紳鄉社等攤賠滋事匪首訊實後卽行稟請批示正法

三過境教士宜妥爲保護也查過境教士有傳教游歷之分然皆領有護照且必經督撫通飭各屬照約保護地方官遇有此等教士過境一面驗照妥爲保護一面知照下站一體保護至支應一節本爲約章所無此次因奉全權大臣電諭令於耶穌教士來晉議辦教案時官紳出迎預備公館酒席以示優厚然僅此一次以後不能爲例現奉撫憲札准外務部咨准各國欽使照會以西人入境但求保護無庸支應等因此後概照約辦理惟向來游歷各教士入境多不將護照交地方官驗明且有到境迄不具報者現在晉省民教猶未十分輯睦全在責成地方官妥慎保護推原條約先期知照給護之意原恐中外士民多有隔閡與其懲之於後不若防之於先法良意美尤宜切實奉行今各教士既不交驗護照又不報明入境地方官頗有無從保護之慮設出事故卽將地方官重懲亦復於教士何補應令各教士牧師於入境各路首站卽行報明以次挨傳下站用資防護而免疎虞

四交涉事件宜面商函商亦宜迅速也西人拜謁不事虛文託故不見往往失禮地方官遇有教士來拜必宜隨時接見商及教中應辦之事卽與覲面相商能行者斟酌允行不能行者卽指明窒

礙之處據理辯駁免致兩邊傳遞語言輕重失宜及有教民從中唆弄等弊或允或駁允宜直捷了當不可意存敷衍如實有事故不能接見亦必告以所以然定期前往答拜拜謁只用品片自稱敝州敝縣稱天主教士遇主教則稱貴主教司鐸則稱貴司鐸耶穌教則稱牧師因中國例京外官不相統屬者皆不用名銜手本按之條約主教等亦無統屬府州縣之權所有函商面商均應用平等格式不得用銜名致蹈恭而無禮之誚如教士有函請保護等事立即與之辦理函商他事亦如面商時斟酌允駁且無論事之能否照辦必須立即函復不可置之不理信面標題用某主教某司鐸某牧師字樣 五教堂教民宜詳細造冊也查總理衙門前曾通行各省飭屬查造教堂式樣處所各屬多未能核實造報此次教堂修復後與前又不相同更當重新查照應由局另頒冊式兩種造教堂者一華洋式樣二地基四至三房屋間數造價四教士姓名籍貫人數五執事及服役人數六器具財物七田地產業其施藥院及保赤堂等項並為標明照此填注造教民者一丁口數目二入教年月三生理事業四房屋地基五財物田產將此冊式樣頒發有教各廳州縣責成該地方官分別天主耶穌查造一存州縣一送洋務局一呈院署如查造之後該教民等或因事出教或病故或遷徙或有平民入教不免時有增減應由教士隨時函告地方官一面填注冊內一面申

報更正仍每屆一季重造一次以備查考而便保護 六教民有功有罪必一體勸懲也欲破除民教之見必於教民之有功者一體獎之教民之有罪者一體懲之以爲一視同仁之實據且查各國所訂傳教約章英約第八款云耶穌教暨天主教原係爲善之道待人如己自後凡有傳授習學者一體保護其安分無過中國官毫不得刻待禁阻美約第二十九款云嗣後凡有安分傳教習教之人當一體矜恤保護法約第十三款云凡中國人願信崇天主教而循規蹈矩者毫無查禁義約第八款云凡中國人願信崇天主教而循規蹈矩者毫無查禁懲治荷約第四款云如中國習教民人犯中國律令之事仍由地方官照例懲治比約第十五款云凡中國人願信崇天主教而循規蹈矩者毫無查禁綜觀以上約章可知應行優待保護者專係安分之教民其不安分之教民仍應由地方官懲辦也中國秀民最多往往藉入教爲護符橫行鄉里教士受其朦蔽仍予優容彼平民不知教士係受秀民之朦蔽而復如此優容也遂疑教士有意袒庇於是以憤恨秀民之心遷怒於教士而鬧教之案起矣是故欲永息教案地方官不但應優待教中之良民並當嚴懲教中之秀民除秀民即以安良中外同茲公理也地方官遇有此等秀民必須按律懲治仍一面將其犯罪情節違背教規之處函告教士屬其飭革各國教士皆明達君子斷無袒庇秀民之理果能事事持

平彼平民亦豈真樂於鬧教哉。以上六款係地方官應盡之職分。七教民詞訟教士不得干預也。查教士不得干預詞訟約章本有明文無如不肖教民往往一經呈控身不到案輒以一面之詞砌聳教士之聽諸教士多係熱腸爽直之人最易爲其所惑不免信其誑言向地方官請託夫請託之意不過慮教民之遭冤抑耳不知該教民之理果直地方官萬不能判之爲曲固無待於請託即使地方官偶爾判斷不公該教民儘可赴各上司衙門呈控決不至終遭冤抑教民不出於此而必求教士爲之請託者是其自知理曲不問可知各教士倘未能洞察教民之奸受其播弄輕爲請託地方官固可按照條約置之不理萬一地方官竟徇教士之請以教民之曲者爲直勢不能不以平民之直者爲曲教民固快心於一日平民則飲恨於終身怨毒日深禍將莫測是請託一事地方官不聽則傷顏面地方官而聽亦伏禍機設身處地爲教士思之甚覺此舉之無謂也爲永息教案計莫如遵照條約民教詞訟教士概不與聞曲直是非一聽地方官秉公判斷倘判斷不公可由該教民自赴上司衙門伸理再口外去歲釀禍之重實由民教爭地爭利積致猜嫌即如豐鎮一廳教士干預租地如劉拯霖孟仕仁等案者固已不一而足托克托城亦有因水利爭訟之案殊不知地皆教民所種與教士無涉而該教民等則必假所倚仗者冀遂貪奪之私不塞其源禍何由

息此後口外遇有民教地案只准教民具呈教堂不必干預庶可以杜無窮之患收相安之效大凡爭禮爭俗其怨尤淺至於爭利則害有不可測者此所宜預爲之計也 八教民有罪教堂不得隱匿也教民詞訟教士概不干預矣乃有時教民犯法一經官府拘拿即投身教堂隱匿吏胥無從詰問教民因有此護符恃教愈甚犯法愈多而貧民之負屈含冤者終無伸理之日因而互相傳播疾視教堂釀成鉅案如上年托克托城廳卽因教堂隱匿身犯命案之教民遂至民教互相仇攻殺斃教士及教民多命是其明證此等情形教士先或不如此後應嚴行稽查如有教民犯罪經官拘拿者教士不必過問如該教民向教堂隱匿卽由堂中查出送官不獨可以保全教中聲名且可解釋無窮仇隙 九平民如有訟案未結暫緩准其入教也中國人因信教而入教者固多然因訟案而入教欲恃爲護符者亦所時有雖入教後其訟案如何教士仍不干預然不俟其訟案結後卽貿然收錄則不足以絕莠民之希冀仍無以保全教會之聲名如各教士慮如此辦理則入教者少不知此人果因信教而來則結案後仍可入教不至爲教中生阻力也若此人於訟案結後卽不入教則其當初願入教之心並不因信教可知不因信教而願入教則其心無非欲恃教爲護符可知教中濫收此等莠民人數愈多敗壞教會聲名亦愈甚夫各教士來華傳教者蓋將以昌明

西教耳若明知此等秀民足以敗壞教會聲名而仍濫收之度亦非諸教士之心也此後如有入教人民應由教士詢明有無訟案倘有訟案未結暫緩收入 以上三條係教士應盡之職分 十地方凡有公舉民教須一體會商也省外各州縣村皆有社社皆有廟以鄉約社長主之有事則與合村會商而教民不與焉夫民教所以不和之故皆因人民先分門戶而教民亦遂自分門戶先爲冰炭繼爲仇讐殊不思平民教民所習之教雖有不同實則同是 朝廷赤子同是同村同社之人何得妄分門戶前者拳匪事起教民入社置酒請客以求保護民教爲之一和可見門戶之見一融卽無不能協和之理應令此後村社中有會商公舉及辦理地方一切有益之事教民主政者卽由教民邀集平民一體會商平民主政者卽由平民邀集教民一體會商不得各分門戶惟酬神賽會等事教民例不與聞平民仍不得強令會商致滋抑勒 十一地方應用公費教民應攤應免宜遵照向章辦理也查賽會迎神各費教民一律免攤久已奉有明文然地方公用不止敬神一端且同治元年諭單內載明如有差徭及一切有益等事亦應照不習教者一律應差攤派覆查歷次辦過成案如鉅鹿縣之捐助文廟工程霸州之修築堤埝工程皆係民教一律捐助此後晉省遇有籌集正項用費及捐助地方一切有益之事教民均應一律攤派使平民視之知官於民教不分

厚薄即可默化畛域之見出錢有限消患無窮至鄉社春秋報賽演戲例所不禁該教民各守教規向無出演戲錢之理其間亦有狡黠之徒吝於出錢勇於觀劇以致平民指摘種怨愈深此後各牧師教士應傳知各教民不得觀劇如有逾違准該鄉社報明教士等議罰以爲違背教規者戒

此條教民者一節似應變通辦理 鄉社春秋報賽演戲固例所不禁而約章所載凡迎神賽會錢文教民一律免難久已奉有明文但教民雖不出戲錢而眷屬多有在場看戲者嗣後各牧師教士應傳知各教民不得觀戲各家屬有願觀戲者一律攤派戲錢以昭公允而免隔閡蓋演戲雖因敬神然亦怡耳悅目之具究與敬神拜跪非同論

十二習教生員宜助祭文廟也士爲四民之首言論舉動鄉愚多信之敬之欲融化民教門戶之見當先自士人始查學中最要之典禮莫如文廟之祭祀應令此後習教生員由學官派其一律助祭使不習教之士人可混排斥之見習教之士人亦以有事爲榮此尤輯和民教之樞紐至教民向雖奉教然既入中國之學斷無弁髦 先聖自外生成之理且此後並仕入官名教綱常更宜遵守該生員如果深明大義必無不樂襄盛典否則日諷六經而傲視 先聖非特吾華所不取當亦西教所不容也 以上三條係教外人與教內人應盡之職分

各省教務彙誌

宗教

八十二

十一月

江西 新昌教案已平惟賠款不知如何議結但此次教案江西主教咸謂上年臨江教案辦理者過於懦怯未曾認真查懲以致仇教之人益無忌憚聞大吏將前此承辦臨江教案之員查明現署德化縣賀紹九大令昌祺亦在其內擬分別予以不善辦理教案之處分而駐滬法領事因民情皆多仇教擬派兵艦到江保護教堂業已照會大吏

浙江 湖州孔廟及尊經閣并顏魯忠孝祠遺址均被監理公會耶穌教堂佔踞築牆建屋各紳集議與爭西教士以會由歸安縣主允許且早照付地價堅持不讓故專人赴都都督請外務部與美使磋商 處州府屬龍泉縣地方七月初忽有關教之事頑民蜂起殺害教士三人教堂亦均拆毀經道府飛調防軍彈壓省憲即幹委員赴龍會同核辦

湖北 施南府屬恩施縣沙子地三年前天主教宜施主教德希聖君擬於恩施縣之沙子地設堂宜教團首崔姓不允主教白諸邑令崔因是受辱本年五月德主教偕弟及一董姓教士遍查所屬復過其地崔姓備於壓力特具稟酒踴過嗣因酒不敏彼此互相爭執致激衆怒登時將堂焚燬德主教兄弟及董教士先後被殺並斃教民若干人此六月初七日事也鄂督張宮保暨荆宜施道余觀察既得此電即先後委呂竹笙大令左元麟觀察偕同法總領事所派田教士入山查辦宜昌鎮軍門隨遣宜防營兵七十名前往彈壓更派兵五十名沿途護送田主教張宮保仍慮兵力單薄特調常備軍右翼一營入山相機辦理至其議約條款詳列如下 一 下手行兇之犯須即行懲罰 二 該縣地方官與分防之佐雜官須革職離任 三 須在該處造一醫院以爲紀念 四 被害之神甫須以體面尊貴之葬禮爲之安葬

五 被害之華人四名須以卹款若干給其眷屬并須於付給神甫之卹款時同時發給

陝西 陝省教民以城固整屋兩縣爲最多各處雖間有入教者然不及該兩縣十分之一整屋縣爲會士剛明府七月中有教民索討不遂因服毒死於事主之家明府往驗作初報服毒教民大譁幾將用武明府跨馬飛馳得免於辱當由大吏委員復驗擬和平了結聞有神甫把持云

四川 叙州近有天主耶穌兩教爭鬧之事駐渝英法領事均派輪上駛并令教堂派人前往調和

廣西 有西教士二人行經桂林所屬地方被匪殺害

心上了。又那裏曉得那一個人。卻在家裏木邊之日。田下之心的病。害得苦極不堪呢。如此看來。天下冤枉的事情很多哩。

且說葛麗蘭自從向那榻上躺下之後。真是啞子喫黃連。去對那一個說。看看天色將晚。一會他的父母回來了。不免振作精神。對他父母講些閒話。到得晚餐時候。略略喫了些皮酒。就不喫了。他母親道。你沒有什麼麼。葛麗蘭道。覺著身子困倦。別的也沒什麼。他母親道。你成日裏只是看書。總不是衛生之道。既這麼。你早些睡罷。葛麗蘭便辭了出來。到自己房裏去睡了。翻來覆去。那裏睡得著。橫也不是。豎也不是。聽那自鳴鐘。已經打兩下了。愈覺心火上。十分煩躁。便坐了起來。那時電燈早已熄了。便將蠟燭點起。到書架上抽了一本書。拿在手裏。翻了一翻。又懶得去看。想道。從來事體的破壞。只爭得起頭的毫末細故。從此起了風波。豈不後悔嫌遲麼。我何不寫封信去給梅哥哥呢。想罷。便將文具取了出來。寫了一封信。封好了。拿表一看。已是三下鐘。只得仍舊去睡。糊裏糊塗。一會兒。忽然梅甫禮來了。說他並不生氣的話。不知怎麼。又見梅甫禮對他道。你只怕未必能成親呢。葛麗蘭哭道。只要你的心堅。我是死心塌地的。爲什麼不能呢。正在那裏囁囁私語。卻見一隻狐狸。張牙舞爪。向他撲來。葛麗蘭喫驚不小。正要喊救。覺得身子仍在牀上。原來是南柯一夢。心裏猶兀自跳

個不止。睜開眼來一看。天色將要亮了。停了一會。大家都起來。也不免勉強起身。照常梳洗。到了早飯時候。便叫家人將那封信。送到郵局裏去。不多時。那家人回來了。說是放在就近郵政信箱裏的。葛麗蘭道。你這蠢才。你不看見是給梅甫禮先生的麼。爲什麼不送到總局裏去呢。家人不敢則聲。葛麗蘭也只得罷了。過了五六天。非但不見梅甫禮的踪跡。并且連回信也沒有一封。把個葛麗蘭漸漸弄得寢食俱廢起來。但做書的一張口說不來兩處話。按下這邊不表。

且說那穆漢爾自從起先梅甫禮請假之後。忽然那一天收到一封信。是寄給梅甫禮的。他見那書法秀媚。就猜著是閨閣筆墨。他是個歪嘴吹喇叭的騷鬍子。見了女人的物件。豈肯好好放過。自不免拿來偷著拆看。這一看不打緊。險些把他的魂都看掉了。想道。原來如此。這小子好大豔福哩。天教我遇著這封信。安知沒有些緣法在裏頭。我久聞久慕。也算渴想極了。於是就弄神弄鬼。如醉如魔。一天後來聽得梅甫禮已搬到聖保羅去居住。他就從此整日裏不出門。所有信件。必須親自過目。纔各各發出寄遞。歇了幾天。又看見了一封信。也是寄與梅甫禮的。筆迹與前一封絲毫無二。就到僻靜去處。拆開仔細一看。上面寫的是。梅甫禮哥哥愛鑒。妹不更事。得罪於君。事過境遷。悔恨交集。前書倉卒。未盡所懷。乃紅豆

情殷。青鸞信杳。度日如歲。懺悔無從。比聞君受小人之讒。高舉遠引。妹心膽俱碎。轉念事果無因。終必水清見底。顧天涯地角。魂魄飛颺。不獲自抑。爲喚奈何。言念及此。愁如亂絲。待死春蠶。誰爲憐恤。君苟以妹爲可語。還望雲箋早答。以慰離情。得君一紙書。固不啻侍君左右也。愚表妹葛麗蘭端莊檢衽上。

穆漢爾看了此信。又從頭再念。三翻四覆。不忍釋手。一會將信藏在身上。縐眉揉手了半天。忽地氣將起來。拿出那信。撕得粉碎。丟到字簍裏去。看官你看這人爲甚發這些癡。我且暫時擱起。再說那勞爾飛。

這梅甫禮的好友勞爾飛。自從離開學堂。就在家中閒住。與那一班偵探的朋友。日日相處談心。有了事的時候。便同出去做些冒險的事情。學些偵探的手段。閑了下來。就打槍使棒。操練通身。不上一年。同道中已讓他占了一個上位。眼力極好。能用毛瑟槍。打那兩里外頭的馬。沒有一子落空的。至於身體輕捷。如鳥如龍。更捉不住他的。又且心細如髮。膽大於身。辦事精明。料物透亮。有一天忽然接到一封信。是聖保羅寄來的。再看下面。是梅甫禮具名。就想道。怎地他忽然到聖保羅去。拆開一看。前面都是些常話。下來就說命途多舛。從此將要隱姓埋名。不出世的話。末了寫著如有覆信。請寄聖保羅南市西路一百三十五號門牌。

字樣。勞爾飛看畢。疑道。我聞得他從前在郵局當文案。怎的此信並不提起。忽然到聖保羅。要做起隱士來了。難道受了人家什麼欺侮不成。想了半天。猜不出個道理。忽又想道。我如今沒甚麼事。橫豎閑耍著。何不去訪他一輪。問他個仔細呢。主意已定。一天當晚無話。到了次日。一早起來。叫家人過來吩咐道。今天我要到聖保羅去。看個朋友。不定幾時回來。有人來找我。只說大約要兩三個月纔來就是了。家人答應著。替他收拾一個皮包。備好一乘自由車。勞爾飛出門坐上。就一路向聖保羅去。訪梅甫禮。這且不表。

且說葛麗蘭自從寫信寄與梅甫禮之後。日日盼望。那知候了好久。音信全無。真個一日迴腸。千回百轉。說不盡相思相念的苦楚。有一天。忽然家人遞進封信來。說是由聖保羅梅先生寄來的。就出去了。葛麗蘭聽了。就突的一怔。幾乎流下淚來。定了定神。這纔面上有些喜色。就振精打采的拆開一看。你道怎的。原來梅甫禮信中所說的是他已經另有了屬意之人。兩相約定。指日就要成婚。又道雖則是郵局文案。卻倒還有人願嫁他。那不肯嫁郵局文案的人。倒怕終久沒人來娶的話。葛麗蘭呆呆看了半晌。起初不知說些什麼。重又看了幾遍。纔看清楚。這時葛麗蘭正斜靠在榻上。嘆了一口氣。那眼淚好像滾珠。撲簌簌的直滴下來。一陣頭暈目黑。撲的跌倒在榻上。停了好一會。清楚了些。想道。我不信我那梅哥哥。這樣

薄情寡義。隨又拿起那信來細細端詳。又的確是他的筆跡。如何假得來呢。生不逢辰。總是我葛麗蘭的命薄了。這時候葛麗蘭心裏有幾多恨。幾多悔。幾多愁。幾多癡。說書的人也不知道。更說不出來。卻祇有葛麗蘭自己知道。去一天一天捱這些苦況。連他父母都沒有曉得這事。還當他是好好的靜坐閨門哩。

且說葛麗蘭的父親。本是個商人。年紀已到中年。血氣既衰。性又慳吝。極其看重錢財。因此就變成了一個性情。叫做愛富欺貧。他在人閒處。世就在這四個字上分些皂白。其餘就沒有什麼上下高低了。至於葛麗蘭和梅甫禮的愛情。他本睡在鼓裏。一毫也不通風。但他的母親卻有些知道。也曾向他父親提過幾次。他總置之不答。看來總須得一個有錢的。那纔可當得東牀快婿哩。事也湊巧。剛剛這一天來了一個朋友。是來與他女兒做媒的。他父親起先也不在意。後來聽得媒人說。那個婿家。是有財有勢。富比王侯。他就動起念來。就答應過一天再談罷。第二天那媒人又來。并且送了好些珍重東西。他父親還有些含糊不應。當不起那媒人再三作合。說閣下若是不信。還可以約期到他家去相婿。任你見了。包你老人家心滿意足。斷不致委曲了。令媛的話。隨後又附耳低言道。婿家還有一句話。說如果承允這起親事。感激不盡。成親之後。閣下如有賠累。他家照親戚的情分。情願拿五萬磅英金借

與你老人家。作為貼奩之費。任憑幾時有錢。再行歸還。只取三釐利息。這是聊表感謝的意思。明知你老人家。不在乎些須錢財。但照情理而論。也應得如此。再者。這是我們鄉裏通例。今與你老人家說明。又不是什麼通關行賄可比。千萬勿可推諉等話。他父親聽了這話。暗想他何以這樣奉承我家呢。又轉念道。或者他家是富於錢財。稍貼補丈人些。也不為過。況且西卡哥地方風俗。也有這個辦法。我受了。也不算非分。就有什麼難為情。我將來終要本利歸還。又不是白受他的。想定主意。當時又故意挑剔了好些。這纔允了。媒人見事已成功。自是歡喜而去。告訴婿家。這邊他父親允親之後。就叫葛麗蘭出來。直告訴了他。麗蘭心中十分不願。奈他父母都再三勸慰。又道雖說婚姻自由。但我兒這時心上。並沒有真個屬意之人。且我兒嫁了這家。你爹娘就得了絕大利益。豈不是兩全其美呢。乖兒子快些依著。做爹娘的難道欺侮了你不成麼。葛麗蘭看看事已無可挽回。祇得低頭不語。回房而去。到了黃昏人靜時候。還不是依舊哭哭啼啼的獨自傷心麼。隨後想到梅哥哥雖是怪我。我做妹妹的寸心。惟天可表。還須得寫封信去。告訴了他。再結來世的姻緣罷了。那時就提起筆來。攤紙書寫。也不覺得自己悲傷到萬分。信上寫的是。

梅甫禮手足。葛麗蘭自君之去。煎腸寸斷。愁心百結。攬鏡自照。不識其為何人。前者兩奉

寸箋。再三道已過。懺已罪。而君直抽刀斷水。一去不回。忍哉冤也。葛麗蘭雖生之日。猶死之年。願君則無情。兒甯負義。白頭之約。生死由之。比者。以父母之命。結婚有日。君姑靜候。必有佳耗傳來。彼時君勿謂兒情急志短。則九原之下。仍引領以待來生耳。臨楮暈眩。不知所云。

豈知葛麗蘭寫的時候。卻是連咽帶哭的信。雖寫好。那張紙早已濕得和水裏撈起的一般。原來他又不知淌了多少眼淚。隨即封好。仍舊由郵局寄到聖保羅去。

卻說穆漢爾所管的郵局裏頭。有一個司事朋友。是個英國人。聞得他流寓在這西卡哥地方。因沒有事。半個月前頭。由穆漢爾一個朋友。薦到局裏去當個大寫的職事。這人是辦事勤能。有謀有幹。不但穆漢爾很爲信任。就是那同事之中。和他共處了幾時。個個都道他好。敬愛交加。他到局中辦事。每天只派定四點鐘。但他卻先半點鐘進來。後半點鐘出去。天天如此。人都說他是勤慎奉公。沒有錯誤。有一天。那大寫因沒有事。在迴廊下閒步。有一個管信的人看見了。叫道。朋友。煩你代我一代。我有事去去就來。凡有來信。都收下。擱在一旁。不要混亂了。大寫道。這是爲什麼呢。那人道。總司事吩咐。凡是聖保羅地方來去的信。總要經他老人家過目的。大寫道。我知道了。你去罷。他就在那裏坐下。好一會。還不見那人來。信卻

收下了許多了。其中有一封。正是寄到聖保羅去的。就想道。這是什麼緣故呢。我姑且拿他藏了起來。看有甚事。且待總司事怎地發付。剛剛藏好。那管信人已來了。大寫就讓他坐下。自己走到他公事房裏。見沒有人。就將那封信取出一看。見那名姓具的是葛麗蘭寄與梅甫禮的。又拆開來看畢。詫異道。這封信。也就淒涼極了。我聞得人說。這裏有一個絕色女子。許定了一家富婿。那女子名字叫什麼葛麗蘭。狠與這信上具的名相似。如果內中有這些情節。將來一定要弄出事情來的。或者總司事知道這事。要想設法成全他們。這卻是極好的事。我也須得幫個忙才好。想罷。就走了出來。對一個僕人道。總司事房裏字紙簍滿了。你還不去燒了麼。那僕人道。正是。正是。我幾乎忘了。說罷。便將房門開了。取出字簍。找了一個火盆。預備在天井裏燒起來。那大寫忽然走近身旁。附耳說道。朋友。你可要錢使用麼。僕人問道。這是怎麼說。大寫道。你這字紙。可以變錢使用。你不知道麼。僕人道。這破紙有誰要呢。大寫笑道。原來你是個傻子。市面上製造的那些東西。大半都要這東西用。賣得好的。還可以得大價哩。僕人笑道。你要麼。我只要你二百磅。大寫道。我便依你。你將這字簍交給我罷。僕人如言遞給了他。他就走到自己房裏。拿出一個大皮包來。打開一看。卻是空的。就叫僕人替他裝在裏面。僕人道。錢呢。大寫道。在此。便從身邊摸出兩張鈔票。遞給了他。僕人

接來一看。卻整整二百磅。想道。真真僥倖。不然如何這樣湊巧呢。又聽得那大寫道。這事你不可告訴別人。將來我得了好處。還再謝你二百磅何如。僕人聽了這話。便不則聲。將字紙替他裝好。自去。但他心裏。甚有心計。暗想穆漢爾總有什麼股票等類。誤丟在內。被大寫看見了。纔肯出錢買去。如今我欠些精細。且看他後來舉動。再作道理。且說大寫自得了字紙。便託同事到總司事那裏。告一禮拜的假。一面就回到家裏。將字紙倒了出來。細細理看。尋了許多的有用東西出來。他就歡喜得狠。打算拿去得些利益不提。

卻說葛麗蘭的父母。自從許了富家的親事。就指望有一個日子迎娶。卻好那邊叫媒人送了喜期過來。並說因為西卡哥地方不便。要接到紐約去成親行禮的話。葛麗蘭的父母一想。雖則不在本地。好在還有火車。當日就可以到紐約的。這也沒甚關係。但那葛麗蘭自從發了第三封信之後。終日眼淚沒有乾的時候。慵梳怕洗。如病如痴。指日成親的日期將近。他的父母。反倒笑逐顏開。喜歡的了不得。大有不重生男重生女的氣象。葛麗蘭支離枕席。他們雖則是延醫煎藥。望他趕緊好起來。但只不過是可以早日交易銀錢的意思。從沒有一句體貼入微的話。葛麗蘭看了這般情景。自必更覺傷感。竟是死裏偷生。到了婚期。那新婿親自來接。這邊岳父母看那新郎。雖則剛中帶柔。一表非俗。但年紀已是不小。差不多要

半老了。葛麗蘭的母親。惟恐女兒受了委曲。竭力去敷衍他。那知葛麗蘭這時。反像不在意的樣子。動身時候。哭別了父母。慨然登車而去。那新郎自是甚為得意。以為葛麗蘭並沒有增嫌他的意思。上了馬車。一路上對著葛麗蘭問話。葛麗蘭只是默然不答。也不怒。也不喜。那新郎當他是閨女怕羞。也並不在意。不一會。到了火車站。上了火車。那消一刻。又到一個車站。這是奧脫蘭地方。只見車道旁岸走上一個人來。手裏拿著一張字紙。問道。尊駕是由西卡哥來的麼。新郎答道。是的。那人又道。這一位就叫葛麗蘭麼。新郎道。問他怎的。那人指著葛麗蘭道。他家裏有電報在這裏。叫你兩人且慢走。新郎接過電報一看。說這也奇了。我們是倒紐約成親去的。豈能耽擱。況且這電報上叫你阻住我們。不許我走。這電又是他老子打的。天下那有將女兒許配了人家。又打電報來阻止的道理。這斷然靠不住的。你要阻止我。且去打聽著實。我還是拐人逃走呢。還是怎麼。此時葛麗蘭聽了。也摸不著頭腦。那人見新郎如此回答。又看葛麗蘭並不說什麼。也只得無言而去。嗚的一聲。火車又開了。那新郎和葛麗蘭在火車上。只是雙雙納悶。像各有心事的樣子。到了五點鐘。已到聖保羅車站。這聖保羅的車站。不比別的。氣象雄大。商務也比別處興盛。火車要停一點三十分鐘才開呢。新郎對葛麗蘭道。我們何不到窗外散步散步。看看這裏的风景呢。葛麗蘭只是不理他。

新郎便立了起來。一個人走出去。看見前面一個賣新聞紙的。新郎就叫了過來。買了一張。慢慢的立在窗子外面。仔仔細細翻閱。不過看了有小半張。那天就黑下來了。便拿了新聞紙。走進來。想和葛麗蘭同看。剛剛進得窗門。擡頭一看。不見了葛麗蘭的蹤跡。喫了一驚。連忙走到窗外來。各處尋找。那裏有些影響。想了一想。沒個理會。只得走到窗外。四處瞭望。疑心他是去買東西。但怎麼還不回來。難道不曉得開車時候麼。又想或者走出去迷了路。走不回來。正想之間。火車上汽笛已吹了第二次。這怎麼能撇了他去呢。只得將帶來的行李。叫人替他拿了下來。權且在車站裏安下。卻眼巴巴望著那火車向紐約而去。要想尋找葛麗蘭。試問這人山人海的去處。從那裏去找呢。

正在發呆。忽然走來一人。向他摘帽行禮道。閣下何處來。要到那裏去的。那新郎道。在下是到紐約去的。那人道。既往紐約。何以逗遛在此。新郎道。適纔和內子同行。要去成親。到了這車站。內子忽然下車不見。想係瞎走迷路。如今在下正在沒主意。不知往何處尋找。爲是那人道。兄弟名叫貝斯來。是本地人。足下何不暫居客寓。我且代你訪問。訪問何如。新郎聽了。甚爲心喜道。承蒙盛情。未免造次。說著。就一路同行。找到一處中等客寓。安頓下來。又和貝斯來叙了些套話。并問他住在何處。貝斯來道。相去不遠。我一得了信。就來奉報。又仔細問

了那女子的衣服容貌。這纔告辭而去。隔了一天。又到客寓裏來。對新郎道。尊夫人已打聽著了。新郎忙問在那裏。又道。我雖託付閣下。自己卻也到處尋問。毫沒蹤影。貝斯來道。尊夫人迷路之後。一直走到一個鄉村人家。就攔下來。幸虧他有識見。打了個電報回家。告訴他的父母。他父母就來了個回電。通知我。叫我去招呼他。這纔曉得了他的住處。連忙走來奉報的。那新郎問道。他父母何以打電與你。你與他家是素識。還是親黨呢。貝斯來笑道。現且不說到了那裏。自然知道了。新郎問道。說了半天。究竟內子在什麼地方呢。貝斯來道。離這裏東南方去。有十幾里路。是個鄉村。地名叫做班羅村。那家主人名叫敖乃德。你趕快去找他罷。我不能奉陪了。說罷。轉身要走。忽又回頭笑道。幾乎忘了。我把足下破鏡重圓。將來應得什麼謝禮呢。新郎道。好說好說。自當重重酬報。終身不忘哩。貝斯來又一笑去了。這裏新郎獨自一人出了客寓。認定方向。一直找著了敖乃德家。就敲門進去。問道。你家姓敖麼。敖乃德聽得有人打門。出來應道。正是。你是甚人。來問什麼。新郎道。我的家眷。走迷了路。打聽著在你家裏。煩你快叫他出來見我。敖乃德道。你的家眷。怎見得在我家裏呢。新郎道。有人通報我。確是在你家裏。怎得推諉。敖乃德道。你且拿個證據給我。看自有你的家眷出來。還你。新郎忖道。剛纔失計。悔不與貝斯來回來。又想這敖乃德莫是個歹人麼。就滿面怒容道。

胡說。難道我冒認人家家眷不成。我的家眷就是我的證據。你竟敢藏留人家婦女麼。這時候教家的人。個個聽得聲響。都走出來。幫着爭論。那時街上忽然路過一人。聽見吵鬧。要上前來解勸。走進一看。見那新郎狠有些面熟。便勃然大怒。高聲道。你在這裏。打算欺侮那個。那新郎回頭。噢了一驚。假意帶笑道。閣下爲什麼到這裏來。那人道。我特來尋你的。那新郎支吾道。你想想。他們豈有此理麼。我的家眷。要同到紐約成親去的。他們竟藏了起來。那人不等說完。搶道。你的家眷。怎會跑到他家裏來。兀的不是在西卡哥郵局後面荒場上麼。看官。你道這話怎講。如今且把這些情由。表個明白。再敘後事。

卻說穆漢爾的郵局裏。當那個大寫未來就職幾天之前。有一個美國教士。來訪穆漢爾。並沒有什麼事故。不過說要到各處去游歷的意思。穆漢爾看他生得紫檀色。一張面皮。滿部花白的鬍子。口齒甚好。精神矍鑠。彼此問起籍貫。才知道穆漢爾是泥路毛斯州人氏。單身一人寄寓在此。兩人談了一會。穆漢爾就陪他各處遊玩了一回。喫了飯。那教士就走了。你道這教士是誰。原來就是勞爾飛。他本要到聖保羅去找梅甫禮的。到了半途。忽然想道。梅甫禮離開西卡哥。必定有個緣故。況且路途很近。西卡哥的。何不先到那裏打聽明白。再定行止呢。想計已定。便掉轉自由車。向西卡哥來。要想找個僻靜所在住下。只望那冷僻地方。

走去到了一處。只見四面荒場。當中一座小小樓房。卻甚精緻。暗想這裏頗好。便走到門口。尋那掣門鈴的機關。卻是沒有的。敲了幾下。也沒人答應。只得罷了。一連又找了幾處。都不中意。最後到一個小客棧。卻有一間半新的明街樓。就在那裏住下。安頓了行李。隨到從前肄業的學堂裏去。訪訪故交。真是舊地重來。不禁有無限身世之感。問起從前知名之士。有的卒業去了。有的謀生去了。賸下認識已沒有幾個。就歎息了一回。內中有一個同窗說道。老兄知道梅甫禮的事情麼。勞爾飛道。我也聽見傳說。但不甚詳細。兩位兄台。必定澈底知道。那同窗道。你和他不常通信麼。勞爾飛道。自從出學之後。祇通過兩三封信。我昨天來此。還不知他已經移居他處。可見聚散無常。得見一面。都不是容易的。那同窗道。你可知道他移居的緣由麼。勞爾飛道。這卻不知。又一個道。說起來。我們也應慚愧。他也不知鬧了什麼笑話。弄得人家恨了。拿不老實三字。替他登了報。如今是通國皆知了。你想那麼一個人。我們何等敬愛他。誰知一朝變節。終身貽羞。這纔合了知人知面不知心一句老話哩。勞爾飛道。哦。原來如此。真真笑話了。但兩位兄台。可知道他有什麼把柄。落在人家手裏沒有呢。那同窗歎了一口氣道。還要什麼把柄。那路上的口碑。還能憑空捏造不成。又聽得還有什麼狎褻的事情在裏頭呢。不知道的人都說是我們學堂裏造就出來的人才。豈不冤死了人。

又一個道。便是這話最爲可恨。再者。不是我幫梅甫禮的話。他既不老實。爲什麼並不見有不老實的事跡。也不過是那些以耳爲目的人。你唱他和罷了。又回過頭來。對一個同窗道。前天你不聽得。有人說郵局總司事叫什麼穆漢爾的。不是個人麼。誰知道他們在那裏弄什麼鬼呢。勞爾飛道。這話有些道理。但如梅甫禮果真受了冤屈。就不怕沒有水落石出的日子。我單怕他果真有了那些壞事。來敗壞我們的聲名。那就有些晦氣了。我的眼珠子也只配挖掉了。三個人又談了許多閑話。勞爾飛就起身告別。說道。我有要事。要到紐約去。過一天再來奉教罷。那二人道。待我們再過來送行。勞爾飛道。不必。我明早就要動身。二位毋須客氣。只須把那梅甫禮兄的事。再打聽個仔細清楚。將來我再要求教哩。兩個同窗答應了。攙着手。送到門口自回。

勞爾飛別了兩人。一面走。一面想道。他們說有什麼狎褻的事。這句話從什麼地方來的呢。況有人說郵局總司事不是個好人。必須先設法到郵局裏去一躺。看看那總司事是怎的一個人。再作道理。但去雖去。若被他看見了我的面目。將來做事。就有些不便。就回到客寓。改扮了個教士模樣。到郵局裏來。他那鬍子面色都是假的。說書的人。從前已經說過。外國包探的本領。能夠變成各樣的人物。叫人家認不出來。這也不消說的。勞爾飛到了郵局。見

了穆漢爾與他游玩了一回。卻處處留心著眼。早猜著這人其中必有隱情。梅甫禮受屈的話。總有些影子。等到別了出來。又到別處閒誑了一回。回到客寓。喝了幾杯勃蘭地酒。又喫些麵包。暗想道。這穆漢爾必定不是好人。但要知道梅甫禮是怎的受冤。須想他什麼法子呢。獨自一人。祇是納悶。到了半夜。忽然跳起來道。我何不如此如此呢。想罷大喜。從此以後。他便行蹤詭秘。有時幾日不回來。客寓裏人問他。只說在朋友家裏。隔了好些日子。有一天夜間。已是午夜的時候。勞爾飛正在郵局近傍走來走去。只見郵局門口。電燈光下。有個人影子。在那裏魑魅地。像是東張西望的樣子。仔細一看。不是別人。恰是穆漢爾。勞爾飛便向樓後隱了。那穆漢爾見四面無人。便急急忙忙的望前就走。勞爾飛見他這個樣子。便遠遠地跟住了他。轉灣抹角。走的都是冷僻地方。一回到了。一座房屋所在。遙望見穆漢爾已停住腳。立定了。勞爾飛向那座房屋一看。有些熟識。像是看見過的。想了一想。哦。原來就是他。從前初到時候。敲不開門的地方。知道這個所在。一定是與穆漢爾有關係的了。但當時我卻敲不開門。且看他怎樣進去。只見穆漢爾四面張了一張。就向地下拾起一塊石子。向樓上拋去。不一會。就有一個女子出來開門。讓他進去。隨將門關好。勞爾飛便兜著那座房子的四周。走了兩趟。隱隱見後面樓上。百頁窗中。有些燈光透出來。原來這座房子。是兩層樓。

叢談

至高之屋 美國紐約有一工程大公司。擬造一世界無比之高屋。依其圖樣。地底共有五層。自地以至頂。則四層。共高六百十五尺。此為尋常住屋之最高者。然按法國大賽會會造一樓。計九百八十五尺。合其頂計之。共一千尺。華盛頓之留名閣五百五十五尺。埃及三千年之石塔五百四十三尺。德國可倫之高樓五百一十一尺。比利士之禮拜堂四百七十六尺。法國之禮拜堂四百七十四尺。奧國之禮拜堂四百六十六尺。羅馬之禮拜堂四百六十八尺。尚有製造鋼水廠之烟筒。最高者有三百尺。至四百五十尺。

最大之圖書館 在法京巴黎。為路易第十四所建設。藏書一百四十萬卷。筆記三十萬冊。鈔錄書籍十七萬五千本。地圖三十萬張。圖法賞牌合計十五萬。圖書約有一百三十萬種。合作一萬卷。肖像有十萬種。

最高之明燈臺 其一在美國紐約城。高二百十五尺。內

容電燈九盞。每盞光力抵燭六十枝。其二在紐約港。高二百二十尺。其三在意大利幾內亞。高二百十八尺。其四在美國哈脫拉司城。高一百八十九尺。其五在英國愛寧冬島。高八十五尺。

大報館 美國之大報館。皆一館而出報至數種。或十數種之多。有晨報。有午報。有晚報。有夜報。有七日報。有月報。有季報。有年報。皆一館備之。其最大者。如紐約之太陽報。世界報。時報。每日出至十數次。以上大抵隔一點或兩點鐘。即出一次。午間向街上賣新聞紙者。求其早間所出之報。則已不可復得矣。

特別大船 去年英國造天下最大之船。名曰波爾的克。長二百二十邁當。合中國六十一丈有奇。廣二十二邁當。又十之八。合六丈有奇。高十四邁當。又十之九。合四丈有奇。載重四萬噸。馬力一萬零三千匹。可載人三千。速率每點鐘約行五十中里。

特別鐘表 意大利有千七百二十五年造成之鐘表。其

構造式平面天體圖形。示時及分之外。及示太陽之位置。又日行及月行之精密。遠過今日。不知何以造成。實可驚歎。

極大中國地圖 俄國學生製一中國大地圖。直長四百英尺。直長三百五十英尺。字大一英寸。水源山脈。省界邊線。物產村市。畫畫真形。十五年前動工。癸卯冬始成。現已呈之俄皇。為天下第一大地圖。內中各州縣地方。及將地方官姓名。一并登入詳註。

特別大食 美國烟苞省馬利安市。有博士名那拿者。世界著名第一之大食家也。午食每餐必需獸肉五斤。雞蛋二十箇。鳥肉十斤。牡肉十四罐。牛乳半斤。

特別桃樹 某甲在法國雲納地方。竟得核桃樹一株。係數百年物。樹身圍八邁當。每年結果可七十七斗。榨油甚夥。掘起此樹時。用牛十二對。載往英國。售價一千一百法郎。

特別新粧 墨西哥婦女。以蠟火為裝飾。其法置蠟蟲於

紗袋之內。安於頭上。或衣服上。又置於小鐵絲籠內。喂以甘蔗碎片。以為美觀。

履水新機 德國某船長名克祿斯曼者。曾於倫敦步行水上。大博時譽。克君之製此水上步行器也。經六載乃成。自德國之哈來至柏林。或由柏林至漢堡。雖距離甚遠。亦能以此器旅行。不至沈溺。

攝影飛船 格致家某君。精心研究。創出照像飛船。擬即運送遠東戰地。以便試用。此與前者所創飛船。大同小異。船內攜帶極大攝影力之照像鏡。機一撥動。全船可升天空。能行四英里。沿途所經。一切景物。均可隨時用機拍照。用之疆場。則一切詳細敵情。皆可用機拍照。又能詳紀沿途景物。彼此相距里數。戰船上亦能窺探敵軍船隻之部位。海塢之情形。俾經營火器者。得以度其遠近高低。依法撥動準尺。裝放火藥。

三井洋行

總行在日本國東京

分行

本國

札幌 函館 橫濱 名古屋

唐津

大阪 神戶 門司 若松

臺北

長崎 口之津 三池

清國

廣東 廈門 上海 漢口

芝罘

天津 牛莊 大連灣

韓國

京城 仁川

印度

孟買

香港

瓜哇

馬尼拉

新嘉坡

大英

倫敦

德國

漢堡

美國

紐約 舊金山

新金山

西士尼

啓者本行開設上海有年歷蒙各省紳商垂顧貨真價實章不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲
布 火柴 人參 木料 米 雜糧 各樣機
器 洋灰 紙煙 各種雜貨

再代辦各國有名水火保險公司事務以及東西各國有名商工公司事務發售貨目開列於後

兵船 輪船 軍火 紡織 染色 防火滅水
火車 製紙 印書 電氣 麵粉 皮帶 製
造銀元銅元各種機器

各省紳商賜顧本行格外克己以廣招徠請駕臨上海四川路第十七號門牌面議可也

日本商 上海三井洋行謹啓

司各脫鰵魚肝油



SCOTT'S EMULSION

司各脫

滋補鰵魚肝油

此油潤肺除痰養顏長肉
 補氣血壯筋骨又
 除肺癆去積毒
 消胃經之積滯凡
 瘦弱不化肺受病
 憂鬱傷房事色傷
 吐血咳嗽喘急皮
 癆瘵小兒疳積不
 筋力軟弱等症皆
 不論男女老幼皆
 亦能壯精神無病
 此乃補劑之冠也
 不膩之補藥而滋
 房均之寄認明牌
 目不混存也招魚
 英京司各脫鰵魚
 司各脫鰵魚肝油